

曾宗元諸名公文集

陸官公集

漢書門	
三七五四	類
一四二	函號
一〇	架
二四	冊

內閣文庫	
三	漢
七	書
五	門
二	類
四	函號
四	架
六	冊

內閣文庫	
番號	漢 3754
冊數	24(2)
函號	360 57



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



陸宣公

淺草文庫

陸贄字敬輿嘉興人年十八第進士中博學宏辭調鄭尉罷歸壽
州刺史張鎰有重名贄往見與語三日奇之請爲忘年交旣行餉
錢百萬曰請爲母夫人一日費贄不納止受茶一串以書判拔萃
補渭南尉德宗立遷監察御史帝在東宮已聞其名矣召爲翰林
學士會馬燧討賊河北久不夾請濟師李希烈寇襄城詔問策安
出贄言皆效從狩奉天機務填總遠近調發奏請報下書詔日數
百贄初不經思遠成皆周盡事情帝倉卒變故每自剋責贄曰陛

下引咎堯舜意也。然致寇者乃羣臣罪，贊意指盧杞，帝又問贊事。行於今者，贊勸帝群臣參日，使極言得失，兼天下之智以為聰明。擢老功郎中，時賊未平，帝欲明年改元，而術家爭言數鍾百六，宜有所變，示天下復始。帝乃議更益大號，贊謂宜痛自貶勵，不宜益美名以累謙德。會興元赦，令方具，帝以橐付贊，使商討其詳。贊建言動人以言，所感已淺，言又不切，人誰肯懷。始帝播遷，府藏委棄，衛兵無褚衣，至是天下貢奉稍至，乃於行在夾廡者瓊林大盈二庫，別藏貢物，贊諫以為郡邑賦稅當委有司以制經用，李懷光有

異志，欲怒其軍使叛，即上言兵稟薄，與神策不等，難以戰。李處密言其變，因請移屯，帝遣贊見懷光議事，贊還奏懷光必反，宜有以制之。因勸帝許晟移軍，又建遣李建徽、陽惠元與晟并屯東渭橋。帝猶豫曰：晟移屯，懷光固怏怏，若又遣建徽等俱東，彼且為辭，少須之，晟已徙營，不聞旬，懷光果奪兩節度兵，建徽挺身免，惠元歿之。紂在震驚，遂徙幸梁道，有獻瓜果者，帝嘉其意，欲授以試官，贊亦殊遇。諫止之。德宗在艱難中，雖有宰相小大之事，必與贊謀之。當時謂之內相，遷贊為諫議大夫，仍為學士。時鳳翔節度使李楚琳殺張

鎰得位雖數貢奉議者頗言其挾兩端有所伺然帝亦不能容其
使至皆不得召欲以渾瑊代之○合○識○懷○光○必○反○處○觀○之○真○可○謂○隨○事○得○情○贊諫曰楚琳之罪舊矣今議者乃
始紛紜不晚哉今顧望兩端是乃天誘其衷歸通塗濟大業也帝
釋然盡見其使優詔勞安之帝欲以內外從官普號定難功臣贊
曰官官具寮恪居奔走勞則有之何功之云難則嘗之何定之云
京師已平帝欲召渾瑊訪奔逃內人給裝使赴行在贊諫帝不復
下詔猶遣使諭瑊資遣上又問贊近有○官○自○山○北○來○者○論○說○賊○
勢語多張皇察其私情頗似窺覘贊諫宜推誠不可當疑初○贊○從○

一姜公輔材下不逮贊遠甚位台宰而贊孤立一意為左右權倖
沮短又言事無所回諱陰失帝意久之不得宰相還京但為中書
舍人以喪解官服除以權知兵部侍郎復召為學士天下屬以為
相而竇參素不平忌之贊亦數言參罪失貞元七年罷學士以兵
部侍郎知貢舉明年參黜乃以中書侍郎同門下平章事贊秉政
始請臺閣長官得自薦其屬有不職坐舉者帝初許之或言諸司
所引皆親黨招賂遺無實才帝復詔宰相自擇贊奏言所謂臺省
長官僕射尚書丞郎御史大中丞是也陛下擇輔相多出其中行

實不能頓殊也。今乃謂不能進一二屬吏。豈後位宰相則可擇天

下材乎。班宏判度支。卒官贊薦李巽。帝漫許之。而自用裴延齡。贊

上書苦諫。帝不懌。竟以太子賓客罷贊。贊畏慎。未嘗通容。延齡揣帝

意薄。讒短百緒。帝遂發怒。欲誅贊。賴陽城等交章論辨。乃貶中州

別駕。後稍思之。後薛延為刺史。諭旨慰勞。韋臯數上表請贊代領

劔南。帝猶銜之。不肯與。順宗立。召還。詔未至。卒。年五十二。贈兵部

尚書。謚曰宣。始贊入翰林。年尚少。以才幸。天子常以輩行呼。而不

名在奉天。朝夕進見。小心精潔。未嘗有過。奉天所下制書。雖諸人

悍卒。無不感動流涕。後李抱真入朝。為帝言。陛下在奉天。山南時

赦令至。山東士卒聞者。皆感泣。思奮臣。是時知賊不足平也。議者

謂興元戡難功。雖爪牙宣力。蓋贊有助焉。帝狩山南也。道險澀。與

從官相失。夜召贊不得。帝驚且泣。詔軍中得贊者。賞千金。久之。上

謁。帝喜見。顏間自太子以下。皆賀。及輔政。不敢自顧重事。有可否

必言之。所言皆懇到深切。或規其太過者。對曰。吾上不負天子。下

不負所學。邇他恤乎。既放荒遠。常闔戶。人不識其面。又避謗。不著

書地。苦瘴癘。祇為今古集驗。方五十篇。贊所陳。俱詳奏議。

唐陸宣公奏議

陸宣公文集序

權德輿

嘗讀賈誼書觀其經制人文鋪陳帝業術亦至矣待之宣室恨得後時
 遇亦深矣然竟不能達四聰而盡其善排羣議而試厥謀道之難行亦
 已久矣東陽絳灌何代無之噫一薰一蕕善齊不能同其器方鑿圓枘
 良工無以措巧心所以理世少而亂日多大雅衰而正聲寢漢道未融
 既失之於賈傅吾唐不幸復擯棄於陸公公諱贄字敬輿吳郡蘇人溧
 陽令侃之子年十八登進士第應博學宏辭科授鄭州尉非其好也省
 母歸壽春刺史張鎰以有名於時一獲晤言大加賞識暨別鎰以泉貨
 數萬責曰願以此奉太夫人一日之膳公悉辭之領新茶一串而已是

陸宣公文集序

權德輿序一

歲以書判拔萃調渭南主簿御史府以監察換之德宗皇帝春官時知名召對翰林即日為學士繇祠部員外轉考功郎中朱泚之亂從幸奉天時車駕播遷詔書旁午公灑翰即成不復起草初若不經思慮及成而奏無不曲盡事情中於機會倉卒填委同職者無不拱手嘆伏不能復有所助嘗從容奏曰此時詔書陛下宜痛自引過以感人心替禹湯以罪。勃興楚昭以善言復國陛下誠能不恡改過以言謝天下俾臣草辭無諱庶幾羣盜革心上從之故行在詔書始下雖武人悍卒無不揮涕激發議者以德宗克平寇亂不推神武之功小牙宣力蓋以資文德腹心之助焉及還京師李抱貞來朝奏曰陛下出山南時山東士卒聞書詔之辭無不感泣思奮臣節臣知賊不足平也公自行在帶本識

拜諫議大夫舍人精敏小心未嘗有過艱難危從行在輒隨咨沃謀猷特所親信有時譏語不以公卿指名但呼陸九而已初幸梁洋棧道危狹送官前後相失上夜次山館召公不至泣然踈於禁旅曰得陸贄者賞千金頃之公至太子親王皆賀初公既職內署母韋氏尚在吳中上遣中使迎致京師道路置驛文士榮之丁韋夫人憂去職持喪於洛遣人護溧陽之柩附葬河南上遣中使監護其事四方賻遺數百萬公一無所取素與蜀帥韋南康布衣交善韋令每月置遺公奏而受之服闋復內職權知兵部侍郎覲見之日天子為之興改容敘弔優禮如此內外屬望旦夕俟其輔政為竇叅忌嫉故緩之貞拜兵部侍郎知貢舉得人之盛公議稱之貞元八年拜中書侍郎平章事公以少季入侍內殿

特蒙知遇。不可與衆浮沈。苟且自愛。事有不可必諍之。上察物太精。躬臨庶政。失其大體。動與公違。姦諛從而間之。屢至不悅。親友或規之。公曰。吾上不負天子。下不負吾所學。不恤其他。公精於吏事。斟酌剖決。不與錙銖。其經綸制度。具在德宗實錄。及實叅納劉士亨之賂。為李巽所發。得罪左遷。橫議者以公與叅素不協。歸罷相之議於公。戶部侍郎判度支裴延齡以姦回得幸。害時蠹政。物議莫敢指言。公獨以身當之。屢言不可。翰林學士吳通玄忌公先達。每切中傷。陰結延齡。互言公短。宰相趙憬公之引拔。昇為同列。以公排邪守正。公復異之。羣邪沮謀。直道不勝。十年退公為賓客。罷政事。明年夏旱。芻糧不給。軍校訴於上。延齡奏曰。此皆陸贄輩怨望。鼓扇軍人也。貶公忠州別駕。上怒不可測。贄

城張萬福救之。獲免。蜀帥韋令玘表請以贄代已。歲賂資糧。公在南賓。閉門却掃。郡人稀識其面。復避詢。不著書。惟考較醫方。撰集驗方五十卷。行於世。江浹十稔。永貞初。與鄭餘慶陽城同徵。還公乃薨歿。時年五十二。公之秉筆內署也。推古揚今。雄文藻思。敷之為文。誥伸之為典。謨俾標。狡向風。懦夫增氣。則有制誥集十一卷。覽公之作。則知公之為文也。潤色之餘。論思獻納。軍國利害。巨細必陳。則有奏草七卷。覽公之奏。則知公之為臣也。其在相立也。推賢與能。舉直錯枉。將幹璿衡。而揭日月。清氛沴。而平泰階。敷其道也。與伊說爭衡。考其文也。與典謨接軫。則有中書奏議七卷。覽公之奏議。則知公之事君也。古人以士之遇也。其要有四焉。才位時命也。仲尼有才而無位。其道不行。賈生有時而無命。

終於一慟。惟公才不謂不長。位不謂不達。逢時而不盡其道。非命歟。裴氏之子。焉能使公不遇哉。說者又以房魏。姚宋。逢時遇主。克致清平。陸君亦獲幸時。君而不能與房魏爭列。蓋道未至也。應之曰。道雖在我。弘之在人。蜚蝗竟天。農稷不能善稼。奔車覆轍。丘軻亦廢。規行若使四君與公易時。而相則一否一臧。未可知也。而致君不及貞觀。開元者。蓋時不幸也。豈公不幸哉。以為其道未至。不亦誣乎。公之文集。有詩文賦集。表狀為別集。十五卷。其關於時政。昭昭然與金石不朽者。惟制誥奏議。乎。雖已流行。多謬編次。今以類相從。冠於編首。兼畧書其官氏。景行以為序引。俾後之君子。覽公制作。効之為文。為臣事君之道。不其偉歟。

進讀奏議劄子

元祐八年五月七日。蘇軾同呂希哲、吳安詩、豐稷、趙彥若、范祖禹、顧臨、劄子奏。臣等稷以空疎。備員講讀。

恭惟

聖明天縱。學問日新。臣等才有限。而道無窮。心欲言。而口不盡。以此自愧。莫知所為。竊為人臣之納忠。譬如醫者之用藥。藥雖進於醫手。方多傳於古人。若已經効於世間。不必皆從於己出。伏見喜宰相陸贄。才本王佐。學為帝師。論深切於事情。言不離於道德。知如子房。而文則過辨。如賈誼。而術不疎上。以格君心之非。下以通天下之志。但其不幸。仕不遇時。德宗以苛刻為能。而贊諫之以忠厚。德宗以猜疑為術。而贊勸之

以推誠。德宗好用兵而贊以消兵為先。德宗好聚財而贊以散財為急。至於用人聽言之法。治邊馭將之方。罪已以收人心。改過以應天道。去小人以除民患。惜名器以待有功。如此之流。未易悉數。可謂進苦口之藥石。鍼害身之膏肓。使德宗盡用其言。則貞觀可得而復。臣等每退自四閣。即私相告言。以

陛下聖明。必喜贊議論。但使聖賢之相契。即如臣主之同時。昔馮唐論頗牧之賢。則漢文為之太息。魏相條鼂董之對。則孝宣以致中興。若陛下能自得師。莫若近取諸贊。夫六經三史。諸子百家。非無可觀。皆足為治。但聖言幽遠。未學支離。譬如山海之崇深。難以一二而推擇。如贊之論。開卷了然。聚古今之精。其實治亂之龜鑑。臣等欲取其奏議。稍加

較正。繕寫進呈。願

陛下置之坐隅。如見贊面。反覆熟讀。如與贊言。必能發聖性之高明。成治功於歲月。臣等不勝區區之意。取進止。

此文載東坡集中。殊似宣公。想當日亦曾有意效為之者。葛端詠

陸宣公奏議

蘇軾等進御劄子

陸宣公奏議選目次

陸宣公奏議選目次... 卷一... 奉天論... 權德輿文集序... 蘇軾進讀劄子... 吳郡 葛 鼎謙調甫 評輯... 弟葛 鼎竑調甫同輯... 吳郡 葛 鼎端調甫... 評輯... 弟葛 鼎竑調甫同輯...

吳郡 葛 鼎謙調甫 評輯 弟葛 鼎竑調甫同輯
葛 鼎端調甫 評輯 弟葛 鼎竑調甫同輯

集序

權德輿文集序一首

蘇軾進讀劄子一首

奏狀

論關中事宜狀

論敘遷幸之繇狀

奉天論奏當今所切務狀

奉天論前所答奏未施行狀

重論尊號狀

奉天論赦書事條狀

奉天論擬與翰林改轉狀

奉天論請數對羣臣兼許令論事狀

奉天請罷瓊林大盈二庫狀

奉天奏李建徽揚惠元兩節度兵馬狀

駕幸梁州論進獻瓜果人擬官狀

又論進瓜果人擬官狀

興元論解姜公輔狀

又答論姜公輔狀

興元論請優獎曲環所領將士狀

興元論解蕭復狀

興元又答論蕭復狀

興元訪續從賊中赴行在官等狀

興元賀吐蕃尚結贊抽軍迴歸狀

興元奏請許渾瑊李晟等諸軍兵馬自取機便狀

興元請撫循李楚琳狀

興元論中官及朝官賜名定難功臣狀

興元論渾瑊詔書為取散失內人等議狀

鑾駕將還宮闕論發日狀

請釋趙貴先罪狀

論替換李楚琳狀

請許臺省長安舉薦屬吏狀

請嶺南請於安南置市舶中使狀

謝密旨因論所宣事狀

請還田諸所寄撰碑文馬絹狀

請依京兆所請折納事狀

論朝官闕員及刺史等轉改偏序狀

書

論裴延齡姦蠹書

條奏

請兩稅以布帛為頗不計錢數

論長吏以增戶加稅闢田為課績

論徵稅期限迫促

請以稅茶錢置義倉以備水旱

論兼并之家私歛重於公

陸宣公奏議

論關中事宜狀

右臣頃覽載籍每至理亂廢興之際必反覆參考究其端繇與理同道
 固不與與亂同趣固不廢此理之常也其或措置不異安危則殊此時
 之變也至於君人大柄立國有大權得之必強失之必弱是則歷代
 不易百王所同夫君人之柄在明其德威立國之權在審其輕重德與
 威不可偏廢也輕與重不可倒持也蓄威以昭德偏廢則危居重以馭
 輕倒持則悖恃威則德喪於身取敗之道也失重則輕移諸已啟禍之
 門也陛下天錫勇智志期削平忿茲昏迷整旅奮伐海內震疊莫敢寧
 居此誠英主撥亂拯物不得已而用之然威武四加非謂蓄矣所可兢

陸贄

論關中事宜狀一

既保惜慎守而不失者。惟居重馭輕之權耳。陛下又果於成務。急於應
機。竭國以奉軍。傾中以資外。倒持之勢。今又似焉。臣是以疚心如狂。不
覺妄發。輒踰顧問之旨。深測憂危之端。此臣之愚於自量。而忠於事主
之分也。古人所謂愚夫言而明主擇之。惟陛下幸留聽焉。臣聞國家之
立也。本大而末小。是以能固。又聞理天下者。若身之使臂。臂之使指。則
小大適稱。而不悖焉。身所以能使臂者。身大於臂故也。臂所以能使指
者。臂大於指故也。王畿者。四方之本也。京邑者。又王畿之本也。其勢當
令京邑如身。王畿如臂。四方如指。故用則不悖。處則不危。斯乃居重馭
天子之大權也。非獨為御諸夏而已。抑又有鎮撫戎狄之術。則
前代之制。轉天下租稅。委之京師。徙郡縣豪傑。處之陵邑。選四方

實之邊城。其賦役則輕。近而重。遠也。其惠化則悅。近以來。遠也。太宗文
皇帝既定大業。萬方底乂。猶務戎備。不忘慮危。列置府兵。分隸禁衛。大
凡諸府八百餘所。而在關中者。殆五百焉。舉天下不敵。關中則居重馭
輕之意。明矣。承平漸久。府脩寢。澁。雖府衛具存。而卒乘罕習。故祿山竊
倒持之柄。乘外重之資。一舉滔天。兩京不守。尚賴經制。頗存典刑。強本
之意。則忘。沿邊之備。猶在。加以諸牧有馬。每州有糧。故肅宗得以為資。
中復興運。乾元之後。大憝初夷。總有外虞。悉師東討。邊備既弛。禁戍亦
空。吐蕃乘虛深入。為寇。故先皇帝莫與為禦。避之東遊。是皆失居重馭
輕之權。忘深根固柢之慮。內寇則喙面失險。外寇則沂渭為戎。於斯之
時。朝市離析。事變可慮。須臾萬端。雖有四方之師。寧救一朝之患。陛下

退想及此。豈不為之寒心哉。尚賴宗社威靈。先皇仁聖。攘却醜類。再安宸居。城邑具全。宮廟無賈。此又非常之幸。振古所未聞焉。足以見天意之於皇家。保佑深矣。故示大儆。將弘永圖。陛下誠宜上副天心。下察時變。遠考前代成敗。近鑒國朝盛衰。垂無疆之休。建不拔之業。今則勢可危慮。又甚於前。伏惟聖謀。已有成算。愚臣未達。敢獻所憂。先皇帝還自陝。邠懲艾。注事稍益。禁衛漸修。邊防是時。關中有朔方。涇原。隴右。三帥以扞西戎。河東有太原。全軍以控北虜。此四軍者。皆聲勢雄盛。士馬精強。又徵諸道戎兵。每歲乘秋備塞。尚不能保固封守。遏其奔衝。京師戒嚴。比比而有。陛下嗣膺寶位。威懾殊鄰。蠶茲昆夷。猶肆毒螫。舉國來寇。志吞岷梁。貪冒既深。覆亡幾盡。遂求通好。少息交侵。蓋緣馬喪兵疲。務

以計謀相緩固。非畏威懷德。必欲守信結和。所以歷年優柔。竟未堅定。要約息兵。稍以育馬。漸蕃必假。小事忿爭。因復大肆。侵掠張戾。又於振武。誘殺群胡。自爾以來。絕無虜使。其為嫌怨。足可明徵。借如吐蕃。實和迴紇。無憾戎狄。貪詐乃其常情。苟有便利。可窺豈有端然可守。今朔方太原之衆。遠在山東。神策六軍之兵。總出關外。倘有賊臣。啗寇黠虜。窺邊伺隙。乘虛微犯。亭障此愚臣所竊為憂者也。未審陛下其何禦之。側聞伐叛之初。議者多易其事。僉謂有征無戰。役不逾時。計兵未甚多。度費未甚廣。於事為未擾於人。為不勞。曾不料兵連禍拏。變故難測。日引月長。漸乖始圖。故前志以兵為凶器。戰為危事。至戒至慎。不敢輕用之者。蓋為此也。當勝而反敗。當安而倒危。變亡而為存。化小而成大。覆

掌之間耳。何可不畏而重之乎。近事甚明。足以為鑒。往歲為天下所患。咸謂除之則可。致昇平者。李正已。李寶臣。梁崇義。田悅是也。往歲為國家所信。咸謂任之則可。除禍亂者。朱滔。李希烈是也。既而正已死。李納繼之。寶臣死。惟岳繼之。崇義卒。希烈叛。惟岳戮。朱滔矍然。則往歲之所患者。四去其三矣。而患竟不復。往歲之所信者。今則自叛矣。而又推保是。知立國之安危在勢。任事之濟否在人。勢苟安。則異類同心也。勢苟危。則舟中敵國也。陛下豈可不追鑒往事。惟新令圖。循偏廢之柄。以靖人。復倒持之權。以固國。而乃孜孜汲汲。極思勞神。徇無已之求。望難必之效。其於為人除害之意。則已至矣。其為宗社自重之計。恐未至焉。自頃將帥徂徠。久未盡敵。苟以藉口。則請濟師。陛下乃為之輟邊軍。缺環

衛虛內。廐之馬。竭武庫之兵。占將家之子。以益師。賦私家之蓄。以增騎。猶且未戰。則曰乏財。陛下又為之莫室。廬貨商賈。傾司府之幣。設請權之科。關輔之間。徵發已甚。宮苑之內。備衛不全。萬一將帥之中。又如朱滔。希烈。或負固邊壘。誘致豺狼。或竊發郊畿。驚犯城關。此亦愚臣所竊為憂者也。未審陛下復何以備之。以陛下聖德君臨。率土欣戴。非常之慮。豈所宜言。然居安備危。捨王是輔。以言為諱。中主不行。若備之已嚴。則言亦何害。倘忽而未備。又安可勿言。是以罄陳狂愚。無所諱避。固敢以中主不行之事。有虞於聖朝也。惟陛下熟察之。過防之。且今之關中。即古者邦畿千里之地也。王業根本。於是在焉。秦嘗用之以傾諸侯。漢嘗因之以定四海。蓋繇憑山河之形。勝宅田里之上。腴弱則內保一方。

當天下之半可以養力俟時也。強則外制東夏據域中之大。可以蓄威。昭德也。豪勇之在關中者與藉控營衛不殊。車乘之在關中者與列於。廐牧不殊。財用之在關中者與貯於帑藏不殊。有急而須一朝可取。今。執事者先拔其本。棄重取輕。所謂倒持太阿。授人以柄。議制置則疆。弱。枝之術。反語。綏懷則悅。近來遠之道。乖求諸通方。無適而可。顧臣庸。懦。竊為陛下惜之。注者不可追。來者猶可補。臣不勝懇懇憂國之至。轍。敢效其狂鄙。以備采擇之一端。陛下儻俯照微誠。過聽愚計。使李茂援。東洛。懷光救襄城。希烈克從。勢必退。則所遣神策六軍士馬及點召。節將子弟。東行應援者。悉可追還。河北既有馬燧。抱真。固亦無藉。李晟。亦令旋旆。完復禁軍。明敕涇隴。鄜寧。但令嚴備封守。仍云。更不。遣。兵。

知各保安居。又降德音。勞徠畿甸。具言京輦之下。百役殷繁。且又萬方。會同諸道。朝奏。卹勤懷遠。理合優容。其京城及畿縣所稅間架。榨酒。抽。貫。貨。商。點。召。等。諸。如。此。類。一。切。停。罷。則。冀。已。輸。者。弭。怨。見。處。者。獲。寧。人。心。不。搖。邦。本。自。固。禍。亂。無。從。而。作。朝。廷。絲。是。益。尊。然。後。可。以。度。時。宜。施。教。令。弛。張。自。我。何。有。不。從。端。本。整。禁。無。易。於。此。

馬燧等討賊河北久不決請濟師李希烈寇襄城詔問策安出贊以。兵窮民困怨別生內變乃上此奏及論兩河及淮西利害狀帝不能。用。後。有。涇。原。士。卒。之。變。贊。言。皆。效。三。代。以。下。以。天。下。為。家。則。居。重。脚。輕。實。百。王。不。易。之。要。略。也。惟。常。人。安。而。忽。危。賢。者。微。而。知。著。至。於。事。後。始。追。服。先。見。之。明。不。知。其。理。甚。

平固非有奇耳。先機之言易於簡畧。此文詳明切中。不激不迂。熟此可以轉筆不窮。葛端調。

○○論敘遷幸之繇狀

陸贄

臣前日蒙恩召見。陛下敘說涇原叛卒驚犯宮闈。及初行幸之事。因自剋責。辭旨過深。臣奏云。陛下引咎在躬。誠堯舜至德之意。臣切有所見。以為致今日之患者。羣臣之罪也。陛下又曰。卿以君臣之禮。不忍歸過於朕。故有此言。然自古國家興衰。皆有天命。今遇此厄運。雖則是朕失德。亦應事不繇人。未及對詔之間。陛下遂言及宗祧。涕泗交集。主憂臣憤。人理之常情。激於衷。不覺嗚咽。旋屬游瓌請對。臣言未獲畢。辭。今輒上煩。以盡愚懇。臣所謂致今日之患。是羣臣之罪者。非敢徒飾浮說。苟寬聖懷。事皆有繇。言庶可復。自胡羯稱亂。遺患未除。朝廷因循。久務容養。事多僭越。禮闕會朝。陛下神武統天。將壹區宇。乃命將帥。四征不庭。

兇渠稽誅、逆將繼亂、兵連禍結、行及三年、興師四方、無遠不暨、父子訣
別、夫妻分離、一人征行、十室資奉、居者有餽、送之苦、行者有鋒刃之憂、
去留騷然、而閭里不行矣、聚兵日衆、供費日多、常賦不充、乃令促限、促
限才畢、復命加徵、加徵既殫、又使別配、別配不足、於是推算之科、設率
貸之法、興禁防滋、章條日織、碎吏不堪、命人無聊、生農桑廢於追呼、膏
血竭於答筮、市井愁苦、室家怨咨、飛庶罄然而羣邑不寧矣、邊陲之戍、
用保封疆、禁衛之師、以備巡警、二者或闕、則生戎心、國之大防、莫重於
此、陛下急於靖難、累遣東征、邊備空虚、親軍寡弱、尋又撥閱私收、以取
馬、薄責將家、以出兵、凡有私牧者、例元勳貴戚之門、所謂將家者、皆統
帥、每收之、從是乃嘗蒙親委、或著忠勞、復除征徭、固有常典、今忽奪其

蓄牧事、其子孫有乞假以給資裝、有破產以營卒乘、道路憫、部曲感、
傷貴位、崇勲、孰不解體、加以聚歛之法、敲下尤嚴、邱第侯王、咸輸屋稅、
裨販夫婦、畢算緡錢、貴而不見優、近而不見異、其為憤感、又甚諸方、誅
求轉繁、庶類恐懼、興發無已、羣情動搖、朝野驚然而原邑關畿、不寧矣、
陛下又以百度廢弛、志期肅清、持義以掩恩、任法以成理、神斷出於太
速、睿察失於太精、斷速則寡恕於人、而疑似之間、不容辨也、察精則多
猜於物、而臆度之際、未必然也、寡恕則重臣懼禍、反側之釁、易生多猜、
則羣下防讎、苟且之風、漸扇、是以叛亂總起、怨讟並興、非常之虞、億兆
同慮、惟陛下穆然寤遠、獨不得聞、至使兇卒鼓行、白晝犯關、重門無結、
草之禦環衛、無誰何之人、自古禍變之興、未有若斯之易、豈不以乘我

間隙。因人攜離哉。陛下有股肱之臣，有耳目之任，有諍諫之列，有備衛之司。見危不能竭其誠，臨難不能効其死，所謂致今日之患，羣臣之罪者，豈徒言歟。聖旨又以國家興衰皆有天命，今遇此厄運，應不繇人者，臣志性介劣，學識庸淺，凡是占算秘術，即不涉其源流，至於興衰大端，則嘗聞諸典籍，書曰：天視自我人視，天聽自我人聽。又曰：德惟一，動罔不吉；德二三，動罔不凶。惟吉凶不僭在人，惟天降災祥在德。又曰：天難忱命，靡常常厥德，保厥位，厥德靡常，九有以亡。此則天所視聽，皆因於人。天降災祥，皆考其德，非於人事之外，別有天命也。故祖伊責紂之辭曰：我生不有命在天。武王數紂之罪曰：吾有命罔懲其侮。此又捨人事而推天命，必不可之理也。易曰：自天祐之，吉無不利。仲尼以為祐者功

也。天之所助者順也，人之所助者信也。履信思乎順，又以尚賢，是以自天祐之，吉無不利。又曰：危者安其位者也，亡者保其存者也，亂者有其理者也。故君子安而不忘危，存而不忘亡，理而不忘亂，是以身安而國家可保。又曰：視履考祥，又曰：吉凶得失之象也。夫易之為道，窮變知化，其於性命可謂研精及乎論天人祐助之繇。辯安危理亂之故，必本於履行得失，而吉凶之報象焉。此又天命繇人，其義明矣。春秋傳曰：禍福無門，唯人所召。又曰：人受天地之中以生，所謂命也。是以有動作威儀禮義之則，以定命；能者養之以福，不能者敗以取禍。禮記引詩而釋之曰：大雅云：殷之未喪師，克配上帝，儀監于殷，駿命不易。言得衆則得國，失衆則失國也。又引書而釋之曰：康誥曰：惟命不于常，言善則得之，不

善則失之此則聖哲之意六經會通皆謂禍福繇人不言感氣有命蓋
人事著於下而天命降於上是以事有得失而命有吉凶天人之間影
響相準詩書已後史傳相承理亂廢興大略可紀人事理而天命降亂
者未之有也人事亂而天命降康者未之有也六經之教既如彼歷代
明驗又如此尚恐其中有可疑者臣請復以近事證之自頃征討頗頻
刑網稍密物力竭耗人心驚疑如居風濤洶洶靡定上自朝列下達蒸
黎日夕族黨聚謀咸憂必有變故旋屬汪原叛卒果如衆庶所虞京師
之人動逾億計固非悉知真術皆曉占書則明致寇之繇未必盡關天
命伏惟陛下鑒既往之深失建將來之令圖拯宗社貼危刷億兆憤耻
在於審察時變博詢人謀王化聿修天祐自至恐不宜推引厄運謂為

當然撓追咎之誠沮惟新之望臣聞理或生亂亂或資理有以無難而
失守有因多難而興邦理或生亂者恃理而不修也亂或資理者遭亂
而能懼也無難失守者忽萬機之重而忘憂畏也多難興邦者涉庶事
之艱而知救慎也今生亂失守之事則既往不可復涼矣其資理興邦
之業在陛下勉勵而謹脩之當至危至難之機得其道則興失其道則
廢其間不容隙有所悔也惟陛下勤思焉熟計焉捨已以從衆焉違欲
以遵道焉遠儉佞而親忠直焉推至誠而去詐逆焉杜讒沮之路廣諫
諍之門焉掃求利之汰務息人之術焉錄片善片能以盡羣材焉忘小
瑕以怨俾無棄物焉斯道甚易知甚易行不勞神不勞力但在約之於
心斥人陛下天資睿哲有必致之具安得捨而不為哉斯道夕誓之於

心○則○可○以○感○神○明○動○天○地○朝○施○之○於○事○則○可○以○服○庶○類○懷○萬○方○何○憂○乎
亂○人○何○畏○乎○厄○運○何○患○乎○天○下○不○寧○昔○古○公○以○避○狄○而○興○周○文○以○百○里
而○王○是○乃○因○危○難○而○恢○盛○業○繇○僻○小○而○闡○王○圖○况○陛○下○稟○英○姿○乘○寶○曆
四○海○之○利○權○繇○已○列○聖○之○德○澤○在○人○苟○能○增○修○蔑○有○不○濟○至○如○東○北○羣
孽○莠○苒○連○誅○淫○原○亂○兵○倉○卒○犯○禁○蓋○上○天○保○祐○陛○下○恐○陛○下○神○武○果○斷
有○輕○天○下○之○心○使○知○艱○難○將○永○福○祚○耳○伏○願○悔○前○愆○以○答○天○戒○新○聖○化
以○承○天○休○勿○謂○時○踵○厄○運○而○自○疑○勿○謂○事○不○繇○人○而○自○解○勤○勵○不○息○足
致○昇○平○豈○止○蕩○滌○妖○氛○旋○復○宮○闈○而○已○愚○臣○不○勝○區○區○愛○國○奉○君○之○至
誠○有○所○切○辭○不○覺○煩○伏○惟○陛○下○不○以○人○廢○言○不○以○言○廢○直○千○慮○一○得○或
有○取○焉

本傳云始帝值變故每自刺責贄曰陛下引咎堯舜意也然致寇者
乃羣臣罪贄意指盧杞等帝護杞因曰卿不忍歸過朕有是言哉然
自古興衰亦有天命今之厄運恐不在人也贄退而上此奏
罪在群臣此公權詞引君慶觀篇末勸忠熟計一段以親忠遠儉為
急知其暗指在杞無疑矣 葛端調

在息兵。在安業。天下之所惡者。在歛重。在法苛。陛下欲息兵。則寇孽猶存。兵固不可息矣。欲安業。則征徭未罷。業固未可安矣。欲薄歛。則郡縣懼乏軍用。令必不從矣。欲去苛。則行在素霽。威嚴言且無驗矣。此皆勢有所未制。意有所未從。雖施於德音。足慰來蘇之望。而稽諸事實。未符悔禍之誠。且動人以言者。其感不深。動人以行者。其應必速。蓋以言因事而易。發行違欲而難成。易發故有所未孚。難成故無思不服。今陛下將欲平禍亂。拯貼危恤黎烝。安反側。既未有息人之實。又乏於施惠之資。唯當違欲以行。已所難布。誠以除人所病。乃可以彰追咎之意。副惟新之言。若猶不然。未見其可。頃者竊聞與議。頗究羣情。四方則患於中。外意乖百辟。又患於君臣道隔。鄰國之志。不達於朝廷。朝廷之誠。不昇

於軒陛。上澤闕於下布。下情壅於上聞。實事不必知。知事不必實。上下否隔於其際。貞偽雜揉於其間。聚怨囂囂。騰謗籍籍。欲無疑沮。其可得乎。物論則然。人心可見。蓋謂含知聽納。是聖主之所難。鬱抑猜嫌。是衆情之所病。伏惟陛下神無滯用。鑒必窮微。愈其病而易其難。如淬鋒潰疣。決防注水耳。可以崇德美。可以濟艱難。陛下何慮不行。而直為此慄慄也。臣謂宜因文武群官入衆之日。陛下特加延揖。親與敘言。備詢禍亂之繇。明示咎悔之意。各使極言得失。仍令一一面陳。軍務之餘。到即引對。不拘時限。用表憂勤。周公勤握髮吐餐。而天下歸心。則此義也。又當假之優禮。悅以溫顏。言切而埋。愜者必賞。導以盡其情。識寡而辭拙者。亦容恕以嘉其意。有諫諍無隱者。願陛下叶成湯改過之美。褒其直

而○勿○吝○其○非○有○謀○猷○可○用○者○願○陛○下○體○大○禹○拜○言○之○誠○獎○其○能○而○急○行○其○策○至○於○匹○夫○片○善○採○錄○不○遺○庶○士○傳○言○聽○納○無○倦○是○乃○摠○天○下○之○智○以○助○聰○明○順○天○下○之○心○以○施○教○令○則○君○臣○同○志○何○有○不○從○遠○邇○歸○心○詭○與○為○亂○化○疑○梗○為○訢○合○易○怨○謗○為○謳○歌○決○辰○之○間○可○使○丕○變○陛○下○倘○行○之○不○厭○用○之○澤○中○從○義○如○轉○圜○進○善○如○不○及○推○廣○此○道○足○致○和○平○其○於○昭○德○塞○違○恐○不○止○當○今○所○急○也○慮○有○愚○而○近○道○事○有○要○而○似○迂○冀○垂○睿○思○反○覆○詳○覽○必○或○無○足○觀○採○捨○棄○非○遙○德○宗○問○贄○以○當○今○切○務○贄○以○向○日○致○亂○繇○上○下○之○情○不○通○勸○上○接○下○從○諫○乃○上○此○奏○反○復○婉○切○繹○而○不○厭○葛端調

○ ○ ○ 奉天論前所答奏未施行狀

陸贄

臣其言賊泚逋誅尚充宮禁陛下思念宗廟痛傷黎元仁孝交感至於憤激猥以急務下詢激臣臣雖鄙懦尊慕仁義荷陛下知己之遇感陛下思理之誠愚衷所懷承問輒發不以淺深自揆不以喜怒上虞誠缺於周防承順之規是亦忠於陛下至之分也前奉詔問尋具上陳請延羣臣稍與親接廣諮訪之路開諫諍之門通擁鬱之情弘採拔之道自獻答奏追茲彌旬不聞施行不賜酬詰未審宸旨以為何如昧於付量但務竭盡恐猶辭理蹇拙不能暢達事情悽悽血誠敢願披瀝顯煩黷冒豈不慙惶蓋大馬感恩思效之心睽睽而不能自止者也臣聞立國之本在乎得衆得衆之要在乎見情故仲尼以謂人情者聖王之繇

奉天論前所答奏未施行狀一

言○理○道○所○繇○生○也○是○則○時○之○否○泰○事○之○損○益○萬○化○所○繫○必○因○人○情○情○有
通○塞○故○否○泰○生○情○有○厚○薄○故○損○益○生○通○天○下○之○情○者○莫○智○於○聖○人○盡○聖
人○之○心○者○莫○深○於○易○象○其○別○卦○也○乾○下○坤○上○則○曰○泰○乾○上○坤○下○則○曰○否
其○取○象○也○損○上○益○下○則○曰○益○損○下○益○上○則○為○損○乾○為○天○為○君○坤○為○地○為
臣○天○在○下○而○地○處○上○於○位○乖○矣○而○反○謂○之○泰○者○上○下○交○故○也○君○在○上○而
臣○處○下○於○義○順○矣○而○反○謂○之○否○者○上○下○不○交○故○也○氣○不○交○則○庶○物○不○育
情○不○交○則○萬○邦○不○和○天○氣○下○降○地○氣○上○騰○然○後○歲○功○成○君○澤○下○流○臣○誠
上○達○然○後○理○道○立○損○益○之○義○亦○繇○是○焉○上○約○已○而○裕○於○人○人○必○悅○而○泰
上○矣○豈○不○謂○之○益○乎○上○蔑○人○而○肆○諸○已○人○必○怨○而○叛○上○矣○豈○不○謂○之○損
乎○然○則○上○下○交○而○泰○不○交○而○否○自○損○者○人○益○自○益○者○人○損○情○之○得○失○豈

容易哉故喻君為舟喻人為水水能載舟亦能覆舟舟即君道水即人
情舟順水之道乃浮違則沒君得人之情乃固失則危是以古先聖王
之居人上也必以其心從天下之心而不敢以天下之人從其欲乃至
兢兢業業一日二日萬幾夫幾者事之微也以聖人之德天子之尊且
猶慎事之微乃至一日萬慮豈不以居上接下懼失其情歟書曰人心
惟危道心惟微則萬幾之慮不得不精也危則覆舟之戒不得不戒
也夫揆物以意宣意以言言或是非莫若考於有跡跡或成敗莫若驗
於已行自管王業盛衰君道得失史冊盡在粲然可徵與眾同欲靡不
興違眾自用靡不廢從善納諫靡不固遠賢恥過靡不危故詩書稱堯
德則曰稽于衆捨己之功數舜之功則曰明四目達四聰言務同欲也

序禹之所繇興。則曰益贊于禹。禹拜昌言。述湯之所以王。則曰用人惟已。改過不吝。言能納諫也。歌文王作周。則曰濟濟多士。文王以寧。美武王克殷。則曰亂臣十人。同心同德。言皆從善也。堯舜禹湯文武此六君者。天下之盛王也。莫不從諫。以輔德。詢衆以成功。是則德益盛者。慮益微。功愈高者。慮愈下。及代之衰也。則道亦反焉。故書曰。紂有億兆夷人。離心離德。言違衆也。詩曰。女忽怙於中國。歛怨以為德。不明爾德。時無背無側。爾德不明。以無陪無卿。又曰。雖無老成人。尚有典刑。曾是莫聽。大命以傾。言遠賢也。書曰。謂人莫已若者。亡。詩曰。惟彼不順。自獨俾臧。自有肺腸。俾民卒狂。言自用也。前史數桀紂之惡。曰。強足以拒諫。辯足以飾非。言恥過也。考得失於已行之迹。覽盛衰於已驗之符。孰失道而

不哀。孰得理而不盛。報類以應。影響不差。胡可不則。而象之儆。而畏之乎。粵自秦漢。暨於周隋。其間將歷千祀。代興者非一姓。總覆者非一君。雖所遇殊時。所為異迹。然失衆必敗。得衆必成。與堯舜禹湯同務者。必興。與桀紂幽厲同趣者。必覆。全失衆則全敗。全得衆則全成。多同於善。則功多。甚同於惡。則禍甚。善惡從類。端如貫珠。成敗象行。朗若觀火。此歷代之元龜也。尚恐議者曰。時異事異。臣請復為陛下粗舉近效之尤章者。以辯焉。太宗文皇帝。以天縱之才。有神器之重。武定禍亂。文致太平。威行如雷霆。明照侔日月。英略施於百勝。聖功被於九歌。固非世品之所度量。常情之所鑽仰。然猶兢兢畏慎。失人心。每戒臣下獻規。恆以危亡為慮。夙興聽理。日旰忘勞。公卿迭趨庭。奏庶務。評議得失。與

衆共之。下無滯情。上無私斷。退朝之暇。宴接待臣。諮訪謀猷。詢求過闕。或論注古成敗。或問人間事情。每言及暗主亂朝。則省懼自戒。言及賢君理代。則企竦思齊。言及稼穡艱難。則上下相匡。務遵勤儉。言及閭閻疾苦。則君臣同慮。議息征徭。懋德懲違。觸類滋長。尚恐過言。謬舉既注。難追。每召宰相平章。必遣諫官俱入。小大頗失。隨即歲規。得一善則遽命甄昇。聽一諫必明加褒錫。故得時無闕事。人樂輸誠。又引文學之流。更直宿於內署。或講求典禮。或諷誦詩書。每至夜分。情忘厭倦。夫以太宗之德。美貞觀之理。安且猶務得人心。其勤若此。是則人心之於理道。可一日而不接乎。高宗始年。六親聽納。故當時翕然歸美。以為有貞觀之風。兼賴遺澤。在人先範。垂裕幸無改作。俗以阜康。數十年間。天下無

事。承平之業。滋久。倦勤之意。頗彰。燕居益深。接下彌簡。前哲之耿光。侵遠。中宮之威柄。潛移。卒有嗣聖臨朝。天授革命。豈不以經邦之道。闕疇咨於大猷。宴安之懷。溺偏信於近狎。馴致禍變。幾將傾邦。雖亂匪自他。然其失一也。弊俗一靡。餘風遂流。訖神龍景雲之間。皆嬖倖亂朝。聰明不達。玄宗躬定大難。手振宏綱。開懷納忠。剋已從諫。尊周舊老。採拔羣才。大臣不敢壅下情。私昵不敢干公議。朝清道泰。垂三十年。謂化已行。謂安可保。耳目之娛。漸廣。憂勤之志。稍衰。侈心一萌。邪道並進。貪權竊柄者。則曰德如堯舜矣。馬用勞神。承意趨媚者。則曰時已太平矣。胡不為樂。有深謀遠慮者。謂之迂誕。驚衆有謹言切諫者。謂之誹謗。邀名至尊。收視於穆清。上宰養威於廊廟。議會以頌。姜為奉職。法吏以識。旨為

當官司府以厚歛為公忠權門以多賂為問望外寵持竊國之勢內寵擅回天之誼禍熾然啖啖滋甚舉天下如居積薪之上人人懼然而朝廷相蒙曾莫之省日務遊宴方謂有無疆之休大盜一興至今為梗豈不以忽於戒備逸於居安憚忠鯁之拂心甘諛詐之從欲漸漬不聞其失以至於大失者乎肅宗懲致寇之繇蘊撥亂之畧虛受廣納同符乎太宗招延詢謀輟食廢寢洞啟誠腑推心與人豁披胸襟忘已應物故得來蘇之望允塞配天之業勃興先皇帝繼守恭勤而益之以和惠惠則有感和則有親雖時總艱屯而眾不離析理尚寬大務因循而重作為然於紫宸聽朝常限三人奏事亦宣諭德令課責侍臣或賞其盡現或讓以容默性本仁恕事多含私諫雖未從且不深忤情苟有阻

獲上通故君臣相安而人亦小息陛下英姿逸辯邁絕人倫武略雄圖牢籠物表憤習俗以妨理任削平而在躬以明威昭臨以嚴法制斷流弊日久浚恆太深遠者驚疑而沮命逃死之亂作近者畏憚而偷容避罪之態生君臣意乖上下情隔君務致理而下防誅夷臣將納忠又上慮欺誕故睿誠不布於羣物物情不達於睿聰臣於往年曾任御史獲奉朝謁僅欲半年陛下嚴遠高居未嘗降旨臨問羣臣踟躕退亦不列事奏陳軒墀之間且未相諭宇宙之廣何繇自通雖復例對使臣列逆宰輔既殊師錫且異公言未行者則戒以樞密勿論已行者又謂之遂事不諫漸生拘礙動涉猜嫌繇是人各隱情以言為諱至於變亂將起億世同憂獨陛下恬然不知方謂太平可致陛下以今日之所親驗

注時之所聞。孰真孰虛。何得何失。則事之通塞。備詳之矣。人之情偽。盡知之矣。列聖升降之效。歷歷如彼。當今理亂之繇。昭昭如此。未有不興於得衆。殆於失人。裕於僉諧。蔽於偏信。濟美因乎納諫。虧德繇乎自賢。善始本乎憂勤。失全萌乎安泰。今陛下將欲悔禍。徵福去危。從安若不循太宗創業之規。嚴肅宗中興之理。鑒天寶致亂之所。懲今者選幸之所。繇則何以孚聖懷。彰令聞。新遠邇之聽。歸反側之心乎。前承德音。訪及庸鄙。敢緣私議。輒以獻聞。自爾以來。反覆千慮。智愚有分。信非可移。至今拳拳猶滯所見。不勝愚誠懇款。謹復布款。以聞。臣某惶怖。死罪。謹言。○前狀既奏。旬日上無所施行。亦不詰問。故又上此。指論今筭。稱引經史。勢如黃源。非十里不一曲也。葛端調

重論尊號狀

陸贄

右冀寧奉宣聖旨。卿所商量加尊號事。雖則理體甚切。然時運必須小有改變。亦不必執滯不信。卿宜為朕更審思量。應亦無妨者。臣聞德合天者。謂之皇。德合地者。謂之帝。德合人者。謂之王。父天母地。以養人。理物各得其宜者。謂之天子。是皆至尊之殊號。極美之大名。雖欲變更。無踰於此。故伏羲神農。黃帝堯舜。自生人已來。君德之最神聖者也。天下尊之美之。亦已至矣。而其指以為號者。或曰皇。或曰帝。唯自一字。且猶不兼禹湯。總與莫非大聖。尚自菲薄。降號為王。嬴秦衰於殷周。而名竊於義。皞皞皇與帝。始總稱之。洎及後代。昏僻之君。乃有聖劉天元之號。是知人主輕重。不在名稱。崇其號。無補於微。歆損其名。不傷於德。美然

而損之有謙○光稽古之善○崇之獲矜○能納諂之譏○得失不侔○居然可辯○
況今時遭屯○否事屬艱難○尤宜懼思○以自貶抑○必也俯稽術數○須有變○
更○與其增美稱○而失人心○不若默舊號○以祇天戒○天時人事○理必相扶○
人既好謙○天亦助順○陛下誠能○斷自宸鑒○渙發德音○引咎降名○深自剋○
責○唯謙與順○一舉而二美從之外○可以收物情○內可以應玄運○上可以○
高德於愛古○下可以垂法於無窮○興廢典○稿舊失○至明也○損虛飾○收美○
利○大智也○前聖之所以○永保鴻名○常為稱首者○達於茲義而已矣○陛下○
何恠而不革○反欲加冗○弼以受實患哉○玄元之道德○經曰○王侯自謂孤○
寡不穀○以賤為本也○周襄王遭亂○出居於鄭○告於諸侯曰○不穀不德○鄙○
在鄭地○春秋禮之○以其能降名也○漢光武詔令上書者○不得言聖○史○用○

稱之○以其能損已也○臣願以賤○墩獲承訪議○伊尹恥其君不如堯舜○臣○
亦恥之○是以誠發於中○不復防慮○忌諱○赦其愚而監其理○惟明主行焉○
德宗以更改名號為應天之舉○而公以謙順損抑為祇天之實○是真○
能酌量情事○使昏主心折者○葛端調

○奉天論赦書事條狀

陸贄

右隱朝奉宣聖旨并以中書所撰赦文示臣令臣審看可否如有須改
 張處及事宜不盡條錄奏來者臣謹如詔旨詳省再三猶懼其所見不
 周兼與諸學士等參考得失僉以為網條粗舉文理亦通事多循常辭
 不失舊用於平昔頗以可行施之當今則恐未稱何則履非常之危者
 不可以常道安解非常之紛者不可以常語諭自陛下嗣承大寶志壹
 中區窮用甲兵竭取財賦眊庶未達於暫勞之旨而怨咨已深吳穹不
 假以悔禍之期而患難繼起復以刑謫太峻禁防傷嚴上下不親情志
 多墜乃至變生都輦盜據宮闈九廟鞠陷於匪人六師出次於郊邑奔
 逼憂厄言之痛心自古禍亂所鍾罕有若此之暴今重圍雖解逋寇尚

陸宣公奏議

奉天論赦書事條狀一

共

存裂土假王者四。兌滔天僭帝者二。豎又有顧瞻懷貳。叛援黨奸。其流實繁。不可悉數。皇輿未復。國柄未歸。勞者未獲。休功者未及。賞因窮者未暇。卹滯抑者未克。伸將欲紓多難。而收羣心。唯在赦令誠言而已。安危所屬。其可忽諸。動人以言。所感已淺。言又不切。人誰肯懷。昔成湯遇災。禱於桑野。躬自髡剔。以為犧牲。古人所謂割髮宜及膚。翦爪宜侵體。良以誠不至者。物不感。損不極者。益不臻。今茲德音亦類於是。悔過之意。不得不深。引咎之辭。不得不盡。招延不可以不廣。潤澤不可以不周。空陽鬱湮。不可不洞。開襟抱洗。刷疵垢。不可不盪。去癥痕。使天下聞之。廓然一變。若披重昏而睹朗曜。人得其所欲。則何有不從者乎。應須改革事條。謹具別狀。同進。除此之外。尚有所虞。竊以知過非難。改過為難。言善非難。行善為難。假使赦文至精。止於知過。言善猶願。聖慮更思。所難易曰。聖人感人心。而天下和平。夫感者誠發於心。而形於事。人或未喻。故宣之以言。言必顧心。心必副事。三者符合。不相越踰。本於至誠。乃可求感。事或未致。則如勿言。一虧其誠。終莫之信。依惟陛下先斷厥志。乃施於辭。度其可行。而宣之。其不可者。惜之無苟。於言以重其悔。言克誠。而人心必感。人心既感。而天下必平。事何可不詳。言何可不務。罄輸愚懇。伏聽聖裁。

論赦書須相時之宜。深中事竅。未段。曷重行難。收結有體。更見大儒躬行之實。萬端調。

備恩惠六則里次

夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言
夫始而人心必慮以心測慮而天不可平奪何下不籍言何下不籍言

○ 奉天論擬與翰林改轉狀

陸贄

右冀寧奉宣敕旨卿及諸學士名銜宜竝抄錄進來冀寧又向臣說云
聖意以臣等自到奉天書詔填委欲與改轉以獎勤勞者承命誅惡顧
慚非宜進退傍徨不知所措臣謬以儒學選居翰林雖職異訐謨而恩
察近侍當陛下用兵之會乏決勝之籌從陛下避狄之遊靡出奇之計
見危闕授命之節知難無伏死之爭事君大猷臣則皆曠屑屑供職曾
何足云夫君之有臣以濟理也理不失道亂何繇生亂之寢與繇理乖
也君之及難實臣罪也是以主憂則臣辱主辱則臣死今陛下躬罹逼
懼露處郊畿園廟震驚斯謂辱矣完雖密邇亦云憂矣臣竊謂凡今在
位任重者其罪大職近者其責深臣之職司頗亦為近是宜當責安可

增榮。又聞初到奉天，已頒詔命，應是扈從將吏一例，並加兩階。今若翰
林之中，獨蒙改轉，乃是行賞不類。命官以私錄微勞，則臣等遷位過優。
勸來者則從，官加階太薄。先後失次，輕重不倫。凡百具寮，誰不解體。夫
行罰先貴近，而後卑遠，則令不犯。行賞先卑遠，而後貴近，則功不遺。至
如狗主忘家，固是臣子常分。追陪輦蹕，曷足甄稱。陛下必以朝官之中，
有來有否，事雖旌別，以儆不從，則望先錄大勞，次編羣品，然後以例均
被。臣亦何敢獨辭，殊渥曲臨，實傷大體。不任覲懼之至。
前幅得大體，後幅愛得人情。公豈沾沾以辭榮為高者。葛端調

○○○奉天請數對羣臣兼許令論事狀

陸贄

朝隱奉宣聖旨，頻覽卿表狀，勸朕數對羣臣兼許令論事，辭理懇切，深
表盡忠。朕本性甚好推誠，亦能納諫，但緣上封事及奏對者，少有忠良，
多是論人長短，或探朕意旨。朕雖不受讒譖，出外即妄生是非，以為威
福。朕往日將謂君臣一體，都不隄防。緣推誠此病在無識信不疑，多被姦人賣弄。
所致患害，朕思亦無他故，却是失在推誠。又諫官論事，少能慎密，例
矜銜歸過於朕，以自取名。朕從即位以來，見奏對論事者甚多，大抵皆
是雷同道聽塗說，試加質問，即便辭勞。若有奇才異能，在朕豈惜拔擢。
朕見從前已來，事祇如此。所以近來不多取次對人，亦不是倦於接納。
卿宜深悉此意者。聖德廣大，如天包容，俯矜狂愚，仍賜獎諭。嘉臣以懇

陸宣公奏議

奉天請數對羣臣兼許令論事狀一

卅一

切目臣以盡忠雖甚庸駑實懷感勵夫知無不言之謂盡事君以義之謂忠臣之風心久以自誓以此為奉上之道以此為報主之資幸逢休明獲展誠願既免罪戾又為褒稱庶奉周旋不敢失墜倘陛下廣推此道施及萬方咸獎直以矜愚各錄長而捨短人之所善誰不如臣自熱聖德益彰羣心盡達愚衷懇懇實在於斯睿春益深縷宣密旨備該物理曲盡人情其於慮遠防微固非常識所逮然臣竊謂天子之道與天同功天不以地有惡木而廢發生天子不以時有小人而廢聽納帝王之盛莫盛於堯雖四光在朝而僉議靡輟故曰惟天為大惟堯則之是知人有邪直賢愚在慶之各得其所而已必不可以忠良者少而關於詢謀獻納之道也管人有因噎而廢食者又有懼溺而自沉者其為矯枉防患之慮豈不過哉願陛下取鑒於茲勿以小虞而妨大道也臣聞人之所助在乎信之所立縣乎誠循誠於忠可以俾眾無惑存信於已可以教人不欺惟信與誠有補無失一不誠則心莫之保一不信則言莫之行故聖人重焉以為食可去而信不可失也又曰誠者物之終始不誠無物物者事也言不誠則無復有事矣匹夫不誠無復有事况王者賴人之載以自固而不可不誠於人乎陛下所謂失於誠信以致患者臣竊以斯言為過矣孔子曰可與言而不與之言失人不可與言而與之言失言智者不失人亦不失言繇此言之陛下可審其所言而不可不慎信其所與而不可不誠海禽至微猶識情偽含靈之類固必難誣前志所謂眾庶者至愚而神蓋以蚩之徒或昏或鄙此其似於

奉天請數對羣臣兼許論事狀二

愚也。然而上之得失靡不辨。上之好惡靡不知。上之所秘靡不傳。上之所為靡不效。此其類於神也。故駁之以智則人詐。示之以疑則人偷。接不以禮則狗彘之意。輕撫不以恩則效忠之情。薄上行之則下從之。上施之則下報之。若響應聲。若影從表。表枉則影曲。聲淫則響邪。懷鄙詐而求顏色之不形。顏色形而求觀者之不辨。觀者辨而求衆庶之不惑。衆庶惑而求叛亂之不生。自古及今未之得也。故惟天下至誠為能盡其性能。盡其性則能盡人之性。若疊山云辭婉意和得告君之道不盡於已而望盡於人。衆必給而不從矣。不誠於前而曰誠於後。衆必疑而不信矣。今方岳有不誠於國者。陛下則興師以伐之。臣庶有虧信於上者。陛下則出令以誅之。有司慎命。誅伐而不敢縱捨者。蓋以陛下之所有責彼之所無故也。向若陛下

不誠於物。不信於人。人將有辭。何以致討。是知誠信之道不可斯須去。身願陛下順守而行之。有加恐非所以為悔者也。臣聞春秋傳曰。人誰無過。過而能改。善莫大焉。易曰。日新之謂盛德。禮記曰。德日新。日日新。又日新。商書仲虺述成湯之德曰。用人惟已。改過不吝。周詩告甫。美宣王之功曰。衮職有闕。惟仲山甫補之。夫禮易春秋百代不刊之典也。皆不以無過為美。而謂大善盛德在於改過。日新成湯聖君也。仲虺聖輔也。以聖輔而贊揚聖君。不稱其無過。而稱其改過。周宣中興之賢主也。吉甫文武之賢臣也。以賢臣之歌誦賢主。不美其無闕。而美其補闕。是則聖賢之意。較然著明。唯以改過為能。不以無過為責。蓋為人之行。已必有過。差上智下愚。俱所不免。智者改過而遷善。愚者恥過而遂非。遷

陸宣公奏議

奉天請對羣臣兼許論事狀三

善則其德日新。是為君子。遂非則其惡彌積。斯謂小人。故聞義能徙者。常情之所難。從諫勿拂者。聖人之所尚。至於贊揚君德。歌述主功。或以改過不吝。為言。或以有關能補。為美。中古已降。淳風浸微。臣既尚諛。君亦自聖。掩盛德而行小道。於是有入則造膝。出則詭辭之態。與矣。姦繇此滋。善繇此阻。帝王之意。繇此惑。諫臣之罪。由此生。媚道一行為害。斯甚。太宗文皇帝。挺秀千古。清明在躬。再恢聖謨。一變流弊。以虛受為理本。以直言為國華。有面折廷爭者。必為霹靂之威。而明言獎納。有上封獻議者。必為黜心意之欲。而手執褒揚。故得有過必知。知而必改。存致雍熙之化。沒齊堯舜之名。向若太宗。狗中主之常情。滯習俗之凡見。開過則美已之短。納諫又畏人之知。雖有求理之心。必無濟伐之效。雖

有悔過之意。必無從諫之名。此則聽納之實。不殊隱見之情。小異其於損益之際。已有若此。相懸又况不及中才。師心自用。肆於人上。以遂非拒諫。孰有不危者乎。且以太宗有經緯天地之文。有底定禍亂之武。有躬行仁義之德。有理致太平之功。其為休烈。耿光。可謂盛極矣。然而人到於今。稱咏以為道冠前古。澤被無窮者。則從諫改過。為其首焉。是知諫而能從。過而能改。帝王之美。莫大於斯。陛下所謂諫官論事。少能慎密。例自矜術。歸過於朕者。臣以為不密。自矜。信非忠厚。其於聖德。固亦無虧。陛下若納諫不違。則傳之適足。增美陛下。若違諫不納。又安能禁之。勿傳。伏願以貞觀故事。為楷模。使太宗風烈。重光於聖代。恐不可謂此為歸過而阻絕。直言之路也。臣聞虞舜察通言。故能成聖化。晉文聽

奉天請對羣臣兼許令論事狀四

與誦故能恢霸功。大雅有詢於芻蕘之言。洪範有謀及庶人之義。是則
聖賢為理務。詢衆心不敢忽細微。不敢侮鰥寡。侈言無驗不必用。質言
當理不必違。遜於志者不必然。逆於心者不必否。異於人者不必是。同
於衆者不必非。辭拙而效速者不必愚。言甘而利重者不必智。是皆考
之以實慮之。以終其用。無他惟善所在。則可以盡天下之理。見天下之
心。夫人之常情。罕能無惑。大抵蔽於所信。阻於所疑。忽於所輕。溺於所
欲。信既偏則聽言而不考。其實繇是有過當之言。疑既甚則雖實而不
聽。其言於是。有失實之聽。輕其言則遺其可重之事。欲其事則存其可
棄之人。斯並尚縱私懷。不稽皇極。於以虧天下之理。於以失天下之心。
故常情之所輕。乃聖人之所重。圖遠者先驗於近。務大者必慎於微。將
在博採而審用。其中固不在慕高而好異也。陛下所謂比見奏對論事
皆是雷同。道聽塗說者。臣竊以衆多之議。足見人情必有可行。亦有可
畏。恐不宜一槩輕悔而莫之省納也。陛下又謂試加質問。即便辭窮者。
臣下恐陛下雖窮其辭而未盡其理。能服其口而未服其心。何以知其
然。臣每讀史書。見亂多理少。因懷感歎。嘗試思之。竊謂為下者莫不願
忠。為上者莫不求理。然而下每苦上之不理。上每苦下之不忠。若二者
何兩情不通故也。下之情莫不願達於上。上之情莫不求知於下。然而
下恒苦上之難達。上恒苦下之難知。若是者何。九弊不去故也。所謂九
弊者。上有其六。而下有其三。好勝人。耻聞過。騁辯給。術聰明。厲威嚴。恣
彊愎。此六者。君上之弊也。諂諛。顧望。畏懼。此三者。臣下之弊也。上好勝。

必甘於佞辭。上恥過。必忌於直諫。如是則下之諂諛者順。而忠實之語不聞矣。上聘辯給。必勦說而折人。以言上術。聰明必臆度。而虞人以詐。如是則下之願望者自便。而切磨之辭不盡矣。上厲威。必不能降情。以接物。上恣愎。必不能引咎。以受規。如是則下之畏懼者避。幸而情理之說不申矣。夫以區域之廣大。生靈之衆多。宮闈之重深。高卑之限。隔自黎獻。而上獲觀至尊之光景者。踰億兆而無一焉。就獲觀之中。得接言議者。又千萬無一。幸而得接者。猶有九弊居其間。則上下之情。所通鮮矣。上情不通於下。則人感下情。不通於上。則君疑下。則不納其誠。感則不從其令。誠而不見。納則應之以悖。令而不見。從則加以刑。下悖上刑。不敗何待。是使亂多理少。從古以然。考其初心。不必淫暴。亦在乎

兩情相阻。馴致其失。以至於艱難者焉。昔龍逢誅而夏亡。比干剖而商滅。宮奇去而虞敗。屈原放而楚衰。臣謂夏殷虞楚之君。若知四子之盡。盡必不勦棄。若知四子之可用。必不推違。所以至於忍害而捨絕者。蓋謂其言不足行。心不足保。故也。四子既去。四君亦危。然則言之固難聽。亦不易。趙武吶吶而為晉賢。臣絳侯木訥而為漢元輔。公孫弘上書論事。帝使難弘。以十策弘不得其一。及為宰相。卒有能名。周昌進諫。其君病。吃不能對詔。乃曰。臣口雖不能言。心知其不可。然則口給者。事或非信。辭屈者。理或未窮。人之難知。堯舜所病。胡可以一酬一詰。而謂盡其能哉。以此察天下之情。固多失實。以此輕天下之士。必有遺才。臣是以竊慮陛下。雖窮其辭而未窮其理。能服其口而未服其心。良有以也。古

陸宣公奏議

奉天請數對羣臣兼許令論事狀六

世六

之王者明四目達四聰蓋欲幽抑之必通且求聞已之過也垂旒於前
黜績於側蓋惡視聽之太察唯恐彰人之非也降及末代則反於斯聰
明不務通物情視聽抵以伺罪覺與衆違欲與道乖方於是相尚以言
相示以智相冒以詐而君臣之義薄矣以陛下性舍仁聖意務雍熙而
使至道未孚臣竊為陛下懷愧於前哲也古人所以有恥君不如堯舜
者故亦以是為心乎夫欲理天下而不務於得人心則天下固不可理
矣務得人心而不勤於接下則人心固不可得矣務勤接下而不辨君
子小人則下固不可接矣務辨君子小人而惡其言過悅其順已則君
子小人固不可辨矣趣和求媚人之甚利存焉犯顏取怨人之甚害存
焉居上者易其害而以美利利之猶懼中谷之不能況有疎隔而勿接

又有猜忌而加損者乎天生蒸人本以為國人之有口不能無言人之
有心不能無欲言不宣於上則怨讟於下欲不歸於善則湊集於邪聖
人知衆之不可以力制也故植謗木陳諫鼓列爭臣之位置采詩之官
以宣其言尊禮義安誠信厚賢能之賞廣功利之途以歸其欲使上不
至於亢下不至於窮則人心安得而離亂也何從而起古之無為而理
者其率用此歟苟有理之意而不知其方苟知其方而心守不壹則
得失相半天下之理亂未可知也其又違道以師心棄人而任已謂欲
可逞謂衆可誣謂專斷無傷謂詢謀無益謂諛說為忠順謂獻替為妄
愚謂進善為比周謂嫉惡為嫌忌謂多疑為却下之術謂澁察為照物
之明理道全乖國家之顛危可立待也理亂之戒前於備言之矣安危

奉天請對羣臣兼許論事狀七

之效。歷代嘗試之矣。舊典盡在。啟鑒足徵。其於措置施為。陛下明識所
 擇。耳伏願廣接下之道。開獎善之門。弘納諫之懷。勵推誠之美。其接下
 也。待之以禮。煦之以和。虛心以盡其言。端意以詳其理。不禦人以給不
 自衛。以明不以先覺。為能以臆度為智。不形好惡。以招諂。不大聲色。
 以示威。如權衡之懸。不作其輕重。故輕重自辨。無從而詐也。如水鏡之
 設。無意於妍蚩。而妍蚩自彰。莫得而怨也。有犯顏謹直者。獎而親之。有
 利口詭佞者。疎而斥之。自然物無壅情。言不苟進。君子之道浸長。小人
 之態日消。何憂乎少忠良。何有乎作威福。何患乎妄說是非。如此則接
 下之要備矣。其獎善也。求之若不及。用之懼不周。如梓之任材。曲直當
 分。如海之歸水。洪涓必容。能小事則處之以小官。立大勞則報之以大
 利。不忌怨。不避親。不挾瑕。不求備。不以人廢舉。不以己格人。聞其才必
 試。以事能其事。乃進。以班自然。無不用之才。亦無不實之舉。如此則獎
 善之道得矣。其納諫也。以補過為心。以求過為急。以能改其過為善。以
 得聞其過為明。故諫者多表我之能。好諫者直示我之能。賢諫者之狂。
 誣明我之能。恕諫者之漏泄彰我之能。從有一於斯。皆為盛德。是則人
 君之與諫者。交相益之道也。諫者有爵賞之利。君亦有理安之利。諫者
 得獻替之名。君亦得採納之名。然猶諫者有失中。而君無不美。唯恐謹
 言之不切。天下之不聞。如此則納諫之德光矣。其推誠也。在彰信。在任
 人。彰信不務於盡言。所貴乎出言則可復。任人不可以無擇。所貴乎已
 擇則不疑言。而必誠。然後可以求人之聽命。任而勿貳。然後可以責人

之成功誠信一虧則百事無不紕繆疑貳一起則羣下莫不憂虞是故
言或乖宜可引過以改其言而不可苟也任或乖當可求賢以代其任
而不可疑也如此則推誠之義孚矣微臣所以屢屢塵黷而不能自抑
者蓋以陛下有拯亂之志而多難未平有務理之誠而庶績未又有堯
舜聰明之德而未光宅於天下有覆載含弘之量而未俞受於衆情故
臣每中夜靜思無不竊嘆而深惜也向若陛下有其位而無必行之志
有其志而無可致之資則臣固已從俗浮沉何苦而汲汲如是惟陛下
詳省所關亟行所宜歸天下之心濟中興之業此臣之願也億兆之福
也宗社無疆之休也 ○反復數千言名語層疊道警動聽賈傳治安
一疏乃始有其匹矣快哉 葛端調

○○○奉天請罷瓊林大盈二庫狀

陸贄

有臣聞作法於涼其弊猶貪作法於貪弊將安救示人以義其患猶私
示人以私患必難弭故聖人之立教也賤貨而尊讓遠利而尚廉天子
不問有無諸侯不言多少百乘之室不蓄聚歛之臣夫豈皆能忘其欲
賄之心哉誠懼賄之生人心而開禍端傷風教而亂邦家耳是以務鳩
歛而厚其帑積之積者匹夫之富也務散發而收其屯磨之心者天子
之富也天子所作與天同方生之長之而不恃其為成之收之而不私
其有付物以道混然忘情取之不為貪散之不為費以言乎體則博大
以言乎術則精微亦何必撓廢公方崇聚私貨降至尊而代有司之守
等萬乘以效匹夫之藏虧法夫人誘姦聚怨以斯制事豈不過哉今之

陸贄公奏議

奉天請罷瓊林大盈二庫狀一

卅九

瓊林大盈自古悉無其制傳諸耆舊之說皆云創自開元貴臣貪權飾
 巧求媚乃言羣色貢賦所用盡各區分稅賦當委之有司以給經用貢
 獻宜歸乎天子以奉私求玄宗悅之新是二庫蕩心侈欲萌抵於茲迨
 乎失邦終以餌寇記曰貨悖而入必悖而出豈其明效歟陛下嗣位之
 初務遵理道敦行約儉斥遠貪饕雖內庫舊藏未歸太府而諸方曲獻
 不入禁闈清風肅然海內丕變議者咸謂漢文却馬晉武焚裘之事復
 見於當今近以寇逆亂常鑿與外幸既屬憂危之運宜增敝勵之誠臣
 昨奉使軍營出繇行殿忽覩右廊之下榜列二庫之名懼然若驚不識
 所以何則夫衢尚梗師旅方殷瘡痛呻吟之聲與休未息忠勤戰守之
 效賞賚未行而諸道貢珍遽私別庫萬目所視孰能忍懷竊揣軍情或
 生缺望試詢侯館之吏無採道路之言果如所虞積憾已甚或忿形謗
 讟或醜肆謠謠頗含思亂之情亦有悔忠之意是知此俗昏鄙識昧高
 卑不可以尊極臨而可以誠義感頃者六師初降百物無儲外捍兇徒
 內防危堞蕭夜不息迨將五旬凍餒交侵或傷相枕畢命同力竟夷大
 艱良以陛下不厚其身不私其欲絕甘以同卒伍輟食以啗功勞無猛
 制而人不携懷所感也無厚賞而人不怨悉所無也今者收圍已解衣
 食已豐而謠讟方興軍情稍阻豈不以勇夫恒性嗜貨矜功其患難既
 與之同憂而好樂不與之同利苟異恬默無怨咨此理之常固不足
 怪記曰財散則人聚財聚則人散豈其殷鑒歟衆怒難任蓄怨終泄其
 患豈徒人散而已亦將慮有締姦鼓亂干紀而強取者焉夫國家作事

以○公○共○為○心○者○人○必○樂○而○從○之○以○私○奉○為○心○者○人○必○沸○而○叛○之○故○燕○昭
祭○金○臺○天○下○稱○其○賢○殷○紂○作○玉○杯○百○代○傳○其○惡○蓋○為○人○與○為○已○殊○也○周
文○之○囿○百○里○時○患○其○尚○小○齊○宣○之○囿○四○十○里○時○病○其○太○大○蓋○同○利○與○專
利○異○也○為○人○上○者○當○辨○察○茲○理○洒○濯○其○心○奉○三○無○私○以○壹○有○衆○人○或○不
率○於○是○用○刑○然○則○宣○其○利○而○禁○其○私○天○子○所○恃○以○理○天○下○之○具○也○捨○此
不○務○而○壅○利○行○私○欲○人○無○貪○不○可○得○已○今○茲○二○庫○珍○幣○所○歸○不○領○度○支
是○行○私○也○不○給○經○費○非○宣○利○也○物○情○離○怨○不○亦○宜○乎○智○者○因○危○而○建○安
明○者○矯○失○而○成○德○以○陛○下○天○姿○英○聖○倘○加○之○見○善○必○遷○是○將○化○蓄○怨○為
銜○恩○反○過○差○為○至○當○促○珍○遺○孽○永○垂○鴻○名○易○如○轉○規○指○顧○可○致○然○事○有
未○可○知○者○但○在○陛○下○行○與○否○耳○能○則○安○否○則○危○能○則○成○德○否○則○失○道○此
乃○必○定○之○理○也○願○陛○下○慎○之○惜○之○陛○下○誠○能○近○想○重○圍○之○殷○憂○追○戒○平
居○之○專○欲○罷○用○取○給○不○在○過○豐○衣○食○所○安○必○以○分○下○凡○在○二○庫○貨○賄○盡
令○出○賜○有○功○坦○然○布○懷○與○衆○同○欲○是○後○納○貢○必○歸○有○司○每○獲○珍○華○先○給
軍○賞○瓌○異○織○屨○一○無○上○供○推○赤○心○於○其○腹○中○降○殊○恩○於○其○望○外○將○率○慕
陛○下○必○信○之○賞○人○思○建○功○地○庶○悅○陛○下○改○過○之○誠○孰○不○歸○德○如○此○則○亂
必○靖○賊○必○平○徐○駕○六○龍○旋○復○都○邑○興○行○隆○典○整○緝○禁○綱○乘○輿○有○舊○儀○郡
國○有○恒○賦○天○子○之○貴○豈○當○憂○貧○是○乃○散○其○小○儲○而○成○其○大○儲○也○損○其○小
寶○而○固○其○大○寶○也○舉○一○事○而○衆○美○具○行○之○又○何○疑○焉○悵○少○失○多○廉○賈○不
虞○溺○近○迷○遠○中○人○所○非○况○乎○大○聖○應○機○固○當○不○俟○終○日○不○勝○管○窺○碩○妙
之○至

德宗於行宮廡下貯諸道貢獻之物。榜曰瓊林大盈庫。贄以此為戰守之功。賞賚未行。而遽私別庫。則士卒怨望。無復鬪志。乃上此奏。帝悟。即命去其榜。公忠誠積中。每有所觀。必盡言規諷。此文下筆。便有風雷之勢。唐祚未移。天地鬼神。悉有以助之矣。葛端調

奉天奏李建徽楊惠元兩節度兵馬狀

陸贄

右懷光當管師徒。是以獨制兇寇。逗留未進。抑有他繇。所患太強。不資傍助。比者又遣李晟。李建徽。楊惠元三節度之衆。附麗其營。無益成功。程昱生事。何則。四軍接壘。羣師異心。論勢力則懸純高卑。據職名則不相統屬。懷光輕晟等兵微位下。而忿其制不從心。晟等疑懷光養寇蓄奸。而怨其事多凌已。端居則互防飛謫。欲戰則遁恐分功。齟齬不和。嫌釁遂起。俾之同處。必不兩全。強者惡積。而後凶弱。弱者勢危。而先覆。二亡之禍。翹足可期。舊寇未平。新患方起。憂危所切。實堪疚心。太上消慝於未萌。其次救失於始。况乎事情已露。禍難垂成。委而不謀。何以寧亂。李晟見機。慮變。先請移軍就東。建徽惠元勢轉孤弱。為其吞噬。理在必

奉天奏李建徽楊惠元兩節度兵馬狀一

然他日雖有良圖亦恐不能自拔極其危急唯在此時今因李晟願行相善處置便遣合軍同往托言晟兵素少慮為賊訛所邀藉此兩軍迭為犄角仍先諭旨密使促裝詔書至營即日進路懷光意雖不欲然亦計無所施是謂先人有奪人之心疾雷不及掩耳者也夫制軍取將所貴見情離合疾徐各有宜適當離者合之則召亂當合者離之則寡功當疾而徐則失機當徐而疾則漏策得其要契其時然後舉無敗謀措無危勢今者屯兵而不肯為用聚將而固能叶心自為鯨鯢變在朝夕留之不足以相制徒長厲階析之各競於擅能或建勳績事有少應斷無可疑解關不可以不離救焚不可以不疾理盡於此惟陛下圖之

以前件事宜臣昨晚自行營迴而奉進止以臣所商量許李晟移說

城東灼然穩便但慮懷光不免悵望因此生詞轉難調息則不如此去令臣更審細思量奏來者臣以事機得失所係安危千慮百思通夕忘寐誠以貪因循而不能矯失者終有大患處驍驍而不思出險者必無久安罄陳芻蕘惟所省擇謹奏
消患末形机不可失此真馭將之韜鈴也
葛端調

○ 駕幸梁州論進獻瓜果人擬官狀

陸贄

右欽。淋。奉。宣。聖。旨。自。發。洋。州。已。來。累。路。百。姓。進。獻。果。子。胡。瓜。等。雖。甚。微。細。且。有。此。心。今。擬。各。與。散。試。官。卿。宜。商。量。可。否。者。伏。以。爵。位。者。天。下。之。公。器。而。國。之。大。柄。也。唯。公。勲。才。德。所。宜。處。之。非。此。二。途。不。在。賞。典。恒。宜。謹。惜。理。不。可。輕。若。輕。用。之。則。是。壞。其。公。器。而。失。其。大。柄。也。器。壞。則。人。將。不。重。而。失。則。國。無。所。持。起。端。雖。微。流。弊。必。大。緣。路。所。獻。瓜。果。蓋。是。野。人。微。情。有。之。不。足。光。聖。猷。無。之。不。足。虧。至。化。量。以。錢。帛。為。賜。足。彰。行。幸。之。恩。饋。酬。官。恐。非。令。典。

簡當 葛端調

○○又論進瓜果人擬官狀

陸贄

右欽淑齋中書所與進瓜果人擬官狀示臣。仍奉宣聖旨。朕所到處。欲
 得人心喜悅。試官虛名。無損於事。宰臣已商量進擬。與亦無妨者。臣愚
 以謂信賞必罰。霸王之資。輕爵褻刑。衰亂之漸。信賞在功。無不報。必罰
 在罪。無不懲。非功而獲爵。則爵輕。非罪而肆刑。則刑褻。爵貴刑罰。國之
 大綱。一綱或隳。萬目皆弛。雖有善理。末如之何。天寶季年。嬖倖傾國。爵
 以情授。賞以寵加。天下蕩然。紀綱始紊。逆羯乘釁。遂亂中原。遣戍歲增。
 策勳日廣。財賦不足以供。賜而職官之賞。與焉。職員不足以容。功而散
 試之。號行焉。青朱雜沓於胥徒。金紫普施於輿皂。薰蕕無辨。涇渭不分。
 一紀於茲。莫之能整。當今所病。方在爵輕。設法貴之。猶恐不重。若又自

又論進瓜果人擬官狀一

棄將何勸人聖旨以為試官虛名無損於事臣伏恐陛下思之未熟偶有是言倘或謂之信然臣竊以為過矣夫立國之道惟義與權誘人之方惟名與利名近虛而於教為重利近實而於德為輕凡所以裁是非立法制者則存乎其義至於參虛實揣輕重並行而不傷造用而不悖因衆之欲度時之宜消息盈虛使人不倦者則存乎其權專實利而不濟之以虛則耗匱而物力不給專虛名而不副之以實則誕謾而人情不趨故國家之制賞典錫貨財賦秩廩所以彰實也差品列異服章所以飾虛也居上者必明其義達其變相須以為表裏使人日用而不知則為國之權得矣謹按命秩之載於甲令者有職事官焉有散官焉有勳官焉有爵爺焉雖以類而今其流有四然其掌務而授捧者唯繫於職事之一官以序才能以位賢德此所謂施實利而寓之虛名者也其勳散爵爺三者所繫大抵止於服色資蔭而已以取崇貴以甄功勞此所謂假虛名以佐其實利者也虛實交相養故人不瀆賞輕重互相制故國不廢權今之員外試官頗同勳散爵爺雖則授無費祿受不占員然而突銛鋒排患難者則以是賞之竭筋力轉勤效者又以是酬之其為用也可謂重矣今或捧瓜一器挈果一盛亦授試官以酌所獻則彼突銛鋒而竭筋力者必相謂曰吾以忘軀命而獲官此以進瓜果而獲官是乃國家以吾之軀命同於瓜果矣瓜果艸木也視人如艸木誰復為用哉且員外試官無捧祿之資無攝管之柄無見敬之貴無免役之優唯假空名以籠浮俗浮俗所以若存若亡而未甚厭棄者徒以上之

陸宣公奏議

又論進瓜果人擬官狀二

所○惜○耳○今○陛○下○若○又○輕○用○之○以○為○無○損○於○事○人○寤○斯○旨○復○何○賴○焉○後○之
立○功○曷○用○為○賞○陛○下○若○欲○賞○之○以○職○事○則○官○員○有○限○而○勳○伐○無○窮○固○不
勝○其○用○矣○陛○下○若○欲○賞○之○以○貨○財○則○人○力○已○殫○而○帑○藏○皆○匱○固○不○充○其
費○矣○既○未○有○實○利○以○崇○勤○又○不○重○虛○名○而○濫○施○人○無○藉○焉○何○以○為○國○且
種○瓜○種○果○多○是○野○人○貧○者○所○資○唯○在○衣○食○假○以○冗○歸○亦○奚○用○焉○必○欲○使
之○歡○欣○不○如○厚○賞○錢○帛○人○不○失○利○國○不○失○權○各○得○所○宜○兩○全○其○寶○何○有
不○可○回○傷○大○歎○願○留○睿○思○更○少○詳○度○
說○利○害○合○人○情○可○以○感○動○君○心○最○有○處○置○葛○端○調

○○○興元論解姜公輔伏

陸 贄

右○欽○淑○奉○宣○聖○旨○緣○唐○安○公○主○喪○亡○不○可○向○此○間○遷○措○權○令○造○一○塔○安
置○待○收○復○京○城○即○擬○將○歸○以○禮○葬○送○所○造○塔○役○功○費○用○亦○甚○微○小○都○不
合○是○宰○相○所○論○之○事○姜○公○輔○忽○有○表○奏○都○無○道○理○但○欲○指○朕○過○失○擬○自
取○名○朕○本○拔○擢○將○為○腹○心○今○却○如○此○豈○不○負○朕○至○深○卿○宜○商○量○如○何○穩
便○者○公○輔○頃○在○翰○林○與○臣○久○同○職○任○臣○今○據○理○辨○直○則○涉○於○私○黨○之○嫌
希○旨○順○誠○則○違○於○匡○輔○之○義○涉○嫌○止○貽○於○身○患○違○義○實○玷○於○君○恩○狗○身
忘○君○臣○之○恥○也○別○嫌○獎○義○主○之○明○也○臣○今○不○敢○冒○行○所○恥○亦○賴○陛○下○明
聖○而○鑒○焉○古○語○有○之○順○旨○者○愛○所○絲○來○逆○意○者○惡○所○從○至○故○人○臣○皆○爭
順○旨○而○避○逆○意○非○忘○家○為○國○捐○身○成○君○者○誰○能○犯○顏○色○觸○忌○諱○建○一○言

興元論解姜公輔狀一

開一說。我。是以。檢。后。興。王。知。其。若。此。求。諫。如。不。及。納。善。如。轉。圜。諫。直。者。嘉。之。訶。犯。者。義。之。愚。淺。者。怒。之。狂。誕。者。容。之。仍。慮。驕。汰。之。易。滋。而。忠。實。之。不。聞。也。於。是。置。敢。諫。之。鼓。植。告。善。之。旌。垂。戒。慎。之。軌。立。司。過。之。士。猶。懼。其。未。也。又。設。官。制。以。言。為。常。繇。是。有。史。為。書。瞽。為。詩。工。誦。箴。諫。大。夫。規。誨。士。傳。言。庶。人。謗。尚。恐。其。怠。也。每。歲。孟。春。道。人。以。木。鐸。徇。於。路。而。振。警。之。官。師。相。規。工。執。藝。事。以。諫。其。或。不。恭。邦。有。常。刑。然。非。明。智。不。能。招。直。言。非。聖。德。不。能。求。過。行。招。直。則。其。智。彌。大。求。過。則。其。德。彌。光。唯。哀。亂。之。朝。闇。惑。之。主。則。必。諱。其。過。行。忿。其。直。言。以。阿。諛。為。納。忠。以。諫。諍。為。揚。惡。怨。讟。溢。於。下。國。而。耳。不。欲。聞。腥。德。達。於。上。天。而。心。不。求。悟。迨。乎。顛。覆。猶。未。知。非。情。之。昏。迷。乃。至。於。是。故。明。者。廣。納。以。成。德。闇。者。獨。用。而。敗。身。

成敗之途。千古相嚴。與敗同轍者。因不覆。與成同軌者。因不昌。以陛下。月之明。江海之量。自當矯夏癸殷辛。拒諫飾非之隱。協大禹成湯。拜言改過之誠。矧又時運方屯。物情猶鬱。乃是陛下。髮吐哺之日。宵衣旰食之辰。士無賢愚。咸宜錄用。言無小大。皆務招延。固不可復有忤逆之嫌。甘辛之忌也。夫君人者。以衆智為智。以衆心為心。恒恐一夫不蓋其情。一事不得其理。故訪納唯善。是求。豈從諫不拂而已哉。乃至求諫言聽。與誦葑菲。不以下體。而不採。故英華靡遺。芻蕘不以。則品而不詢。故幽隱必達。今公輔官在諫議。任居宰衡。獻替彌綸。乃其職分。比於芻蕘。葑菲。豈不優而且重哉。此理之常。奚足怪也。縱使引喻非當。不猶愈於與誦乎。矯激過深。不猶愈於諫言乎。晉文聽輿人之誦。而霸業興。

虞舜設誹謗之木而帝德廣斯實聖賢之高燭陛下何疾焉聖旨又以
 造塔後費激小非宰臣所論之事下臣愚戇竊謂不然當問理之是非
 豈論事之大小若造塔為是後雖大而作之何傷若造塔為非費雖小
 而言者何罪夫小者大之漸微者著之萌故君子慎初聖人存戒知幾
 者所貴乎不遠而復制理者必在於未亂之前本立輔臣置之左右朝
 夕納誨意在防微而弼之乃其職也涓之不過終變桑田燄之靡除
 卒燎原野流煽已甚禰灾已成雖欲救之固無及矣書曰不矜細行終
 累大德易曰小人以小善為無益而不為也以小惡為無傷而不去也
 故惡積而不可掩罪大而不可解然則小之不可不慎也如此陛下安
 得使之勿論乎虞書載欲絲之言曰兢之業業一日二日萬幾兢兢

也業業危也幾者動之微也唐虞之際主聖臣賢庶績咸熙萬邦已協
 而猶上下相戒既慎且危慮事之微日至萬數然則微之不可不重也
 如此陛下又安可忽而勿念乎舜之為君始作漆器羣臣固爭咸謂非
 宜漆器之為用也甚怪其為費也蓋寡然猶相總諷諫者豈不欲杜其
 漸而慎其初歟是知君臣之間義同一體事固大小相須而成故舜命
 其臣曰作朕股肱耳目夫股肱之奉於元首不以煩細而關於運行耳
 目之助於心靈不以么微而廢於視聽是以臣子之於君父也盡其敬
 而敬焉盡其愛而愛焉敬則願極於尊榮愛則懼陷於過惡萬邦黎獻
 其不皆然而況位列朝廷任當輔弼主辱與辱主安與安此而不言誰
 復言者禮曰近而不諫則尸利也若宰相者可謂近矣事或乖誤得無



諫乎武丁賢君也傳說賢相也而武丁引金作礪以命其相傳說喻木
從繩以戒其君是則輔弼之任匡救收屬巨細之事悉宜盡規陛下所
言後費微小非宰相所論之事又謂指朕過失擬自取名此誠異乎愚
臣之所聞是以願披肺腑而不敢自默者也若以諫諍為指過則剖心
之主不宜見罪於指玉若以諫諍為取名則匪躬之臣不應垂訓於聖
典獻替列職竟使奚為左右有人復將焉用臣竊謂指過以示直固不
如改過以見稱進諫以取名固不如納諫之為美假有意將指過諫以
取名但能聞善而遷見諫不逆則所指者適足以彰陛下莫大之善所
取者適足以資陛下無疆之休因而利焉所獲多矣倘或怒其指過而
不改則陛下招惡直之譏黜其取名而不容則陛下被違諫之謗是乃

掩已過而過彌者損彼名而名益彰果而行之所失大矣一獲一失可
不慎乎伏願嘉忤肯之忠祛逆耳之吝平積忿之氣弭逆詐之情然後
試以愚言反覆參較庶臻至理且諒微誠
公輔素有高材德宗幸奉天時擢為諫議大夫同中書門下平章事
茲言莖公主事帝怒其賣直公上疏力解之帝終不聽遂下遷太子
左庶子嗚呼詩有云自有肺腑又有云聽言則對誦言則醉其斯之
謂矣 葛端調

陛下留意幸察。臣竊以領覽萬幾。必先虛其心。鏡鑑羣情。必先誠其意。蓋以心不虛。則物或見阻。意不誠。則人皆可疑。阻於物者。物亦阻焉。疑於人者。人亦疑焉。萬物沮之。屯人疑之。將欲感人心。致於和平。盡物理。使無純繆。是猶却行而求及前人也。無乃愈疎乎。孔子曰。不遷怒。不億不信。豈非懼於肆情逞憾。以至於失中違道者哉。臣之區區。志欲匡輔。是以前者奏疏。願陛下平積憤之氣。弭逆詐之情。然後試以愚言。反覆參較。庶臻至理。且亮微誠。今陛下以素欲廢罷公輔之心。而謂真所行皆非良善。則是遷怒而積憤之氣未平也。陛下揣公輔知必移改之意。而謂其所言皆欲取名。則是不億不信。而逆詐之情未弭也。逆詐未弭。積憤未平。固宜公輔獲戾於蓄疑。下臣見尤於乖意。謂之至當。則或不

然。夫臣之獻言。以助理也。君之求諫。以弼違也。言苟助理。何必以人而廢言。諫苟弼違。何必責意而拒諫。若彼言無足用。意雖善。而奚為諫。不可從人。雖然。而寧捨古先聖王所以採葑菲。詢芻蕘。傳謫言。用仇怨。急於聽納。乃至於斯。其意無他。惟義所在。願陛下不以憎嫌而遺其片善。不務精察。而謂之大明。忠言者利於行。而弗於情。唯計慮至熟。乃能無忤。幸紆宸鑒。更審所宜。詔意亦是遁詞。此則推原病根。令人主心服。使中才遇之。亦當繹改矣。甚哉德宗之昏。復難悟也。葛端調

將義徒實在深惜。願陛下不以常人遇之。不以常事遣之。方今勢可相資。唯有江左完實。恐須密勅韓滉。切令贍恤。此軍器甲衣糧咸使周足。因賜劉洽手詔。亦委加意保持。若得自存。必有成績。非艱難無以表特操。非英聖不能全異。才有功見知。人必悅勸。臣不勝區區為國獎善拯危之意。

忠懷為至。故能俯悉孤隱。伴食者視此。直可付膜外耳。葛端調

興元論解蕭復狀

陸贄

右欽。淑齋蕭復表示。臣兼奉宣聖旨。朕比緣李懷光兇狂。且就此迴避。山南既與京畿接近。指麾兵馬。日望收城。今蕭復勸朕。令幸江陵。表狀之中。張皇頗甚。朕不會其意。昨問從一從一。亦甚驚怪。不知事緣。蕭復奏事官李充。朕適與對共語。亦似不是純良。此人莫是李承昭家子弟。否。卿宜審看蕭復表中意趣。斟酌奏來者。臣伏觀其表。兼揣其情。蓋以遠路傳聞。事多失實。大臣獻納。務且竭誠。雖有過當之虞。失中之策。但宜勿用。不足為尤。何則。駐蹕奉天。逆難已甚。况又不駐。艱危可知。蕭復備位樞衡。奉使宣撫。忽聞變故。寧免驚憂。梁岷之間。窮隘特甚。輦輓收止。資奉實難。凡在繼主之誠。各懷俟后之志。是以延賞奉迎於西蜀。韓

澆望幸於東吳。此乃臣子之常情。古今之通禮。蕭復所請亦類於斯事。雖非宜意則可恕。李充頃任御史。臣嘗與之同僚。其人是故福建觀察使。李猗之舅。共承昭房從已遠。才頗通敏。性亦溫恭。宗族之中。足稱佳器。伏愿更廣詢訪。方驗臣言不誣。

好宰相善於救忠良之患。善於解閭主之疑。謝疊山

○ 又答論蕭復狀

陸 贄

右欽淑奉宣聖旨。卿所奏蕭復事。朕已具悉。假使更無別意。終是不識事宜。更令巡行諸道。轉恐事多乖失。緣孟皞年老。今欲除蕭復為福建觀察使。便令赴任。去就亦應得所。卿意以為何如者。伏以將相之任。所委皆崇。中外迭居。亦是常理。然君臣有禮。進退不可以不全。理體有宜。本末不可以不稱。頃盜興都邑。駕適郊畿。陛下悔征賦之殷。繫念黎元之困。悴誕降慈旨。深示憫傷。特遣大臣。普詢疾苦。本期還報。將議優蠲。衆情顯。二月望上。達今若未終前命。還投遠藩。則是膏澤將布。而復收。漁汗已發。而中廢事既失。望人何以觀。斯乃進退之禮不全。本末之宜不稱。謂為得所。臣實疑之。倘慮處事乖方。不欲淹留在外。則當諭以詔。

又答論蕭復狀

五五

旨促其歸程遠近巡歷未周但令副使分注持其復命親訪物情革弊
垂恩用符德號使務既畢能否益彰徐擇所宜以圖進退庶於事體允
得厥中

好宰相善處事善保全 謝疊山

○興元訪續從賊中赴行在官等狀

陸贄

右欽澈奉宣聖旨近日進道有早官從山北來皆稱自京城偷路奔赴
行在大都此輩多非良善有一邢建論說賊中體勢語最張皇察其事
情頗是窺覘今且令留在一處安置如此之類更有數人若不根尋恐
有姦計仰宜商量如何穩便者臣伏以任總百揆者與一職之守不同
富有萬國者與百揆之體復異蓋尊領其要卑主其詳尊尚恢弘卑務
近細是以練覈小事糾察微姦此有司之守也紅御萬樞選建庶長總
綱而衆目咸舉明通而羣方自通此大臣之任也慈智兼納洪纖靡遺
蓋之如天容之如地垂疏難續而黜其聰察匿瑕疾而務於包含不
示成而人畏之如雷霆不用明而人仰之如日月此天子之德也以卑

興元訪續從賊中赴行在官等狀一

而僭用尊道。則職廢於下。以尊而降。代卑職。則德喪於上。職廢則事不舉。德喪則人不歸。事不舉者。弊雖切而患輕。人不歸者。釁似微而禍重。茲道得失。所關興亡。知宇宙之大。不可以耳目周。故清其無為之心。而觀物之自為也。知億兆之多。不可以智力勝。故壹其至誠之意。而感人之不誠也。異於是者。乃以一人之聽覽。而欲窮宇宙之變態。以一人之防慮。而欲勝億兆之姦欺。後智彌精。失道彌遠。故仲尼述陶唐之盛。曰：惟天為大。惟堯則之。周詩美文王之德。曰：不識不知。順帝之則。是皆覆育萬物。渾然大同。無好無惡。不思不克之謂也。項籍納秦降卒二十萬。慮其懷詐。復叛一舉而盡坑之。其於防虞亦已甚矣。漢高豁達大度。天下之士至者。納用不疑。其於備慮可謂疏矣。然而項氏以滅。劉氏以昌。

蓄疑之與推誠。其効固不同也。秦皇嚴衛。雄猜而荆軻奮其陰計。光武寬容博厚。而馬援輸其款誠。豈不以虛懷待人。人亦思附。任數御物。物終不親。情思附則感而悅之。雖寇讎化為心膂。有矣。意不親則懼而阻之。雖骨肉結為仇讐。有矣。臣故曰：茲道得失。所關興亡。伏惟陛下睿哲之思。光被四表。孝友勤儉。行高百王。然猶化未大同。俗未至理者。良以智出庶物。有輕待人。臣之心思。周萬機。有獨馭區寓之意。謀吞衆略。有過慎之防。明照羣情。有先事之察。嚴東百辟。有任刑致理之規。威制四方。有以力勝殘之志。錄是才能者。怨於不任。忠蓋者。憂於見疑。著勲業者。懼於不容。懷反側者。迫於攻討。馴致離叛。構成禍災。兵連於外。變起於內。歲律未半。乘輿再遷。國家艱危。古未嘗有。以陛下至聖之德。而遇

典元訪續從賊中赴行在官等狀二

茲殷憂之期天其或者欲大啓睿心儆小失而崇丕業耳臣謂陛下當
 奉告天意追咎已然凡所致寇之繇悉已詳知其故將羊前弊以消羣
 疑今承德音尚輟流誤若未悔禍何繇弭災臣獲蒙過知又辱下問若
 務順旨是為欺天庸敢指陳庶裨闕漏注歲初奮師旅四征不庭義烈
 之徒人思自効捨逆歸款者總獻於闕下陳謀諫失者爭詣於禁門陛
 下○此段○追○悼○得○妙能於此時乘軍氣之方雄因人之心之願盡輒沐吐哺虛襟坦懷海納
 風行不疑不滯切者報之義者旌之直者獎之才者任之其或有志而
 無補於時敢言而不當其理亦必恕其妄作錄其善心率皆優容以禮
 道退如此則海內風靡翕然歸心賢愚咸懷小大畢力藁爾危醜曾何
 足平臣固知久已理安無奉天之幸矣其所以孕禍胎而索義氣者在

乎獨斷宸慮專任睿明降附者意其窺覷輸誠者謂其遊說論官軍捷
 敗者猜其狹姦毀沮陳兇黨強狡者疑其為賊張皇獻討者防其漏言
 進諫者憚其宣謫凡此之類悉貽聖憂咸使拘留謂之安置或詰責而
 寘於客省或勞慰而延於燕庭雖呵獎頗異其辭然於圍閉一也既杜
 出入勢同狴牢解釋無期死生莫測守護且峻家私不通一遭繫維動
 歷年歲想其痛憤何可勝言繇是歸化漸稀而上封殆絕矣苛察之心
 既阻脅從之黨彌堅而貴近之臣注來之使希望風旨詭辭乳容惟揣
 樂聞不憂失實咸言聖謀深遠榮略如神小寇孤危滅亡無日陛下急
 於誅惡皆謂其事信然窮兵竭財坐待平一人心轉潰寇亂愈滋遂致
 較下生戎宮闈不守倘陛下能於此際遽敷大號謝過萬方叙忠良見

忌之寬而舉其尤黷亮者加之厚秩糾阿諛不實之罪而數其極姦妄者處之大刑賞罰既明忠邪畢辨以此臨下誰敢不誠以此懷人誰有不服過而能改亂亦安臣固知尋復京師必無梁岷之遊矣陛下既闕慎於始又失圖於中收之而賜唯在茲日豈可復使一事純繆一言過差哉冬賊泚未平懷光總叛都邑城關狹狹居關輔却幾豺狼雜處朝廷僻介於遠郡道路緣歷於連山杖策從君其能有幾推心降接猶恐未多稍不禮焉固不來矣若又就加情効且復囚拘使反者得辭來者懷懼則天下有心之士安敢復言忠義哉卯胎不傷鳳麟方至魚鼈咸若龜龍乃遊蓋悅近者來遠之資懷小者致大之術也竊料邪建等輩必非助逆之徒假如過有張皇跡涉疑似亦望矜愚惜體屈法以

人並量器能隨事甄貸武者措之於戎伍文者付之於宰司大則授以職員次但優其選序必有須離行在難處親軍則或除諸道一官或委諸使錄用就其常分各稍加恩古人有言撫我則后虐我則讎惠澤所及謳歌乃歸流聞四方孰不欣戴昔道殺鳴犢聖人輟行燕尊郭隗賢士總注况乎天子所作天下式瞻一言阻物則天下莫不自疑一事郵人則天下莫不同悅固不可以小失為無損而不悔亦不可以小善為無益而不行小猶慎之矧又非小願陛下惟事無大小皆以愛車之轍為戒實宗社無疆之休

反反復復只追悼注昔宛轉不盡不啻提耳之切矣 葛端調

○○興元賀吐蕃尚結贊抽軍迴歸狀

陸 贄

右欽淑奉宣聖旨適得渾瑊奏比日尚結贊頻使人計會擬自領兵馬
 剋期同收京城緣春來蕃軍多有疾疫近得探報尚結贊等並抽兵退
 歸不知遠近朕意緣吐蕃士馬強甚又以和好之義自請將兵助國討
 賊朝夕望其成功今忽抽歸甚失準擬渾瑊李晟等諸軍兵馬並不
 絕多若無蕃軍應援深慮被賊衝突卿試料量事勢如何者臣質性孱
 昧不習兵機但以人情揆之時亦偶有所得自承此旨欣賀實深竊謂
 蕃戎退歸乃是社稷遐福昨日已附欽淑口奏訖伏恐未盡愚款尚勞
 聖憂謹復披陳庶解疑結彼吐蕃者犬羊同類狐鼠為心貪而多防狡
 而無恥威之不格撫之不懷雖或時有盛衰大抵常為邊患陰詐難御

陸宣公奏議

興元賀吐蕃尚結贊抽軍迴歸狀一

特甚諸夷。陛下但舉建中已來近事準之。則戎心難知。固可明矣。頃者方靖中夏。未遑外虞。因其乞盟。遂許結好。加恩降禮。有欲無違。而乃邀求寢多。翻覆靡定。託因細事。噴有煩言。首尾凡歷四年。要約竟未堅決。立碑繞畢。復請改移。猜矯多端。於斯可吟。逮至盜驚都邑。駕幸郊畿。結贊總戎在邊。因請將兵赴難。陛下推誠。迪厚賂招徠。逗留持疑。竟不時進。無濟討除之用。但携將帥之心。懷之遠。至猖狂每頗。絲茲促。及皇輿再駕。移蹕漢中。陛下猶望蕃兵以守內難。親倚之情。彌厚。屈就之事亦多。豺狼野心。曾不知感。翻受朱泚信使。意在觀變。推移頻與。諸軍剋期至時。皆不赴會。致令羣帥進退憂虞。欲捨之。獨前則慮其懷怨。乘隙欲待之。合勢則苦其失信。稽延既姦。且驕曷望成績。非唯變態難測。

且又妨擾實。漢戎若未歸。寇終不滅。臣請復為陛下根本。其說則人情物理昭然。皆可得而察焉。向者謀誘蕃兵。本是使臣失策。陛下急於戡亂。嘉彼効誠。唯恐後時。不暇詳議。遽降優詔。促令進軍。遠近聞之。莫不危駭。將帥意陛下不見信任。且患蕃戎之奪其功。士卒恐陛下不恤舊勞。而畏蕃戎之專其利。賊黨懼蕃戎之勝不。歿則悉遺之。擒百姓畏蕃戎之來。有財必盡為所掠。是以順於王化者。其心不得不急。溺於寇境者。其勢不得不堅。急我之師。堅寇之衆。戎心變詐。復未可量。以此益兵。但招其損耳。以此靖國。適資其亂耳。昨蕃戎未退。臣又竊有過憂。流聞結贊好謀。恐其潛蓄姦計。倘或幸朝廷播越之際。乘賊此窮。威之時。輕犯近郊。若升虛邑。耀兵牧馬。不却不前。外奉國家。內通兇逆。兩時誘脅。

之勢俱納贈遺之資。旁觀戰爭坐乘哀弊如此則王師不得伐叛。豈豕
 不得寧居。賊必耗。我亦困竭。京甸所有勢無子遺。千里丘墟。得將安
 用。是乃戎有萬全之利。我有不測之危。臣所以痛心傷神。晝驚夕惕者。
 慮其意及於此也。所賴天奪其魄。神降之灾。親機若瞋。遣厲自遁。實吳
 穹悔禍之應。列聖垂祐之期。廓清妖嬖。慶必非遠。何以知其然也。且賊
 此之亂。始於暴兵。因徵役之繁。與乘衛禁之闕。備誘扇羣。隱遂謀大姦。
 逆天僭君。躬肆攻逼。凡有血氣。皆知惋嘆。矧伊忠良。孰不痛憤。獨惡無
 與。何能久存。加以聖德日新。改過不吝。布革弊之詔。知恤隱之懷。天下
 恭元翕然。遷善易心。改觀厭亂。思安和風。既揚。昏殺自歛。蠢茲狂悖。久
 合穢夷。頃屬懷光昏迷。緩師養寇。吐蕃干撓。生事惑人。故使義士無施。

厲階猶梗。今懷光別保蒲絳。吐蕃遠避封疆。形勢既分。腹背無患。賊
 諸帥才力得伸。又各士馬非多。資糧向竭。若不降賊。即須建功。此輩寵
 任已崇。賢位已極。建功則寵增。而位固降。賊則名辱。而身危。况賊之兇
 惡。滅亡可必。賊之孤劣。翦撲非難。孰肯捨固而就危。違寵而後辱。棄垂
 成之業。臣將滅之虜哉。既牽於利害之情。理不同惡。又迫於單乏之急。
 勢難久居。勢理相驅。安能無戰。渾瑊統載休。顏韓游環。乘其西北。李晟
 率駱元光。尚可孤。攻其東南。同病相資。自當合力。但願陛下慎於撫接。
 以奮起忠勇之心。勤於砥礪。以昭蘇遠近之望。中興大業。旬月可期。不
 宜尚眷眷於犬羊之羣。以失將士之情也。臣愚不任懇悃之至。
 老謀深識。格言正論。葛端調。

興元賀吐蕃尚結贊抽軍迴歸狀三

○○興元奏請許渾瑊李晟等諸軍兵馬自取機便狀 陸 贄

右欽淑奉宣聖旨省卿所奏蕃軍退歸及關中體勢理皆切當甚慰朕
懷然渾瑊李晟等諸軍須有商量規畫令其進取朕見欲遣使宣慰卿
宜審細條疏速奏來者臣聞將貴專謀兵以奇勝軍機遙制則失變戎
師稟命則不威是以古之賢君選將而任分之於關擔莫干也授之以
鉞俾專斷也夫然故軍敗則少衆戰勝則策勲不用刑而師律貞不勞
慮而武功立其於委任之體豈不博大哉其於責成之利豈不精覈哉
自昔帝王之所以夷大艱成大業者繇此道也其或疑於委任以制斷
繇已為大權昧於責成以指麾順旨為良將鋒鏑交於原野而決策於
九重之中機會變於斯須而定計於千里之外違令則失順從令則失

陸宣公奏議

興元奏請許渾瑊李晟等諸軍兵馬自取機便狀一

宜○失○順○則○挫○君○之○嚴○失○宜○則○敗○君○之○衆○用○舍○相○礙○否○滅○皆○凶○上○有○掣○肘○之○譏○下○無○死○綏○之○志○其○於○分○畫○之○道○豈○不○兩○傷○哉○其○於○經○綸○之○術○豈○不○都○謬○哉○自○昔○帝○王○之○所○以○長○亂○繁○刑○喪○師○威○國○者○繇○此○道○也○茲○道○得○失○兵○家○大○樞○當○今○事○宜○所○繫○尤○切○益○以○寇○盜○充斥○乘○輿○播○遷○人○心○有○觀○變○之○搖○王○室○無○自○固○之○重○秦○梁○迴○繚○千○里○而○遙○臨○之○以○威○則○力○勢○不○制○授○之○以○榮○則○阻○遠○不○精○頃○者○驟○降○詔○書○教○諭○羣○帥○事○無○大○小○悉○為○規○裁○及○乎○章○表○陳○誠○使○臣○復○命○進○退○遲○速○率○乖○聖○謀○豈○皆○樂○於○違○忤○哉○亦○繇○傳○聞○與○指○實○不○同○懸○算○與○臨○事○有○異○故○也○設○使○其○中○或○有○肆○情○干○命○者○陛○下○能○於○此○時○戮○其○違○詔○之○罪○乎○臣○竊○恐○未○能○也○陛○下○復○能○奪○其○兵○而○易○置○將○帥○乎○臣○亦○恐○未○能○也○是○則○違○命○者○既○不○果○行○罰○從○命○者○又○未○必○合

宜○徒○費○空○言○祇○勞○睿○慮○非○惟○無○益○其○損○日○多○何○則○時○方○艱○屯○下○凌○上○脅○凡○在○執○干○戈○而○衛○社○稷○者○皆○自○謂○勲○業○繇○已○義○烈○發○心○安○於○專○行○病○於○羈○制○陛○下○宜○俯○循○斯○意○因○而○委○之○遂○其○所○安○護○其○所○病○敦○以○付○授○之○義○固○以○親○信○之○恩○假○以○便○宜○之○權○待○以○殊○常○之○賞○其○餘○細○故○悉○勿○開○言○所○賜○詔○書○務○從○簡○要○慎○其○言○以○取○重○深○其○託○以○示○誠○言○見○重○則○君○道○尊○託○以○誠○則○人○心○感○尊○則○不○嚴○而○衆○服○感○則○不○令○而○事○成○其○勢○當○令○智○者○騁○謀○勇○者○奮○力○小○大○咸○極○其○分○賢○愚○各○適○其○懷○將○自○効○忠○兵○自○樂○戰○與○夫○迫○於○驅○制○不○得○已○而○從○之○者○志○氣○何○啻○百○倍○哉○夫○君○上○之○權○特○異○臣○下○者○唯○不○自○用○乃○能○用○人○其○要○在○順○於○物○情○其○契○在○通○於○時○變○今○之○要○契○頗○具○於○茲○倘○蒙○究○思○或○有○可○取

灼見人情。熟知事勢。奸宰相善處置。真有撥亂宰相之才。謝疊山
人心國勢。爛熟胸中。故言之更無纖毫遺憾。讀之亦凜凜有生氣。葛
瑞調

○○○興元請撫循李楚琳狀

陸贄

右件官比緣性行無良。多為時議所惡。頻被封章論奏。言其心挾兩端。
若不隄防。恐妄生窺伺。謂宜斥絕。用杜姦邪。近者鳳翔使來。絕不蒙恩。
召見。滯留數輩。並未放還。伏恐陛下不忍忿心。頗送輿議。以臣蠢戇。竊
謂非宜。李楚琳乘時艱危。僭擾岐下。賊殺我帥。款結兇渠。奉天之圍。頗
亦有助。其於叛亂。海內彰聞。論者今始紛紛。一何知見之晚耶。但以乘
興未復。大憝猶存。勤王之師。悉在畿內。急宣速告。剝刻是爭。商嶺則道
迂且遙。雒谷復為盜所扼。僅通王命。唯在褒斜。此路若又阻艱。南北遂
將復絕。以諸鎮危疑之勢。居二逆誘憎之中。洵洵群情。各懷向背。賊勝
則往我勝。則來其間。事機不容差跌。倘或楚琳發憾。公肆猖狂。南塞要

衝東延巨猾則我咽喉梗而心膂分矣其勢豈不甚病哉且楚琳本懷
 惟惡是務今能兩端顧望乃是天誘其衷故通歸塗將濟大業陛下誠
 宜深以為念厚加撫循得其持疑便足集事倘能遷善亦可濟師今若
 循褊狹之談露猜阻之跡懼者甚眾豈惟一夫自共能建奇功或極危
 厄未必皆是絜矩之士溫良之徒驅駕擾馴唯在所取朝稱兇悖夕謂
 忠純始為寇讎終作卿相知陳平無行而不棄忿韓信自王而遂封蒯
 通以析理獲全雖齒以積恨先賞此漢祖所以恢帝業也置射鈞之賊
 以任其才釋斬祛之怨以免於難此桓文所以弘霸功也然則當事之
 要雖罪惡不得不容適時之宜雖仇讐不得不降陛下必欲精求素行
 追挾宿疵則是改過不足以補愆自新不足以贖罪凡今將吏豈得盡
 無疵瑕人皆省思孰免危疑又況阻命之輩費送之流自知負恩安敢
 歸化斯彙非小所宜速圖孔子曰人而不仁疾之已甚亂也又曰小不
 忍則亂大謀君陳曰無忿疾于頑又曰必有忍其乃有濟伏願陛下必
 以英主大畧聖人格言為元龜固不可納腐儒小忠以虧撓興復之業
 也臣不勝憂國至計

初楚琳作亂殺鳳翔節度使張鎰乃叛附朱泚及奉天圍既解楚琳
 遣使入貢上不得已除鳳翔節度使而心惡之議者言楚琳若不隄
 防恐生窺伺繇是楚琳使者數輩至上皆不引見留之不遣贊遂上
 此奏上釋然開悟善待楚琳使者優詔存慰之
 守經達權大儒之學有用若此彼拘拘小忠真迂儒不曉時務耳豈

不悞人家國。葛端調

○○興元論中官及朝官賜名定難功臣狀

陸贄

右欽淑奉宣聖旨。比在奉天。將士並賜名定難功臣。今宰臣等商量。扈從中官辛苦至甚。亦合依例並賜此名。朕以南衙朝士之中。有經奉天重圍。又似卿等。昨者奔赴行在。涉歷危險。亦極艱難。今不問中官朝官。但經重圍。又到山南者。並擬賜名定難功臣。卿宜商量。豈不穩便者。陛下惠霑。替御仁洽。庶寮念隨難之憂危。恤從巡之勞苦。議增寵飾。將錫嘉名。事雖未行。意則已就。凡在貴近。固知銜恩。睿旨淹詳。復詢庸賤。惟精惟慎。乞謂防微。願省何知。屬當下問。臣若自貪榮號。傷懼怨憎。因循順成。不極所見。心且知負。如天鑒何。是以不揆言之淺深。不計身之利害。但輸狂直。唯聖所裁。臣聞賞以懋庸。名以彰行。賞垂其庸。則忠實之

效廢名浮於行則瀆冒之弊興一足以撓國權一足以亂風俗授受之際豈容易哉頃以駐蹕奉天迫於患難竟攘先逆實賴武人遂旌定難之勲持賜功臣之名頗符實事亦會時所需雖多誰曰非允至如宮闈近侍班列具臣雖奔走恪居各循厥職而驅除翦伐諒非所任又屬皇興再遷天禍未悔見危無補曷謂功臣致寇方深孰云定難縱使遭罹園逼跋履崎嶇難則當之定將安據芳或有矣功其謂何大凡有生之倫莫不各親其類賤彼貴我抑惟常情黜異獎同亦是常性臣忝縉紳之列又當受賜之科竊自較量猶知不可而况於公議乎况於介冑之士乎人之多言靡所不至必謂陛下溺愛近習故徇其苟得之情況該羣司以分其私昵之謫怨不在大曩皆自微必將沮戰士激勵之心結勲臣憤恨之氣所悅者寡所愠者多所與者虛名所失者實事所悅者臣下之夸志所病者國家之大歎利害皎然不為難辨且名者衆之所評也是曰公器亦為爭端覈之至精猶患相軋處或乖當安能勿踰以漢高之制服雄豪太宗之削平區寓天下既定乃論勲有蕭曹之殊庸有房杜之碩畫戰守經略倬乎殊倫猶謂豐沛故人刀筆文吏諸將不服頗相訐揚乃至攘袂指天拔劍擊柱偶語謀反誼譁訟寃矧今國步猶艱王化未洽方資武力以珍寇讎益非恩倖競進之時文儒角逐之日當功而獎尚恐未孚獎又非功固宜見誚倘有節劾尤者理當褒崇賞典甚多何必在此其餘別無績用例徇馳驅且俟賊平甄錄非晚

推崇惟幄。抑損武人。是庸主故習。讀此奏可以增豪傑致功之氣。并可折近侍希寵之私。葛端調

[Faded bleed-through text from the reverse side of the page]

○○興元論賜渾瑊詔書為取散失內人等議狀

陸贄

右德亮承旨并錄先所散失內人名字。令人撰詔書賜渾瑊。遺於奉天。尋訪以得為限。仍量與資裝。速送赴行在者。頃以理道乖錯。徇亂薦鐘。陛下思咎懼灾。裕人罪已。屢降大號。誓將更新。天下之人。垂涕相賀。懲忿釋怨。煦仁戴明。畢力同心。共平多難。止土崩於絕岬。收板蕩於橫流。殄寇清都。不失舊物。實繇陛下至誠動於天地。深悔感於神人。故得百靈降康。屯庶歸德。苟不如此。自古嘗有擲棄宮闈。失守宗祧。繼逆於劫難之師。再遷於蒙塵之日。不逾半載。而復興大業者乎。今渠魁始平。法駕將返。近自郊甸。遠周環瀛。百役疲瘵之毗。重傷殘廢之卒。皆忍灰扶病。傾耳竦肩。想聞德輶。翹望聖澤。陛下固當感上天悔禍之眷。荷烈祖

興元論賜渾瑊詔書為取散失內人等議狀一

乘裕之休。念將士鋒刀之殃。愍黎元塗炭之酷。以致冠為戒。以居上為危。以務理為憂。以復言為急。損之又損。尚懼汰侈之易。滋艱之惟艱。猶恐戒懼之難。久謀始盡善。克終已稀。始而不謀。終則何有。夫以內人為號。蓋是中壺未流。天子之尊。富有宮掖。如此等輩。固繁有徒。但恐傷多。豈憂乏使。翦除元惡。曾未決辰。亦賀注來。道路如織。何必自虧。若德首訪婦人。又令資裝。速赴行在。萬目閱視。眾口流傳。恐非所以答慶賴之心。副惟新之望也。夫事有先後。義有重輕。重者宜務之於先。輕者宜措之於後。故武王克殷。有未及下車而為之者。有下車而為之者。蓋美其不失先後之宜也。自翠華播越。萬姓靡依。清廟震驚。三時乏祀。當今所務。莫大於斯。誠宜速遣大臣。馳傳先往。迎復神主。修整郊壇。展禋享之儀。申告謝之意。然後弔恤死義。慰犒有功。緩緝恭庶。優問耆耄。安定反側。寬宥脅從。宣暢鬱堙。褒獎忠直。官失職之士。復廢業之人。是皆宜先。不可後也。至如崇飾服器。繕緝殿臺。備耳目之娛。選中櫛之侍。是皆宜後。不可先也。宜後而先。則為君之道喪。宜先而後。則理國之義差。古之與王。必慎於此。陛下將務興復。又安可不慎乎。且散失內人。已經累月。既當離亂之際。必為將帥所私。其人若稍有知。不求當自陳獻。其人若甚無識。求之適使憂虞。自因寇亂。喪亡頗有大於此者。一聞搜索。懷懼必多。餘孽尚繁。羣情未一。因而善撫。猶恐危疑。若又懼之於何。不有昔人所以掩絕纓而飲盜馬者。豈必忘其情愛耶。蓋知為君之體。然也。以小妨大明者。不為天下固多美人。何必獨在於此。易曰。危者安其位者。

興元論賜渾瑊詔書為取散失內人等議狀二

也。亂者有其理者也。故君子安不忘危，理不忘亂，是以身安而國家可保也。春秋傳曰：或多難以固其國，或無難以喪其邦，誠以處危則思安之情切，遭亂則求理之志深切。於思安深於求理，國之固也不亦宜乎。及夫居安而驕，恃理而怠，驕則縱肆其奢欲，怠則厭惡於忠告。奢欲日行，忠言日梗，國之喪也不亦宜乎。昔衛獻出奔，久而復國，大夫迎於境者，執其手而與之言，迎於門者，領之而已。言其驕怠之易生也。齊桓將圖霸功，管仲戒之以無忘在莒懼其情志之易變也。今臣亦願陛下企思危，固國如不及，徵忘亂，喪國如探湯，以在宮為書紳之規，以哀衛為覆車之鑒，則德為帝範，理致壽維，與夫貪逸欲而踐禍機，其利害亦云遠矣。所令撰賜渾瑊詔，未敢承旨，伏惟聖裁。

因細節之非而隨示以當今所急，是真誠於獻納，不徒慙直為高者。
葛端明

... 夫... 則... 宜... 慎... 勿... 忘... 在... 懼... 其... 情... 志... 之... 易... 也... 今... 也... 願... 也... 下... 金...

陸贄

因... 之... 非... 而... 謂... 示... 以... 當... 今... 而... 意... 甚... 其... 痛... 非... 需... 除... 不... 於... 恐... 直... 等... 在... 下...

鑾駕將還宮闕論發日狀

陸贄

右先頒敕旨已定行期所司供承亦聞粗備但以霖潦方甚道路阻銀
衆情同憂莫敢論奏今發日漸逼陰雲尚繁小大嗷嗷愁懼轉甚臣雖
闓鈍亦竊揣量豈不知元惡初平餘氛未殄乃是逆順將分之際吉凶
多變之時須速鎮安理宜促駕迴使霖潦為害人功可施其備禦雖於
智能其役用止於繁費其所患不及於性命其可憂但在於人耳則當
公私罄財上下竭力務寧大業奚恤暫勞各應叶奉聖規安敢復忤成
命良以褒斜峻阻素蹄畏途緣側迳於巖巖綴危棧於絕壁或百里之
內歷險且千或一程之中涉水數四若遇積雨滯浸羣峰澍流巨石崩
奔旬隱相絕深谷瀾漫往來不通悉非功力之所支籌略之所過斯須

之頃、跬步之間、倉遑遑、殃皆不可測、匹夫單騎、尚且過防、况萬乘時行、千官景從、而可蹈不存之險、冒無禦之灾乎、如或磴路滾崩、閣道淹圯、環衛之儀、少缺、屬車之馬、微驚、縱有億徒、何所為用、陛下欲無駭慮、其可得乎、又或霖滯更深、谿澗皆溢、途路既絕、傳送無繇、連山萬里、進退不可、一日乏食、將如之何、陛下欲無軫憂、固亦難矣、人主舉措、宜圖萬全、必先事以防危、不臨危而求幸、幸而獲濟、貽媿已深、不幸罹灾、追悔何及、孔子曰、欲速則不達、誠哉是言、臣今非敢阻陛下欲速之情、但頗以不達為慮耳、倘迴睿旨、少俟開晴、則發期雖延、涉路無滯、不疾而速、先叶乾行、知幾其神、是謂天墜、竊聞羣議、輒以上陳、悽悽懇誠、實冀昭納、

○請釋趙貴先罪狀

陸贄

右欽淑奉宣聖旨、前者共卿商量趙貴先、欲恕其罪、朕朝來更問諸將、皆云貴先順從朱泚、則是逆人、合依常刑、不可寬捨、衆人意既如此、應難釋放、卿宜知悉者、臣愚以為貴先從逆之罪、法當不容、貴先陷身之繇、情則可恕、陛下所議、矜宥原其情也、諸將所請、誅戮據於法也、據法而除君之惡者、人臣之常志、原情而安衆之危者、人主之大權、臣主之道、既殊、通執之方亦異、言各有當、體各有宜、事或踈駁、而無傷、此之謂也、往以襄城告急、詔令隴右發兵、齊映率衆采行、貴先即其部將、於時軍至昭應、適遇駕幸奉天、齊映馳歸鳳翔、貴先獨守營幕、進無搃帥、退闕亂兵、遂為賊泚所招、給以同迎鑾輿、泚既反、狀未露、貴先安得不從、

陸宣公奏義

請釋趙貴先罪狀一

七三

已受邀留。遂遭劫制。身縻偽職。兵隸兇徒。雖居賊中。亦不見任。首末事跡。簡在天心。臣亦親承德音。非獨聞於傳說。其於情狀。頗有足矜。所可受責之辜。惟在不能守節而死耳。貴先倘能守節。即是忠烈之徒。固獲褒旌。豈資寬捨。凡所議獻。蓋緣獄疑。惟輕實編。令典脅從。罔理亦載。聖謨。況復懷光未殲。希烈猶熾。遭罹誘陷。其類實繁。今京邑初平。皇猷更始。乃是汙俗觀化之日。聖王布德之時。所用刑章。尤宜審慎。一輕一重。理亂攸生。宥之以恩。則自新者咸思歸命。斷之以法。則懷懼者姑務偷生。衆心既偷。賊勢愈固。不忍一朝之忿。而貽累歲之憂。苟循匹夫之談。以興億衆之役。為計若此。夫何利之有焉。曩者羯胡亂華。涖汚士史。肅宗興復。累降赦書。罪止渠魁。餘所不問。河朔遺孽。既聞德澤之弘。被且

幸脅汙之見原。人人皆自怨尤。各悔歸國之晚。及乎三司按罪。總用嚴科。未降之流。復喜得計。慶緒將稍而再結。思明已附而重携。浸長厲階。至今為梗。豈不以任法吏而虧權道。小不忍而亂大謀者乎。昔漢高帝既定四方。見諸將往往偶語謀反。乃問張良曰。為之奈何。良曰。陛下所最恨者為誰。帝曰。雍齒與我有舊。而數窘我。良曰。今急封雍齒。則人人自堅矣。帝用良計。諸將果安。皆云雍齒且侯。吾屬何患。蓋以圖霸王者。不牽於常制。安反側者。罔念於宿瑕。今陛下有漢高之英。貴先無雍齒之釁。加戮不足威暴逆。矜全可以定危疑。明恕而行。盛德斯在。何所為慮。尚勞依違。微臣區區上言。蓋為將來張本。凡非首惡。皆願從寬。庶使負累之徒。莫不聞風而化。消姦兇誘惑之計。開叛亂降附之門。此其大

陸宣公奏議

機不可失也。陛下前意固為善矣。伏惟不為浮議所移。達權通變。真處危要識。葛端調。

○○論替換李楚琳狀

陸贄

右欽淑奉宣聖旨。李楚琳不可久任鳳翔。欲候朕到日。簡擇一人替楚琳。克節度使。楚琳別與一官。便隨朕歸京。既有迎駕諸軍。威勢甚盛。因此替換。亦是權宜。卿宜商量穩便否者。臣聞王者有作先懷。永圖謀。必可傳事。必可繼。不因利以求得。不乘便而幸成。故能上下相安。而理可長久也。彼楚琳者。固是亂人。乘國難而肆逞其姦。賊邦君而篡居其位。按以典法。是宜洿瀦。既屬多虞。不遑致討。乃今之以旄鉞。又繼之以寵榮。逮至南巡。頗全外順。道塗無壅。亦有賴焉。雖朝命累加。蓋非獲已。然王言一出。則不可渝。縱闕君臣之恩。猶須進退以禮。今若因行幸之威。勢假迎扈之甲兵。易置以歸。是同虜執以言乎。除亂則不武。以言乎治。

陸宣公奏議

論替換李楚琳狀一

七五

理則不誠。禍變繁興。為日久矣。負釁居位。豈唯一人。以此時巡。後將安恃。以此撫御。誰其感懷。昔漢高偽遊。韓信見獲。功臣繼叛。天下幾危。征伐紛紛。以至沒代。其微倖之不可也。如此陛下。得不為至戒哉。議者謂之權宜。臣又未諭其理。夫權之為義。取類權衡。衡者秤也。權者錘也。故權在於衡。則物之多少可準。權施於事。則義之輕重不差。其趣理也。必取重而捨輕。其遠邇也。必擇輕而避重。苟非明哲。難盡精微。故聖人貴之。乃曰可與適道。未可與立。可與立。未可與權。言知幾之難也。今者甫平大亂。將復天衢。輦路所經。首行脅奪。易一帥而虧萬乘之義。得一方而結四海之疑。乃是重其所輕。而輕其所重。謂之權也。不亦反乎。以反道為權。以任數為智。君上行之。必失眾。臣下用之。必陷身。歷代之所以

多喪亂。而長姦邪。繇此誤也。夫以韓信才略。當時莫儔。且負嫌疑。已遭告訐。縱之足以亂區宇。除之可以安國家。幸而成擒。猶謂失策。當時被攻戰之害。百代流詭詐之機。况楚琳率伍。凡材所養。賤品。因時擾攘。得肆猖狂。非有陷堅殪敵之雄。出奇制勝之略。頗同狐鼠。乘夜睚眦。晨充既昇。勢自陰縮。令郊畿已又武衛。方嚴汧隴。鎮壓於其西。邠涇扼制於其北。顧是岐下。若居掌中。以楚琳瑣劣之資。處掌中控握之地。縱令躡躡。何惡能為。願陛下姑務含弘。普安反側。促駕造止。錄功犒勤。敷肆肯之恩。布惟新之令。然後召韋臯。楚琳。俾入分文武之職。擇元勳宿望。命出總岐隴之師。則彼承詔欣榮。奔走不暇。安敢薑介。復勞誅鋤。措置得宜。萬無一跌。何遽過動。不為後圖。仰希睿聰。試更詳慮。

深識遠慮。可垂經久。葛端謨

臣等伏以... 聖哲所病... 聖哲所病聽其言則未保其行求其行則或遺其才較勞考則巧偽繁... 交親備詳本末... 深識遠慮可垂經久葛端謨

○○請許臺省長安舉薦屬吏狀

陸贄

今月十七日顧少連延英對迴奉宣密旨卿先奏令臺省長官各舉屬
吏近聞外議云諸司所舉各有情故兼受賄賂不得實才此法甚非穩
便已後除改卿宜並自揀擇不可信任諸司者臣以闇劣謬當大任果
速官謗上貽聖憂過蒙恩私曲降慈誨咸戴循省竊興不寧緣是密旨
特宣不敢對衆陳謝祇稟成命所宜必行恭惟聖規又合無隱苟有不
達安敢勿言雖知塵煩固不可已夫理道之急在於得人而知人之難
聖哲所病聽其言則未保其行求其行則或遺其才較勞考則巧偽繁
興而貞方之人罕進狗彘華則趨競彌長而沉退之士莫升自非素與
交親備詳本末揆其志行閱其器能然後守道藏用者可得而知沽名

請許臺省長安舉薦屬吏狀一

陸宣公奏議
飾貌者不容其偽。故孔子云：視其所以，觀其所繇，察其所安，人焉廋哉！夫欲觀視而察之，固非一朝一夕之所能也。是以前代有鄉里奉選之法，長吏辟舉之制，所以明歷試，廣旁求，啟行能，息馳騫也。昔周以伯冏為太僕，命之曰慎，東乃寮，罔以巧言令色便僻側媚其惟吉士。是則古之王朝，但命其大官，而大官得自東寮，屬之明驗也。漢朝務求多士，其選不惟一府，辟召而已。又有父任兄任，皆得為郎。選任之初，雜居三署，臺省亦用補之。是則古之郎官，皆以任舉充選。此其明驗也。魏晉已後，雖小國初採擇庶官，多繇選部，唯高位重職，乃繇宰相考庶官之有成效者，請而命焉。故晉代山濤為吏部尚書，中外品員多所啓授。宋朝以蔡廓為吏部尚書，先使人謂宰相徐羨之曰：若得行吏部之職，則拜不然，則否。羨之荅曰：黃散已下，悉委蔡廓，猶憤恚以為失職，遂不之官。是則黃門散騎侍郎，皆繇吏部選授，不必朝廷列位。盡合東在台司，此其明驗也。國朝之制，庶官五品以上，制勅命之；六品以下，則並旨授。制勅所命者，蓋宰相商議，奏可而除拜之也。旨授者，蓋吏部銓材授職。然後上言詔旨，但畫聞以從之，而不可否者也。開元中，吏部注擬選人，奏置循資格限，自起居遺補及御史等官，猶並列於選。曹銓綜之列著在格令，至今不刊，未聞常叅之官，悉委宰臣選擇。此又近事之明驗也。其後舊典失序，倖臣專朝，捨僉議而重已權，廢公奉而行私惠，是使周行庶品，苟不出時宰之意者，則莫致焉。任衆之道，益微進善之途，漸溢。近者每須任使，常苦乏人，臨事選求，動淹旬朔，始務應用，難盡當才。豈

不以薦奉凌遲、人物哀少、居常則求精、太過有急則備位不充、欲令庶績咸熙、固亦難矣。臣實駑鈍、一無所堪、猥蒙任使、待罪宰相、雖懷竊位之懼、且乏知人之明、自揣庸虛、終難上報、惟廣求才之路、使賢者各以彙征、啓至公之門、令職司皆得自達、臣當謹守法度、考課百官、奉揚聰明、信賞必罰、庶乎人無滯用、朝不乏才、以此為酬恩之資、以此為致理之具、爰初授命、即以上陳、求賢審官、粗立綱制、凡是百司之長、兼副貳等官、及兩省供奉之職、并因察奉勞効、須加獎任者、並宰臣敘擬、以聞其餘臺省屬僚、請委長官選擇、指陳才實、以狀上聞、一徑薦揚、終身保任、各於除書之內、具相舉授之繇、示衆以公、明章得失、得賢則進、考增秩、失實則奪、俸贖金、亟得則褒、升亟失則黜、免非止搜揚下位、亦可閱

試大官前志、所謂達觀其所舉、即此義也。自蒙允許、即以宣行、南宮舉人、纔至十數、或非臺省舊吏、則是使府佐僚、累經薦延、多歷事任、議其資望、既不愧於必行、考其行能、又未聞於闕敗、而議者遽以騰口上煩、聖聰道之難行、亦可知矣。陛下勤求理道、務詢物情、因謂舉薦非宜、復委宰臣揀擇、其為崇任、輔弼博採、與詞可謂聖德之盛者也。然於委任責成之道、聽言考實之方、閑邪存誠、猶恐有關、所謂委任責成者、將立其事、先擇其人、既得其人、慎謀其始、既謀其始、詳慮其終、終始之間、事必前定、有疑則勿果於用、既用則不復有疑、待終其謀、乃考其事、事德於素者、並其弊而黜其人事、協於初者、賞其人、而成其美、使受賞者無所與讓、見黜者莫得為辭、夫如是、則苟無其才、孰敢當任、苟當其任、必

請許臺省長安舉薦屬吏伏三

得竭才○此古之○聖王○委任責成○無為而理○之道也○所謂聽言考寔○臣受
廣○紘○弘○接下之規○明目達聰○廣濟人之道○欲知事之得失○不可不聽
於言○欲辨言之真虛○不可不考之於實○言事之得者○勿即謂是○必原其
所得之繇○言事之失者○勿即謂非○必窮其所失之理○稱人之善者○必詳
微行善之跡○論人之惡者○必明辨為惡之端○凡聽其言○皆考其實○既得
其實○又察以情○既盡其情○復稽於眾○眾議情實○必參相得○然後信其說
獎其誠○如或矯誣○亦寔明罰○夫如是○則言者不壅○聽者不勞○無浮妄亂
教之談○無陰邪傷善之說○無輕信見欺之失○無潛陷不辨之冤○此古之
聖王聽言考實○不出戶而知天下之方○陛下既納臣言而用之○旋聞
橫議而止之○於臣謀不責成○於橫議不考實○此乃謀失者得以辭其罪

議曲者得以肆其誣○率是以行○觸類而長○固無必定之計○亦無必實之
言○計不定則理道難成○言不實則小人得志○國家所病○恒必繇之○昔齊
桓公將啓伯圖○問管仲以害伯之事○管仲對曰○得賢不能任○害伯也○任
賢不能固○害伯也○固始而不能終○害伯也○與賢人謀事○而與小人謀之
害伯也○所謂小人者○不必悉懷險詖○故覆邦家○蓋以其意性○險邪○趨尚
狹○促○以沮議為出眾○以自異為不群○趣近利而昧遠圖○効小信而傷大
道○故論語曰○言必信○行必果○硜硜然○小人哉○夫以能信於言○能果於行
惟以硜硜淺近○不克弘通○宣尼猶謂其小人○管仲尚憂其害伯○况又有
言行難保而恣其非心者乎○此皆任不責成○言不考實之弊也○聖行以
為外議云○諸司所舉○皆有情故○兼受賄賂○不得實才者○臣請陛下當使



所言之人詳陳所犯之狀某人受賄某舉有情陛下然後以事實於臣
臣復以事實於舉主若便肯伏則據罪抵刑或有詞則付法閱實謬
舉者必行其罰誣善者亦反其辜自然憲典克明邪惡不作懲一沮百
理之善經何必貸其姦賊不加辨詰私其公議不出主名使無辜見疑
有罪獲縱枉直同貫人何賴焉聖旨又以官長舉人法非穩便令臣並
自揀擇不可信任諸司者伏以宰輔常制不過數人人之所知固有限
極○必○不○能○編○諳○多○士○備○閱○群○才○若○令○悉○命○群○官○理○須○展○轉○詢○訪○是○則○變
公○舉○為○私○薦○易○明○駁○以○暗○投○倘○如○議○者○之○言○所○舉○多○有○情○故○舉○於○君○上
且○未○絕○私○薦○於○宰○臣○安○肯○無○詐○失○人○之○弊○必○又○甚○焉○所○以○承○前○命○官○罕
有○不○涉○私○謗○雖○則○秉○鈞○不○一○或○自○行○情○亦○緣○私○訪○所○觀○轉○為○所○賣○其○弊

非遠聖鑒明知今又將徇浮言專任宰臣除吏宰臣不徧諳識踵前頃
訪於人若訪於親朋則是悔其覆車不易前轍之失也若訪於朝列則
是求其私薦必不如公奉之愈也二者利害惟陛下更詳擇焉恐不如
委任長官謹東察屬所東既少所求亦精得賢有鑒識之名失實當閭
謬之責人之常性莫不愛身况於臺省長官皆是當朝高選孰肯徇私
妄奉以傷名取責者乎所謂臺省長官即僕射尚書左右丞侍郎及侍
御史大夫中丞是也陛下比擇輔相多亦不出其中今之宰相則往日
臺省長官也○今之臺省長官乃將來之宰臣也○但是職名暫異固非行
業○損○殊○豈○有○為○長○官○之○時○則○不○能○奉○一○二○屬○吏○居○宰○臣○之○位○則○可○擇○千
百○具○察○物○議○悠○悠○其○惑○斯○甚○聖○人○制○事○必○度○物○宜○無○求○備○於○一○人○無○責

人於不逮。尊者領其要。卑者任其詳。是以人主擇輔臣。輔臣擇庶長。長擇佐僚。所任愈崇。故所擇愈少。所試漸下。故所奉漸輕。進不失倫。選不失類。以類則詳。知實行有倫。則杜絕微求。將務得人。無易於此。是故選自卑遠。始升於朝者。各委長吏任奉之。則下無遺賢矣。寘於周行。既任於事者。於是宰臣序進之。則朝無曠職矣。才德兼茂。歷試不踰者。然後人主倚任之。則海內無遺士矣。夫求才貴廣。考課貴精。求廣在於各奉所知。長吏之薦擇是也。考精在於按名責實。宰臣之序進是也。求不廣。則下位罕進。下位罕進。則用常乏人。用常乏人。則懼曠庶職。懼曠庶職。則苟取備員。是以考課之法。不暇精也。考不精。則能否無別。則砥礪漸衰。砥礪漸衰。則職業不奉。職業不奉。則品格寢微。是以賢能之功。不克彰也。皆失於不廣求人之道。而務選士之精。不思考課之行。而望得人之美。是以望得。失務。精益求精。塞源浚派。未見其可。臣欲詳徵舊說。伏恐聽覽為煩。粗舉一端。以明其理。往者則天太后踐祚。臨朝欲收人心。尤務拔擢。弘委任之意。開汲引之門。進用不疑。求訪無倦。非但人得薦士。亦得自奉其才。所薦必行。所奉輒試。其於選士之道。豈不傷於容易哉。然而課責既嚴。進退皆速。不肖者旋黜。才能者驟升。是以當代謂知人之明。累朝賴多士之用。此乃近於求才貴廣。考課貴精之効也。陛下誕膺寶曆。思致理平。雖好賢之心。有踰前哲。而得人之盛。未逮往時。蓋繇鑒賞獨任於聖聰。搜擇頗難於公舉。但速登延之路。罕施練覈之方。遂使先進者漸益凋訛。後來者不相接續。施一令則謗沮。

互起。用一人則瘡痍立成。此乃失於選才太精。制法不一之患也。則天
 舉用之法。傷易而小人。陛下慎東之規。太精而失士。是知雖易於本用。
 而不易於苟容。則所易者適之。廣得人之資。不為害也。不精於法制。而
 務精於選才。則所精者適之。梗進賢之途。不為利也。人之才行。自昔罕
 全。苟有所長。必有所短。若錄長補短。則天下無不用之人。責短捨長。則
 天下無不棄之士。加以情有憎愛。趣有異同。假使聖如伊周。賢如楊墨。
 求諸物議。孰免譏嫌。昔子貢問於孔子曰。鄉人皆好之。何如。子曰。未可
 也。鄉人皆惡之。何如。子曰。未可也。不如鄉人之善者好之。其不善者惡
 之。蓋以小人君子。意必相反。其在小人之惡。君子亦如君子之惡。小人
 將察其情。在審其聽。聽君子則小人道長。聽小人則君子道消。今陛下

精選宰臣。必以為重於庶品。精擇長吏。必以為愈於末流。及至宰臣。舉
 規長吏。薦士陛下。則但納橫議。不稽始謀。是乃任以重者。輕其言。待以
 輕者。重其事。且又不辨所毀之虛實。不較所議之短長。人之多言。何所
 不至。是將使人無所措其手足。豈獨選任之道。失其端而已乎。臣之切
 言。固非為已。所惜者。致理之道。所感者。見遇之恩。輒因陳謝。布露以聞。
 人之聰明有限。乃天下之知識無窮。卑任其詳。尊任其簡。又使歷
 序漸升。攷詢蓋確。則天下無遺才。當官無曠職。此文真明君臣之體。
 得用人之方者。葛端調

陸宣公奏議

清許臺省長安集葛端調文六

又八

...人...
...固...
...不...
...鍊...
...賦...
...論...
...論嶺南請於安南置市舶中使狀

陸贄

嶺南節度經略使奏近日船舶多往安南市場進奉事大實懼闕供臣
今欲差判官就安南收市望定一中使與臣使司同勾當庶免隱欺希
願奏宣聖旨宜依者遠國商販唯利是求緩之斯來擾之則去廣州地
當要會俗號殷繁交易之徒素所奔湊今忽捨近而趨遠棄中而就偏
若非侵刻過深則必招懷失所曾無內訟之意更興出位之思玉毀積
中是將誰咎珠飛境外安可復追書曰不貴遠物則遠人格今既徇欲
如此宜其殊俗不歸況又將蕩上心請降中使示貪風於天下延賄道
於朝廷黷汚清時虧損聖化法宜當責事固難依宜且嶺南安南莫非
王土中使外使悉是王臣若緣軍國可用可有令式恒制人思奉職孰

敢闕供。豈必信嶺南而絕安南。重中使以輕外使。殊失推誠之體。又傷賤貨之風。望押不出。

辭典重而意愈嚴。謝疊山

[Faint bleed-through text from the reverse side of the page]

○謝密旨因論所宣事狀

陸贄

前日顧少連奉諭密旨。每於延英對卿。緣有諸人言不得盡。中間卿所奏去冬薦人實。緣對趙憬執論。所以有言相拒。亦不足阻卿之意。若有要便。但依前者意旨。自手疏密封進來。卿又頻與苗粲進官。朕未放過。恐卿未知朕意。此人即苗晉卿之子。晉卿往年攝政。曾有不臣之言。又諸子皆與古帝王同名。意甚不善。緣非諸子之過。不欲明行斥逐。終是不合。今在朝廷。卿宜密知此意。苗粲兄弟。並改與在外閑僻處。官仍不得令近兵馬者。猥蒙天慈。屢降深旨。慰眷稠疊。誨諭周詳。膏肉之恩。無以加此。士感知已。尚合捐軀。臣雖孱微。能不激勵。至於弥綸庶績。督課郡官。始終不渝。夙夜非懈。是皆常分。曷足酬恩。自揣凡庸之才。又無奇

嶮之効。惟當輸罄忠節。匪輔聖猷。衆人之所難言。臣必無隱。常情之所
易溺。臣必不回。罔然正心。持以上報。此愚夫一志而不易者也。惟明主
矜亮而保容之。頃以去冬薦人。頻於街衢披訴。既是准制許集。理合量
才授官。進擬再三。未蒙允許。伏慮事轉淹滯。所以因對奏陳。情於忖量。
推理輒發。以趙憬與臣並命。俱掌樞衡。叅奉謀猷。事當無間。不知避忘。
輕瀆宸嚴。陛下時宥蠢愚。曲加獎導。寵遇踰等。恩私倍常。願惟何人叨
幸。若此。偶有所見。敢不盡言。是彰無隱之誠。以申上報之分。臣聞王者
之道。坦然著明。奉三無私。以勞天下。平平蕩蕩。無側無偏。所謂三無私
者。如天之無私覆也。如地之無載也。如日月之無私照也。其或有過。如
日月之有蝕焉。過也。人皆見之。更也。人皆仰之。日月不疾於蔽虧。人君
不吝於過失。虧而能復。無損於明。過而能改。不累於德。昨者臣所奏事。
惟有趙憬得聞陛下已至勞神。委曲防護。是於心膂之內。尚有形迹之
拘。職同事殊。鮮克以濟。恐爽無私之德。且傷不吝之明。夫元首股肱。義
實同體。諮詢獻納。一日萬幾。宣之使言。猶未盡意。言若受阻。意何繇通。
啓沃既難。機務斯壅。雖荷綢繆之顧。實增曠廢之憂。仰希聖聰。更賜裁
處。苗粲少以門子。早登朝班。歷拾遺補闕。起居員外郎。前後二十餘
年。溫恭有加。恪慎無怠。端敏足以守職。文學足以飾身。詳其罷能。堪處
近侍。陛下以粲先父常有過言。名子之方。又乖義類。不忍明加斥黜。但
令改授外官。伏以理國化人。在於獎一善。使天下之為善者。勸罰一惡。
使天下之為惡者。懲是以爵人。必於朝。刑人。必於市。惟恐衆之不覩事。

之不彰君上行之無愧心兆庶聽之無疑議受賞安之無怍色當刑居
之無怨言此聖王所以宣明典章與天下公共者也獎而不言其善斯
謂曲貸罰而不書其惡斯謂中傷曲貸則授受不明而恩倖之門啓中
傷則枉直莫辨而讒間之道行此柄一虧為害滋大凡是譖愬之輩多
非信實之言利於中傷懼於公辨或云歲月已久不可究尋或云事體
有妨須為隱忍或云惡跡未露宜假他事為名或云但棄其人何必明
言責辱詞皆近於情理意寔包於矯誣傷善售姦莫斯為甚伏惟聖鑒
之下必無浸潤之流然於稱毀之言不可不辨賞罰之典不可不明陞
下若以晉卿跡寔姦邪繁等法應坐累則當公議典憲豈令陰授播遷
陛下若察晉卿見誣又如繁等非罪則合隨手獎用不宜降意情防
忽不示端繇但加斥逐謂之掄材則失序謂之行罰則無名徒使繁等
受錮於聖朝晉卿銜憤於幽壤以臣蔽滯未見其宜夫聽訟辨讒昔於
明恕明者在驗之以跡恕者在求之以情跡可責而情可矜聖王懼疑
似之陷非辜不之責也情可責而跡可宥聖王懼逆詐之濫無罪不之
責也惟情見跡具詞服理窮者然後加刑罰焉是以下無寃人上無謬
聽苛慝不作教化以興晉卿起自文儒致位台輔能以謙柔自處故為
三朝所推當諒闇之辰攝冢宰之任是將備禮豈足擅權安肯露不臣
之言招覆族之釁雖甚強險猶應不為矧伊老臣寧忍及此假有忍人
之意其如言發徇隨求之以情既無端驗之以跡又無兆宜蒙昭恕理
在不疑又自陛下御極已來繁及兄丕皆歷清近若以舊事為累豈溘

含容至今恐有無良之徒憎嫉丕絜兄弟造成飛語務欲挫傷大抵任
重勢疑易生嫌謗以周公之聖不免流言霍光之忠亦遭告訐向非成
王覺寤昭帝保明則二主之德美不傳二臣之冤誣莫辨陛下追懷往
事得失豈不相遠哉後之視今固亦如此凡所舉措安可不詳伏願稍
留睿思特加省察斯實群臣庶免於戾豈惟苗氏一族存歿幸賴而已
乎少連又向臣說云聖旨察臣孤貞猶謂清慎太過都絕諸道饋遺却
恐事情不通如不能納諸財物至如鞭靴之類受亦無妨者伏以貨賄
之利耳目之娛人間常情孰不貪悅况臣性實凡鄙寧忘顧私家本寡
貧安能無欲所以深自刻慎勉修庶隅者蓋繇負載厚恩尸竊大任既
不克導揚風教致俗清淳又未能咸息征徭濟人窮困若無恥懼更敢

賄門是忘憂國之誠仍速焚身之禍繇是苟行特搯杜絕交私誠知無
補大歎所冀免貽涖累陛下責臣以清慎太過斯謂皇明陛下慮事之
不通有乖理道或恐貪恠之輩務逞無厭之求巧陳異端惑亂聖聽稽
諸事實則甚不然夫以胥吏末流苞苴微貶苟或違道且猶知慙况乎
公卿大臣之間方岳連帥之任豈資納賄然後致誠若因財利交歡是
以姑息為事既乖直道必有過求遂之則法度浸隳阻之則缺望彌甚
為害如此國何賴焉高祖太宗者法立制監臨受賄盈尺有刑陛下每
發德音數宥下土大辟之屬皆蒙滌除惟於犯贓徃徃不赦豈不以貪
饕為弊殘蠹最深至於士吏之微尚當嚴禁矧居風化之首反可通行
凡上之所為以道下也上之所不為以簡下也上之所不為而下或為之然

後○可○以○設○峻○防○寔○明○辟○若○上○為○之○而○下○亦○為○之○固○其○理○也○又○可○禁○乎○今
吏○有○受○監○臨○之○賄○者○則○以○為○罪○不○可○容○朝○廷○之○制○四○方○所○監○臨○也○而○宰
司○公○受○其○賄○是○亦○無○恥○而○不○慙○者○歟○孔○子○曰○大○臣○不○可○不○敬○也○是○人○之
表○也○邇○臣○不○可○不○慎○也○是○人○之○道○也○夫○傾○則○影○曲○道○僻○則○行○邪○若○大○臣
邇○臣○可○以○受○財○則○庶○長○窳○僚○孰○為○不○可○朝○廷○取○之○於○方○鎮○方○鎮○復○取○之
於○州○州○取○之○於○縣○縣○取○之○於○鄉○鄉○將○安○取○哉○是○皆○出○于○疲○人○之○肝○腦○筋
髓○耳○自○大○盜○猾○夏○耗○斃○生○人○天○下○常○屯○百○萬○之○師○坐○受○衣○食○農○夫○蚕○婦
凍○而○織○餒○而○耕○殫○力○忍○死○以○供○十○倍○之○賦○日○月○引○頤○望○覩○昇○平○之○化○惠
恤○之○恩○凡○四○十○九○年○矣○薦○屬○多○故○有○加○無○瘳○持○利○權○食○厚○祿○者○當○憂○隱
惛○泥○潤○鬼○黎○庶○而○又○交○通○私○賄○扇○起○貪○風○是○今○已○困○之○吐○重○適○過○分○之
擾○陛○下○尚○以○為○鞭○靴○之○類○受○亦○無○妨○若○使○天○下○受○賂○惟○有○二○三○宰○臣○內
方○誅○未○止○於○鞭○靴○細○物○行○之○不○足○以○傷○化○絕○之○不○足○以○利○人○則○臣○固○已
微○抑○私○心○將○順○睿○旨○矣○若○使○國○家○致○理○必○資○饋○遺○通○情○辭○之○足○以○失○天
下○之○心○受○之○之○以○濟○天○下○之○務○則○臣○固○亦○不○避○污○行○助○成○聖○功○矣○臣○所
以○未○敢○奉○詔○冒○昧○塵○煩○者○審○知○此○道○不○惟○於○無○益○必○有○甚○損○故○也○亦○冀
陛○下○詳○察○其○理○普○澄○其○源○弘○清○淨○無○欲○之○風○守○慈○勤○不○貪○之○寶○是○將○感
人○心○而○天○下○服○何○有○事○情○不○通○之○患○乎○夫○貨○賄○上○行○則○賞○罰○之○柄○失○貪
求○下○布○則○廉○恥○之○道○衰○何○者○善○惡○不○分○功○過○無○辨○以○貨○賄○之○多○少○為○課
績○之○重○輕○守○道○闕○供○或○時○致○怨○招○累○求○得○當○欲○可○以○釋○罪○賈○榮○忍○行○刻
剝○者○見○謂○公○忠○巧○飾○玩○好○者○獲○稱○才○智○此○謂○賞○罰○之○柄○失○也○上○好○利○則

陸宣公奏議

謝密旨因論所宣事狀五

八

下思聚歛上求賄則下肆侵蝕不懷愧心但逞私欲遮相企効習以成風閭閻日殘紀綱日壞不可以禮義勸不可以刑法懲此繇廉恥之道衰也作法於涼其弊猶貪作法於貪其弊斯亂利於小者必害於大易於始者必悔於終賄道一開轉展滋甚鞭靴不已必及衣裘衣裘不已必及幣帛幣帛不已必及車輿車輿不已必及金璧目見可欲何能自窒於心已與交私固難中絕其意是以涓流不已谿壑成災毫末既差丘山聚巖自昔國家敗亡多矣何嘗有以約失之者乎臣竊料郡府之不願行賄於朝廷猶郡閭之不願輸貨於群府也但以行之者有利不行者有虞故為安身保位之謀不得不行耳夫豈樂而行之哉假如四方俱賂於朝廷朝廷受其三而却其一有所受有所却二端相反則遇却者或有意疑者見拒而不通焉四方俱賂於朝廷朝廷俱辭而不受則咸知不受者乃朝廷之常理耳遠所服其心而誘其善復何嫌阻之有乎陛下若謂問遺可以通物情繫矩不足啟理化則自建中以來朕肱耳目之間蓋常有交利行私者矣乃其所也陛下何尤焉陛下嗣位之初躬行節儉群國無來獻朝廷無私求行李無贖貨之人邇臣無受賂之事四方風動幾致清平旋以刑峻賦繁兵連禍結理功中否至化未凝泊大憝殲夷皇運興復征伐之後頗息於前時清約之風亦虧於往日此則雖革一弊亦喪一美焉曩興師徒人困暴賦今罷征伐人困私求是乃殘瘁之餘永無蘇息之望使萬方黎獻當陛下休明之代不登富壽不洽雍熙追懷前修實用心熱而議者反以納賂通情之理以

陸宣公奏議
感陛下斯不亦誣上行私之甚者乎夫天下公器也王綱大權也執大
權者不任其小數守公器者不徇於私情任小數而御夫權則忿戾之
禍起徇私情以持公器則姦亂之釁生故春秋傳曰在上位者洒濯其
心以待之而後可以理人言私曲之不可以蒞衆庶也又曰國家之敗
繇官邪也官之失德寵賂彰也君人者將昭德塞違以臨照百官百官
於是乎戒懼而不敢易紀律言賄利之不可以化百官也又曰長國家
者非無賄之難無令名之難諸侯之賄聚於公室則諸侯貳言貪欲之
不可以懷諸侯也古之懷諸侯者蓋有其道矣惟不務賄然浚得之故
禮記云凡為天下國家有九經其一曰理亂持危朝聘以時厚往而薄
來所以懷諸侯也是知懷撫之道貴德賤財於往也則厚其贈送之資
於來也則薄其贄幣之禮訓人以尊讓示人以不貪始於朝廷行於郡
國廉恥之風漸廣侵漁之害不萌里閭獲安群國斯乂群國既乂朝廷
益尊所謂化自上流理繇下濟近者悅服而遠者歸懷是皆無賄之致
也及夫王綱寢壞德化陵夷然浚滅公議而徇私情盛誅求而崇饋獻
故禮記曰天子微諸侯潛於是相覲以貨相賂以利而天下之禮亂矣
是知傷風害禮莫甚於私暴物殘人莫大於賂利於絕私去賄者莫先
於君主務於愛人助理者莫切於輔臣然則君主輔臣之間固不可以
語及於私賄矣况又躬行乎臣以受恩特深志欲巨細裨補苟懷疑慮
不敢因循亦賴遭逢聖明庶得竭盡愚直所以每事獻替不以犯忤為
虞意懇詞繁伏用慚悚

隨事納忠煌煌大義令人想見大臣丰度 葛端調

○○請還田緒所寄撰碑文馬絹狀

陸 贊

右田緒使節度隨軍劉瞻送書與臣其書意緣奉進止今為其父承
 嗣撰遺愛碑文故送前件馬絹等以申情貺臣先奉恩旨令撰碑文於
 今半年竟未綴緝良以勸戒之道忠義攸先褒貶之詞春秋所重爵臣
 有僥倖而致名稱非詐力求將使循軌轍者畏昭憲而莫渝恬姦妄
 者顧清議而知恥仲尼修春秋而亂臣賊子懼豈必臨之以武脅之以
 刑哉褒貶苟明亦足助理田承嗣阻兵犯命靡惡不為竟喧天誅全歸
 土壤此乃先朝所愧恨義士所惋嗟今田緒尚干宸嚴請頒遺愛微臣
 隱弱實憤於心謬承恩光備位台輔既未能除姦慝裨益大猷而又
 備其愧詞以贊克德納彼重賂以襲貪風情所未安事固難強是以屢

嘗執翰不能措詞。輒投所操。太息而止。緣承聖誨。姑務懷柔。昨見田緒使人。臣亦婉為報答。但告云。所為碑頌。皆奉德音。既異私情。難承厚貺。候稍休暇。續當撰成。既無拒絕之言。計亦不至疑阻。其來書謹封進。所送馬及絹等。令劉瞻便領却迴訖。不敢不奏。

剛方壯直。可匹國語。襄王不許晉文。請隧篇。葛端朝

一〇〇請依京兆所請折納事狀

陸贄

京兆府先奏當管蟲食豌豆。全熟不收。請據數折納大豆。奉敕宜依。度支續奏稱。據時估豌豆每斗七十價已上。大豆每斗三十價已下。京兆府所請將大豆替豌豆。望令各據估計錢數折納。則冀免損官司者。求瘼救災。國之令典。求瘼在知其所患。救災在恤其所無。只如螟蛾為殃。豌豆全損。簡覆若非虛謬。地稅固合免徵。直道而行。大體斯在。府司折納克數。已為剋下。從權度支。準估計錢。乃是幸災。窺利所得。無幾其傷實多。傷風得財。非謂理道。且豌豆為物。入用甚微。舊例所支。准充書料。準數迴給大豆。諸司誰曰不然。計價剩徵。義將安在。理無所據。事不可從。望依前敕處分。未審可否。

陸宣公奏議

好宰相筆○謝疊山

詞明義峻○事纖而理實○臣○萬端調

[Faint bleed-through text from the reverse side of the page]

○○論朝官闕員及刺史等改轉倫序狀

陸贄

臣聞於經曰○濟濟多士○文王以寧○又曰○無曠庶官○天工人其代之○蓋謂
士不可不多○官不可不備○敦付物以能之○義闡恭已無為之風○此理道
得失之所繇也○夫聖人之於慶才○不惟側席求思而已○乃復引進以崇
其術業○歷試以發其器○能旌善以重其言○優祿以全其操○歲月積久○登
實並豐○列之於朝○則王室尊○分之於土○則藩鎮重○故詩序太平之君子
能長育人才○書比梓人之理材○既勤樸斲○惟施丹雘○禮著造士○易尚養
賢○蓋以人皆含靈○惟所誘致○如至之在璞○抵擲則瓦石○追琢則圭璋○如
水之發源○壅閑則污泥○疏濬則川流○是以書籍所載○歷代同途○祚屬殷
昌○必時多雋○又運鍾衰季○則朝乏英髦○當在衰季之時○咸謂無人足任

陸宣公奏議

論朝官闕員及刺史等改轉倫序狀一

及其雄才。御寓。淋德。應期。賢能。相送。森若。林會。然則。興王之。良佐。皆是。季代之。棄才。在季。而愚。當興。而智。乃知。季代。非獨。遺賢。而不用。其於。養育。獎勸。之道。亦有所。不至。焉。故曰。人皆。舍靈。惟其。誘致。漢高。稟大。度故。其時。多魁。傑不。羈之。材。漢武。好英。風故。其時。富瓌。詭立。名之士。漢宣。精吏。能故。其時。萃循。良核。實之。能。迨乎。哀平。桓靈。昵比。小人。疎遠。君子。故其。時近。習操。國柄。嬖戚。擅朝。權。是知。人之。才性。與時。升降。好之。則至。獎之。則崇。抑之。則衰。斥之。則絕。此。才消。長之所。繇也。且。每於。中夜。竊自。深。惟。朝之。乏人。其患。有七。不澄。源。而防。末流。一也。不。考實。而務。博訪。二也。求。精太過。三也。嫉。惡大。甚。四也。程。式平方。五也。取。舍違。理。六也。循。故。事。而不。擇。可否。七也。夫。多少。相。懸。非。嘉量。不。平。輕。重相。欺。非。懸衡。不定。

用之。苟不得。其道。則主。者實。病。而權。量無。尤。故。按名。責實。者。選。吏之。權。量也。宰相。者。主。權量。之。用也。宰相。之。主。吏。猶。司。府之。主。財。主。吏。在。序。進。賢。能。主。財。在。平。頒。秩。俸。假。使。用。財。失。節。則。司。之。者。可。以。改。易。而。秩。俸。不。可。以。不。頒。主。吏。平。方。則。宰。之。者。可。以。變。更。而。賢。能。不。可。以。不。進。其。行。甚。易。其。理。甚。明。頃。者。命。官。頗。異。於。是。常。以。除。吏。多。少。準。量。宰。相。重。輕。宰。相。承。寵。私。則。援。引。雖。濫。而。必。進。宰。相。見。疎。忌。則。擬。議。雖。當。而。罕。命。是。使。羣。才。仕。進。之。窮。通。唯。係。輔。臣。恩。澤。之。薄。厚。求。諸。理。道。未。謂。合。宜。夫。與。奪。者。人。主。之。利。權。名。位。者。天。下。之。公。器。不。以。公。器。徇。喜。心。不。以。利。權。肆。忿。志。不。以。寡。妨。衆。不。以。人。廢。官。或。其。阻。執。事。而。擁。羣。才。所。謂。不。澄。源。而。防。末。流。之。患。也。經。曰。無。以。小。謀。亂。大。作。無。以。嬖。人。疾。莊。士。益。務。大。者。不。拘。於。

小累謀小者不達於大猷。譬者或行異於莊。莊者必性殊於譬。理勢相激。宜其不同。進賢援能。諒君子之事。過惡揚善。非小人所能。君子以愛才為心。小人以傷善為利。愛而引之。則近黨。傷而沮之。則似公。近黨則不辨而遽疑。似公則不覆而先信。是以大道每隳於橫議。良才當困於中傷。先士每訾於多繇。於此所謂不考實而務博訪之患也。夫人之器局有圓方大小之殊。官之典司有難易閑劇之別。名稱有虛實之異。課績有升降之差。將使官不失才。才不失序。在乎制法以司契。擇人而秉鈞。制之不得。厥中則其法可更。而其契不可亂也。擇之不當。所任則其人可去。而其秉不可奪也。如或錯雜任靡適從。而但後智以求精。勞神而收弊。則所救愈失。所求愈粗。故書曰。元首明哉。股肱良哉。庶事康哉。元

首業挫哉。股肱隋哉。庶事隳哉。頃之輔臣。鮮克勝任。過蒙容養。苟備職員。致勞睿思。巨細經慮。每有關官。須補或緣。將命藉才。宰司慎擇。上聞必極當時。沙選聖情。未愜復命。別求執奏。既不見從。則又降擇。其次如是。至於再至於三。所選漸高。所得轉下。或斷於獨見。罔徇僉諧。或擢自旁求。不稽公議。權衡失柄。進取多門。等差不倫。聲實相反。此所謂求精太過之患也。臣聞耀乘之珠。不能無類。連城之璧。不能無瑕。矧伊有情。寧免愆吝。仲尼至聖也。猶以五十學易。無大過為言。穎子殆庶也。尚稱不遠而復。無祇悔為美。况爾賢人以降。孰能不有過失哉。珠玉不以瑕類而不珍。髦彥不以過失而不用。故玄元之教曰。常善救人。則無棄人。文宣亦云。赦小過。舉賢才。齊桓不以射鉤而致嫌。故能成九合之功。秦

穆不以一眚而掩德故能復九敗之辱前史敘項羽之所以失天下曰
於人之功無所記於人之過無所遺管仲論鮑叔牙不可屬國曰聞人
之過終身不忘然則稟錄用者霸王之道記過遺才者衰亂之源大
登進以懋庸黜退以懲過二者迭用理如循環進而有過則示懲懲而
改修則復進既不廢法亦無棄人雖纖介必懲而才用不匱故能使黜
退者克勵以求復登進者警飭以恪居上無滯疑下無蓄怨俾人於變
以致時雖陛下英聖統天威莊肅物好善既切記過亦深一抵譴責之
中永居嫌忌之地夫以天下士人皆求官名獲登朝班千百無一其於
修身勵行聚學蒞官非數十年間勢不能致而以一言忤犯一事過差
遂從棄捐沒代不復則人才不能不乏風俗不能不偷此所謂惡太

甚之患也臣聞君子約言小人先言君子之道闇然而日章小人之道
的然而日亡孔子曰始吾於人也聽其言而信其行今吾於人也聽其
言而觀其行又曰舉直錯諸枉則民服舉枉錯諸直則民不服然則舉
錯不可以不審言行不可以不稽訥訥寡言者未必愚喋喋利口者未
必智鄙樸忤逆者未必悖承順愜可者未必忠故明王不以辭盡人不
以意選士凡制爵祿與眾共之先論其材乃授以職所舉必試之以事
所言必考之於成然後苟妄不行而貞實在位矣如或好善而不擇所
用悅言而不驗所行進退隨愛憎之情離合繫異同之趣是絲捨繩墨
而意裁曲直棄權衡而手揣重輕雖甚精微不能無謬此所謂程試乖
方之患也天之生物為用罕兼性有所長必有所短材有所合亦有所

睽曲成則品物不遺求備則觸類皆棄是以巧梓順輪槌之用故枉直
無廢材良御適險易之宜故駑驥無失性物既若此人亦宜然其於行
能固不兼具前志所謂千年一聖五百年一賢者才難不其然乎夫唯
聖人方體全德賢之為目猶有未周且以未周之才彌五百年而有一
造次求備曷繇得人若夫一至之能偏稟之性則中人以上迭有所長
苟區別得宜付授當器各適其性各宣其能及乎合以成功亦與全才
無異但在明鑒大度御之有道而已帝王之盛莫盛唐虞臣佐之盛莫
盛稷禹稷禹之比無非大矣然猶各任所能不務兼備故尚書序堯舜
命官之美自稷禹益以降凡二十二人所命典司不踰一職用能平
九土播百穀敷五教序五刑禮樂興和蠻夷率服洎鳥獸魚鼈亦罔不
寧蓋繇舉得其人任得其所鑒擇付授審之於初不求責於力今之外
不沮撓於局守之內是以事極其理人盡其材君垂拱於上臣濟美於
下功焯當代名施無窮及其失也則升降任情首末異趣使人不量其
器與人不自繇其誠以一言稱愜為能而不核虛實以一事違忤為然而
不考忠邪其稱愜則付任逾涯不思其所不及其違忤則責望過當不
恕其所不能是以職司之內無成功君臣之際無定分此所謂取捨違
理之患也今之議者多曰內外庶官久於其任又曰官無其人則闕之
是皆誦老生之常談而不推時變守舊典之糟粕而不本事情後眩聰
明以撓理化古者人風既樸官號未多但別愚賢匪論資序不責人以
朝夕之效不計事以尺寸之美不以小善而褒升不以一青而罪斥故

虞書三載考績三考黜陟明是則必俟九年方有進退然其所進者或自側微而納於百揆雖久於任復何病哉漢制部刺史秩六百石郡守秩二千石刺史高第者即遷為郡守郡守高第者即入為九卿從九卿即遷為亞相相國是乃從六百石吏而至台輔其間所歷者三四轉耳以在其任亦未失宜近代建官漸多列級逾密今縣邑有七等之異州府有九等之差同謂省郎即有前中後行郎中員外五等之殊並稱諫官則有諫議大夫補闕拾遺三等之別洎諸臺寺率類於斯悉有當資各須循守若依唐虞故事咸以九載為期是宜高位常苦於乏人下僚每差於白首三代為理損益不同豈必樂於變易哉蓋時勢有不得已也至於蘇頲洪水績用靡成猶終九年然後極竄後代設有如蘇之

託者豈復能九年而始行罰乎臣固知其必不能也行罰欲速而進官欲遲以此為稽古之方是猶却行而求及前人也頃者臣因奏書論及內外序遷陛下乃言舊例居官歲月皆久朕外祖魯作秘書少監一任經十餘年董晉將順睿情遂奏云臣於大曆中曾任祠部司勳二郎中各經六考陛下之意頗為宜然以臣蠢愚實有偏見凡徵舊例須辨是非是者不必渝非者不必守况於舊例之內自有舛駁之異哉先聖之功權臣用事其於除授類多徇情有一月屢遷有積年不轉迨至中歲君臣構嫌姑務優游百事凝滯其於選授尤所艱難始以頗僻失平繼以疑阻成否至使彝倫失序庶位多淹是皆可懲曷足為法夫核才取吏有三術焉一曰拔擢以旌其異能二曰黜罷以糾其失職三曰序進

以謹其守常如此則高課者驟升無庸者亟退其餘績非出類守不敗
官則循以常資約以定限故得殊才不滯庶品有倫參酌古今此為中
道而議者暗於通理一槩但曰宜以其任得無誦老生之常談而不推
時變者乎夫列位分官緝熙帝載匪惟應務兼亦養才是以職事雖有
小大閑劇之殊而俱不曠缺者蓋備於時而用耳故記曰天子以騶虞
為節樂官備也唯經邦贊國之任則非有盛德不可以居故記曰設四
輔及三公不必備惟其人議者祿於明徵一槩但曰官無其人則闕得
非守舊典之糟粕而不本事情者乎今內外羣官考深合轉陛下或言
其已有次第須且借留或謂其未著功勞何用數改是乃循默者既以
無聞而不進著課者又有成績而見淹難能或差而沉滯無異人之

從官積小成高至於內列朝行外登郡守其於更歷多已長年孜孜慎
修計日思進而又淹淪考限亟易星霜顧懷生涯能不興嘆殊異登延
之義且垂勸勵之方夫長吏數遷固非理道居官過久亦有弊生何者
殊俗常情樂新厭舊有始卒者其惟聖人降其中才罕能無變其始也
砥勵之心必切其久也因循之意必萌加以盈無不虧張無不死天地
神化且難常全人之所為安得皆當是以分分而度至丈必差銖銖而
稱至鈞必謬蒞職既久寧無怨怒或為姦吏所持或坐深文所糾偶以
一跌盡隕前功至使理行不終能名中缺豈非上失其制而推致以及
於斯乎故聖人愛人之才慮事之弊採其英華而使之當其暢茂而獎
之不滯人於已成之功不致人於必敗之地是以銳不挫而力不匱官

有業而事有終。此理之中庸。故書以為法。遷轉甚速。則人心苟而織業不固。甚遲。則人心怠而事守浸衰。然則甚速與甚遲。其弊一也。陛下俯徇浮議。謂協典謨。久次當進者。既曰務欲且留。缺員須補者。復曰官不必備。則才彥何繇進。益理化訖。與交修。此所謂循故事而不擇可否之患也。伏惟陛下憂勤務理。夢想思賢。體陶唐有虞聰明之德。以敷求法請法天后而不以人廢之意。太宗天后英邁之風。以扶權然而得人之盛。尚愧前朝。底入之功。未光當代。良以七患未去。三術未行。而又睿察太深。宸嚴太峻。常人才器。曷副天心。故雖獲超升。亦驟從黜廢。人物殘瘁。抑斯之繇。而議者莫究致之端。但思革弊之策。反以廣於進用。為情故。以梗於除授。為精詳。以為奉公之誠。以摘瑕為選士之要。乃至稱毀紛揉。美惡混并。凡有

遷升。必遭掎摭。聖德廣納。不時發明。小人多言。益啟陰詐。以是眩惑目無全人。進用之意。轉疑汲引之途。漸隘舊齒。既凋。敗幾盡。下位或滯淹罕升。故令官序失倫。人才不長。資望漸薄。砥礪浸微。高卑等衰。殆不相續。臣以竊位屬當序才。懼曠庶官。亟黷宸扆。昧識不足。以罔物。微誠不足以動天。徒勤進善之心。轉積妨賢之罪。慙惶交慮。焚灼盈懷。凡除吏者。非謗刺之所生。必怨咎之所聚。宰臣獲戾。多起於茲。屢屢上干。何所為利。但以待罪釣轄。職思其憂。兼迫於感恩。願効之誠。不得不冒昧言之耳。其於裁擇用捨。惟陛下圖之。
用人即所以養材。此意非子家名法所及。葛端調

論朝官闕員及刺史寺改轉倫序狀八

○○○論裴延齡姦蠹書

陸贄

臣聞君子小人用捨不竝。國家否泰常必繇之。君子道長，小人道消。於是上下不交，而萬物不通。此所以為否也。夫小人於蔽明害理，如自之有昧耳。之有克，嘉穀之有蟲，梁木之有蠹也。昧離婁之目，則天地四方之位不分矣。充子野之耳，則雷霆蠅虻之聲莫辨矣。雖后稷之穡禾，易長畝而蟲傷其本，則零瘁而不殖矣。雖公輸之巧臺成九層，而蠹空其中，則圯折而不支矣。是以古先聖哲之立言垂訓，必殷勤切至，以小人為戒者，豈將有意讐而沮之哉。誠以其蔽主之明，害時之理，致禍之源，博傷善之釁，深所以有國有家者，不得不去耳。其在周易，則曰：大君有命，開國承

論裴延齡姦蠹書一

家小人勿用、必亂邦也。在尚書則曰除惡務本、去邪勿疑。在毛詩則曰無縱詭隨、以謹無良。曾、是、培、克、欽、怨、以、為、德、盜、言、孔、甘、亂、是、用、餽、詭、人、罔、極、交、亂、四、國、在、論、語、則、曰、惡、利、口、之、覆、邦、家、者、在、春、秋、則、曰、聚、欽、積、實、不、知、紀、極、毀、信、廢、忠、崇、飾、惡、言、靖、譖、庸、回、服、諛、蒐、慝、天、下、之、人、謂、之、四、凶、在、禮、記、則、曰、小、人、行、險、以、徼、倖、長、國、家、而、務、財、用、者、必、自、小、人、矣、小、人、使、為、國、家、而、灾、害、並、至、雖、有、善、人、無、如、之、何、臣、頃、因、讀、書、常、憤、此、類、不、圖、聖、代、目、覩、斯、人、戶、部、侍、郎、裴、延、齡、者、其、性、邪、其、行、險、其、口、利、其、志、凶、其、矯、妄、不、疑、其、敗、亂、無、恥、以、聚、欽、為、長、策、以、詭、妄、為、嘉、謀、以、培、克、欽、怨、為、匪、躬、以、靖、譖、服、諛、為、盡、節、總、典、籍、之、所、惡、以、為、智、術、冒、聖、推、上、所、戒、以、為、行、能、可、謂、堯、代、之、共、工、魯、邦、之、少、卯、伏、惟、陛、下、協、放、勳、文、

之、德、而、鑒、其、方、鳩、僞、功、體、仲、尼、天、縱、之、明、而、辨、其、順、非、怪、偽、則、天、討、斯、得、聖、化、允、孚、小、往、大、來、孰、不、欣、幸、跡、其、姦、蠹、日、長、月、滋、陰、祕、者、固、未、盡、彰、敗、露、者、猶、難、悉、數、今、請、粗、舉、數、事、用、明、欺、罔、大、端、悉、非、隱、微、皆、可、覆、驗、陛、下、若、意、其、負、謫、則、誠、宜、亟、為、辨、明、陛、下、若、知、其、無、良、又、安、可、曲、加、容、掩、顧、擇、左、右、親、信、兼、與、舉、明、公、卿、據、臣、所、言、閱、實、其、事、倘、延、齡、罪、惡、無、狀、即、臣、之、奏、議、是、誣、空、中、典、刑、以、制、虛、妄、俾、四、海、法、朝、廷、之、理、地、人、戴、陛、下、之、明、得、失、之、間、其、體、甚、大、不、當、復、有、疑、慮、使、辨、之、不、蚤、以、竟、失、天、下、之、望、也、前、歲、秋、首、班、宏、喪、亡、特、詔、延、齡、繼、司、邦、賦、數、月、之、內、遽、銜、功、能、奏、稱、勾、獲、隱、欺、計、錢、二、十、萬、貫、請、貯、別、庫、以、為、羨、財、供、御、所、須、永、無、匱、乏、陛、下、欣、然、信、納、因、謂、委、任、得、人、既、賴、贏、餘、之、資、稍、弭、心、意、之、欲

興作浸廣、宣索漸多、延齡務實前言、且希睿旨、不敢告闕、不敢辭難、勾獲既、是虛言、無以應命、供辦皆承嚴約、苟在及期、遂乃搜求市鄽、豪奪入獻、追捕夫匠、迫脅就功、以救索為名、而不酬其直、以和雇為稱、而不償其庸、都城之中、列肆為之晝閉、興後之所、百工比於幽囚、聚詛連羣、遮訴盈路、持綱者莫敢致詰、巡察者莫敢為言、時有致詰為言、讒謂黨邪、醜直、天子穀下、置犛沸騰、四方觀瞻、何所取則、蕩心於上、歛怨於人、欺天陷君、遠邇危懼、此其罪之大者也、總制邦用、度支是司、出納貨財、太府攸職、凡是太府出納、皆稟度支支符、太府依符以奉行、度支憑按以勘覆、互相關鍵、用絕姦欺、其出納之數、則每旬申聞、其見在之數、則每月計奏、皆經度支勾覆、又有御史監臨、旬旬相承、日月相總、明若指

掌、端如貫珠、財貨少多、無容隱漏、延齡務行邪諂、公肆誣欺、遂奏云左藏庫司多有失落、近因檢閱使置簿書、乃於糞土之中、收得銀十三萬兩、其匹段雜貨百萬有餘、皆文帳脫遺、並同已棄之物、今所收穫、即是羨餘、悉合移入雜庫、以供敕支用者、其時特宣進上、悉依所奏施行、太府卿韋少華抗表上陳、殊不引伏、確稱每月申奏、皆是見在數中、請令推尋、足驗姦計、兩司既相論執、理須辨鞠、是非臣等具以奏聞、請定三司詳覆、若左藏庫遺漏不謬、隱匿固合抵刑、如度支舉奏是虛、誣誑亦空得罪、陛下既不許差、三司按問、又不令檢奏、辨明度支言太府隱漏至多、而少華所任如舊、太府論度支姦欺、頗甚、而延齡見信不渝、枉直兩存、汰度都弛、以在庫之物為收穫之功、以常賦之財為羨餘之費、固

上無畏。示人不慚。此又罪之大者也。國之府庫。用實貨財。物合入官。則納於其內。事合給用。則出乎其中。所納無非法之財。所出無不道之用。坦然明白。何曲何私。而延齡陰猾。售姦詭譎。求媚遂於左藏之內。分建六庫之名。意在別貯贏餘。以奉人主私欲。曾不知王者之體。天下為家。國不足則取之於人。人不足乃資之於國。在國為官物。在人為私財。何謂贏餘。復須別貯。是必巧詐以變移官物。暴法以刻歛私財。捨此二途。其將焉取。陛下務崇信。不加核裁。延齡既怙寵私。益殖放肆。遂錄積久逋欠。妄云察獲姦賊。總計緝錢八百餘萬。聽其言則利益雖大。考其事則虛誕自彰。或是水火漂焚。或緣旱澇傷敗。或因兵亂散失。或遭寇賊欺歛。或准法免徵。或經恩合放。或人戶逃逸。無處追尋。或網典拘囚。

不辦填納。或沒入店宅。歲久摧殘。或收獲舟船。年深破壞。類皆如此。難以彈論。在人者。並無可科徵。屬官者。悉不任貨賣。但存名額。虛掛簿書。大抵錢穀之司。皆恥財物減少。所以相承積累。不肯滌除。每當計奏之時。常克應在之數。延齡苟稱察獲。遂請徵收。恢張利門。誘動天聽。貽誚侮於方岳。賈愁怨於丞黎。於茲累年。一無所得。其為疎妄。亦曰殆哉。陛下姑欲保持。曾無詰問。延齡謂能蔽惑。不復懼思。姦威既沮於四方。儉態復行於內府。繇是蹂躪官屬。傾倒貨財。移東就西。便為課績。取此適彼。遂號羨餘。愚弄朝廷。有同兒戲。諸州輸送布帛。度支不務準平。抑置市人。賤通估價。計其所折。即更不徵。重困疲氓。展轉流弊。既彰忍害。且示不誠。及其支送邊州。用克和糴。則於本價之外。例增一倍有餘。布帛

論裴延齡姦姦書四

不殊。賈賤有異。剥徵罔下。既以折估為名。抑配傷人。又以出估為利。事
宜矛盾。文駭物情。窮邊穡夫。痛憤切於骨髓。下土編戶。冤叫徹於蒼昊。
而延齡以冒取折估為公忠。苟得出估為賸利。所謂失人心而聚財賄。
亦何異割支體以徇口腹哉。殊不悟支體分披。口安能食。人心離折。財
豈能存。此又罪之大者也。平原遠鎮。扼制蕃戎。五原要衝。控帶靈夏。葵
夷榛藪。翦逐豺狼。崎嶇繕完。功力纒畢。地猶曷絕。勢頗孤危。新集之兵。
志猶未固。尤資瞻恤。俾漸安居。願救度支。令貯軍食。當使平涼有一年
之蓄。鹽州積半年之儲。循環轉輸。不得闕數。近者二鎮告急。俱稱絕糧。
陛下召延齡令赴中書。遣希顏宣旨質問。延齡確言饋餉不絕。儲蓄殊
多。歲內以來。必無闕乏。希顏懼其推互。邀令草狀自陳。狀亦如言。畧無

疑畏。陛下覽其所奏。翻謂軍吏不誠。遂遣中官馳往簡覆。道路無轉運
之跡。軍城無旬日之儲。將卒嗷嗷。幾將不守。有如是之顛沛。有如是之
欺謾。按驗既明。恩勞靡替。其為蠱媚曠代罕聞。此又罪之大者也。國之
憲度。會府是司。位列諸郎。猶應衣象。任居六事。實代天工。內總轄於庶
官。外敷化於列郡。舉措繫生靈之命。得失關理亂之源。為人執儀。安可
容易。未有大官弛縱。而能使群吏服從。朝典凌遲。而欲禁天下暴慢。是
以天寶將季。揚國忠為吏部尚書。亟於私庭。詮集選士。果令逆孺得以
為詞。史策書之。足為國恥。而延齡放情亂紀。又甚國忠。懈於風興。多闕
會朝之禮。徇其鄙欲。大隳省署之儀。徙曹郎於里閭。視公事於私第。盡
室飲官廚之膳。填街持簿領之書。復有諸部參詞。四方申請。決遣資其

判署去就俟其指揮延齡或聚客大誇不令白事或縱酒憑怒莫敢入
言至有迫切而來逾旬未省輸納之後累月不歸資糧罄於滯淹筋力
困於朝集晨趨夕散十百為羣里中喧闐常若闐闐欄卷列屠沽之肆
邑居成逆旅之津離次慢官虐人戮法求之今古鮮有其倫此又罪之
大者也總領財賦號為殷繁自非識究變通智權輕重大不失體細能
折微濟之以均平蒞之以勤肅近無滯事遠無壅情網條之下無亂繩
鑒照之內無隱匿然後人不困而公用足威不厲而嘉吏懲苟或未能
則非稱職况延齡以素所僻戾之質而加之以狂恣滿盈既惜且驕事
何款理遂以國家大計委於胥吏未流當給者無賄而不支應徵者受
賕而縱免紀綱大壞貨賂公行尚操利權實竊邦柄近者度支小吏屢

為府縣所繩鞠其姦賊無不狼籍通結動連於節將交私匪止於苞苴
威福潛移乃至於是職司失序固亦可知此又罪之大者也風教之大
禮讓為先禮讓之行朝廷為首朝廷者萬方之所宗仰羣士之所楷模
觀而幼焉必有甚者是以朝廷好禮則俗尚敬恭朝廷尊讓則時恥貪
競朝廷有失容之慢則凌暴之弊播於人朝廷有動色之爭則攻闕之
禍流於下聖王知其然也故選建賢德以為公卿使人具瞻不諭而化
昔周之方威多士盈朝時靡有爭用能俾又故其詩曰慎爾出話敬爾
威儀無不柔嘉又曰有來雍雍至止肅肅相維辟公天子穆穆言羣臣
相與事上敬而能和言語動作靡有不善也周德既衰小人存位務相
侵侮以至危亡故其詩曰方懋爾惡相爾矛矣又曰既之陰汝及予來

赫又曰諛曰不可覆背善言小人得志惡怒是憑肆其偏心以相詬
 病也陛下勤修儀式以靖四方慎選廢官以貞百度內選則股肱耳目
 外選則垣翰藩維濟濟師師咸欽至化庶相感率馴致太和而度支憑
 寵作威持權縱暴侵削軍鎮以奸人攝權故也匱闕資糧將帥每使申論延齡率加毀訾
 或指誣隱盜或謗許陰私或數其出處賤微或億其心志邪悖詞皆醜
 媿事悉加諸匹夫見凌猶或生患况將帥素加委遇多著勲庸縱有喻
 分取求但宜執理裁處苟當其所孰敢不從豈可對彼偏裨恣行侵辱
 使其慚靦於麾下憤恥於朝廷惟口起羞諒非細故為國聚釁實絲斯
 人而人害群司幸其闕敗蔑彼彝典遲於克懷氣吞等夷隸當御史
 雖有履道而不為屈撓守官而莫肯繇從遭其訶事則尤劇或辱兼

祖父或毀及家門皆名教所不忍聞序述所不堪紀其為構陷抑復多
 端故示亮威使人懾憚人之狂險乃至於斯上虧大猷下扇妖俗為無
 禮義之府蠹汚清明之朝此又罪之大者也度支舊管牛廬二千餘頭
 車八百餘乘循環載負供饋邊軍既有番遞之倫又無科配之擾延齡
 苟逞近効不務遠圖廢其緝修減其芻秣車破畜耗略無子遺每須載
 運軍資則令府縣差雇或有卒承別旨須赴但期遂於街市之間虜奪
 公私雜畜披猖頗甚費損尤多吏因生姦人不堪命所裁者則奏以為
 利所費者則隱而不論破實狗虛多如此類度支應給宮省錢諸司使
 芻藁薪灰等除稅草之外餘並市供所用既多恒須貯備舊例每至秋
 獲之後冬收之時散開諸場逐便和市免廢高價復資貪人公私之間

頗謂兼濟。延齡悉隳舊制。但儲姦情。旋計芻薪。賈錢以為節減。利利及
乎春夏之際。藁結已畢。霖潦之中。樵蘇不繼。軍廩輟。堊官厨待。然告闕
頻煩。於聖聰。徵催絡繹。於省署。崎嶇求買。何暇計量。糜損官錢。不啻累
倍。聯蹇狼狽。率以為常。以則睿鑒之所明知。物情之所深駭。事之舛繆。
觸緒皆然。臣愚以謂若斯之汰。不過歲費國家百萬緡錢。及事體非宜。
耳。其為罪惡。未足傾危。事之可憂。不在於此。是以不復詳舉。以煩聽覽。
也。至如矯詭之態。誣罔之詞。遇事輒行。應口便發。靡日不有。靡時不為。
自非狀跡尤彰。足致其禍者。又難以備陳也。延齡有詐偽亂邦之罪七。
而重之以耗斲闕遺。愚智共知。士庶同憤。以陛下英明鑒照。物無遁情。
固非延齡所能蔽虧。而莫之辨也。或者聖旨以其甚。招嫉怨而罪之。

貞可託腹心。以其好進。詭諛而謂之盡誠。可寄耳目。以其縱暴。無畏而
謂之強直。可肅姦欺。以其大言不疑。而謂之智能。可富財用。將欲敗眾
議。而收其獨行。假殊寵而冀其大成。倘陛下誠有意乎在茲。臣竊以為
過矣。夫君天下者。必以天下之心為心。而不私其心。以天下之耳目為
耳目。而不私其耳目。故能浸天下之志。盡天下之情。夫以天下之心為
心。則我之好惡。乃天下之好惡也。是以惡者無繆。好者不邪。安在私托
腹心。以售其側媚也。以天下之耳目為耳目。則天下之聰明。皆我之聰
明也。是以明無不鑒。聰無不聞。安在偏寄耳目。以招其蔽惑也。夫布腹
心。而用耳目。舜與紂俱用之矣。舜之意務求已之過。以與天下同欲。而
無所偏私。繇是天下臣庶。莫不歸心。忠諫既聞。玄德逾邁。故虞書云。臣

作朕股肱耳目又云明四目達四聰言廣大也紂之意務求人之過以與天下違欲而溺於偏私繇是天下臣庶莫不離心險詖既行昏德彌熾故商書云崇信姦回大雅云流言以對寇攘式內言邪僻也與天下同欲者謂之聖帝與天下違欲者謂之獨夫其所以布腹心而任耳目之意不殊然於美惡成敗若此相遠豈不以求過之情有異任人之道不同哉太宗嘗問侍臣何者為明君何者為暗主魏徵對曰君之所以明者兼聽也其所以暗者偏信也又曰秦之胡亥偏信趙高肆其姦欺卒至顛覆徵之此說理致甚明簡冊備書足為鑒戒趙高指鹿為馬愚美厥君歷代流傳莫不痛憤陛下每覽前史詳考興亡固亦切齒於斯人傷心於其主臣謂庶之與馬物類猶同豈若延齡掩有而為無指無

而為有陛下若不以時省察得無使後代嗟誦又甚趙高者乎斯愚臣所以焦慮疚懷以陛下為過者良有所切也夫理天下者以義為本以利為末以人為本以財為末註疏所不及夫理天下者以義為本及今德義立而利用不豐人庶安而財貨不給因以喪邦失位者未之有也故曰不患寡而患不均不患貧而患不安有德必有人有人必有土有土必有財百姓足君孰與不足蓋謂此也自古及今德義不立而利用克克人庶不安而財貨可保因以興邦固位亦未之有也故曰財散則人聚財聚則人散與其有聚歛之臣寧有盜臣無令侵削地廣以為天子取怨於下其有若此者行罰無赦蓋為此也殷紂以貪冒失人而亡周武以散發得人而昌則紂之多藏適所以為害已者之資耳尚

何賴於財賄哉。太宗亦云：務蓄積而不卹人，甚非國家之計。隋氏不道，聚歛無厭，所實洛口諸倉，卒為李密所利。此則前代已行之明效。聖祖垂裕之格言，是而不懲，何以為理。陛下初膺寶曆，志翦羣兇，師旅繁興，征求寢廣，推負侵剝，下無聊生。是以涇原叛後，乘人怨咨，白晝犯關，都邑眈庶，恬然不驚。反與賊衆相從，比肩而入宮殿。雖蚩蚩之性，靡所不為。然亦絲德澤未浹於人，而暴令驅迫，以至於此。是也。於時內府之積，尚如丘山，竟資兇渠，以餌貪卒。此時陛下躬睹之矣。是乃失人而聚貨，夫何利之有。焉。車駕既幸奉天，逆泚旋肆圍逼，一壘之內，萬衆所屯，窘如涸流，庶物空匱，嘗欲發一健步，出視賊軍，其人懇以苦寒為辭，跪奏乞一襦袴。陛下為之求覓，不致竟憫，默而遣之。又嘗宮壺之中，服用有闕，

聖旨方以戎事為急，不忍重煩於人，乃剝親王飾帶之金，賣以給直。是時送行將吏，赴難師徒，蒼黃奔馳，咸未冬服，漸屬疑互，且無薪爇，飢凍內攻，矢石外迫。晝則荷戈奮迅，夜則映堞呻吟。凌風飈，冒霜霰，踰四旬而衆無携貳，卒能走强賊。全危城者，陛下豈有嚴刑重賞使之然耶。唯以不厚其身，不歲其貲，與衆庶同其憂患，與士伍共其有無，乃能使捐軀命而杆寇讐，餒之不離凍之憾，臨危而不易其守，見死而不去其君。所謂聖人感人心，而天下和平，此其效也。及乎重圍既解，諸道稍通，賦稅漸臻，貢獻繼至。乃於行宮外廡之下，復列瓊林大盈之司，未賞功勞，遽私賄玩，甚沮惟新之望。頗携死義之心，於是輿誦興譏，而軍士始怨矣。財聚人散，不其然歟。旋屬蠱賊內攻，翠華南狩，奉天所積財貨，悉

復○穢○於○亂○軍○既○遷○岷○梁○日○不○暇○給○獨○憑○大○順○遂○復○皇○都○是○知○天○子○者○以○
得○人○為○資○以○蓄○義○為○富○人○苟○歸○附○何○患○蔑○資○義○苟○修○崇○何○憂○不○富○豈○在○
貯○之○內○府○方○為○已○有○哉○故○藏○於○天○子○者○天○子○之○富○也○藏○於○境○內○者○諸○侯○
之○富○也○藏○於○困○倉○篋○匱○者○農○夫○商○賈○之○富○也○奈○何○以○天○子○之○貴○海○內○之○
富○而○猥○行○諸○侯○之○棄○德○感○守○農○商○之○鄙○業○哉○陛○下○若○謂○厚○取○可○以○恢○武○
功○則○建○中○之○取○既○無○成○矣○若○謂○多○積○可○以○為○已○有○則○建○中○之○積○又○不○在○
矣○若○謂○狗○欲○不○足○傷○理○化○則○建○中○之○失○傷○已○甚○矣○若○謂○歛○怨○不○足○致○危○
凶○則○建○中○之○亂○危○亦○至○矣○然○而○遽○能○靖○滔○天○之○禍○成○中○興○之○功○者○良○以○
陛○下○有○側○身○修○勵○之○志○有○罪○已○悔○懼○之○詞○罷○息○誅○求○啟○尚○節○儉○渙○發○大○
號○與○人○更○新○故○靈○祇○嘉○陛○下○之○誠○臣○庶○感○陛○下○之○意○釋○憾○迴○慮○化○危○為○

安○陛○下○亦○當○為○宗○廟○社○稷○建○不○傾○不○拔○之○永○圖○為○子○孫○黎○元○垂○可○久○可○
大○之○休○業○懲○前○事○狗○欲○之○失○復○日○新○盛○德○之○言○豈○更○縱○儉○邪○復○行○刻○暴○
事○之○追○悔○其○可○再○乎○臣○又○竊○慮○陛○下○納○彼○盜○言○隨○其○姦○計○以○為○博○噬○擊○
攫○怨○集○有○司○積○聚○豐○盈○利○歸○君○上○是○又○大○繆○所○宜○謹○思○夫○人○主○昏○明○繫○
於○所○任○任○絲○夔○契○之○道○長○而○虞○舜○享○濬○哲○之○名○皇○甫○聚○楛○之○孽○行○而○周○
厲○嬰○顛○覆○之○禍○自○古○何○嘗○有○小○人○柄○用○而○灾○禍○不○及○邦○國○者○乎○辟○猶○椽○
兵○以○刃○人○天○下○不○委○罪○於○兵○而○委○罪○於○所○操○之○主○蓄○蠱○以○殃○物○天○下○不○
歸○咎○於○蠱○而○歸○咎○於○所○蓄○之○家○理○有○必○然○不○可○不○察○臣○又○竊○慮○陛○下○以○
延○齡○之○進○獨○出○聖○哀○延○齡○之○言○多○順○宸○旨○今○若○以○罪○寘○辟○則○似○為○衆○所○
擠○故○欲○保○持○用○彰○堅○斷○若○然○者○陛○下○與○人○終○始○之○意○則○善○矣○其○於○改○過○

論裴延齡姦書十一

不吝去邪勿疑之道或。未盡善焉。夫人之難知。著自淳古。試可乃已。載於典謨。陛下意其賢而任之。知其惡而棄之。此理之常。於何不可。倘陛下猶未知惡。但疑見擠。固有象恭挾詐之人。亦有黨邪害直之士。所資考覈。兩絕欺誣。陛下以延齡為能。愚臣以延齡為罪。能必有跡。罪必有端。陛下何不明指其所效之能。以表忠賢。按驗其所論之罪。以攷虛實。與眾同辨。□□□若。能跡有實。而罪端無據。則是黨邪害直之驗也。陛下當繩其傷善。以勵事君。罪端有徵。而能跡無實。是則象恭挾詐之驗也。陛下當糾其包禍。以戒亂邪。如此則上之於下。釋嫌構之疑。下之於上。絕偏惑之議。使必忠邪莫辨。枉直莫分。薰蕕同歲。其與終勝。此則小人道長之象也。實時運否。泰安危之所係。豈但有虧聖德。不利善人而已乎。陛下若以必與已同者為忠良。自我作者無改變。如此則上之所欲。莫不諂上之所失。莫不從。水火相濟。不為非。金孺相須。不為是。恥道作非。不足刑。舍已從人。不足稱。惟意是行。則匡輔或幾乎息矣。匡輔息。則理不可致。孔子所謂一言喪邦者。在於予之言。而莫予違也。事闕興亡。固不可忽。希旨順默。浸已成風。獎之使言。猶懼不既。若又沮抑。誰當貢誠。伏恐未亮斯言。請以一事為證。只如延齡凶妄流布。寰區上自公卿近臣。下逮輿臺賤品。誼譁談議。億萬為徒。能以上言。其人有幾。陛下誠令親信。博採輿詞。參校比來所聞。足鑒人間情偽。臣以卑鄙任當台衡。既極崇高。又承渥澤。豈不知觀時附會。足保舊恩。隨眾沉浮。免貽厚責。謝病黜退。獲知幾之名。黨姦苟容。無見嫉之患。何急自苦。獨當豺

論裴延齡姦毒書十二

狼上違懼情下餌讒口良繇內顧庸昧一無所堪夙蒙眷知唯在誠直
網繆帳宸一紀於茲聖慈既以此見容愚臣亦以此自負從陛下歷播
遷之艱跪觀陛下致興復之艱難至今追思猶為心悸所以畏覆車而
駭懼慮燬室而悲鳴蓋情激於衷雖欲罷而不能自默也因事陳執雖
已頻煩天聽尚高未垂諒察輒申悃款以極愚誠憂深故語煩懇迫故
詞切以微臣自固之謀則過為陛下慮患之計則忠糜軀奉君非所敢
避沽名術直亦不忍為願迴睿聰為國熟慮社稷是賴豈惟激臣不睦
荷恩報德之誠

帝得奏不悅乃罷公宰相竟至斥逐嗚呼唐運之不復也宜矣
萬端
調

陸贄

○條請兩稅以布帛為額不計錢數
夫國家之制賦稅也必先導以厚生之業而後取其什一焉其所取也
量人之力任土之宜非力之所出則不征非土之所有則不貢謂之通
法歷代常行大凡生於天地之間而五材之用為急五材者金木水火
土也水火不資於作為金木自產於山澤唯土爰播植非力不成衣食
之源皆出於此故可以免人功而定賦入者唯布麻繒纊與百穀焉先
王懼物之貴賤失平而人之交易難准又立貨泉之法以節輕重之宜
歛散弛張必繇於是蓋御財之大柄為國之利權守之在官不以任下
然則穀帛者人之所為也錢貨者官之所為也人之所為者故租稅取
焉官之所為者故賦歛捨焉此又事理著明者也是以國朝著令稽古

條請兩稅以布帛為額不計錢數一

作程所取於人。不踰其分。租出穀。庸出絹。調雜出緇。布麻。非此族也。不在賦法。列聖遺典。粲然可徵。曷嘗有禁人鑄錢。而以錢為賦者也。今之兩稅。獨異舊章。違任土之通方。効莫繚之末法。不稽事理。不揆人功。但估資產為差。便以錢穀定稅。臨時折徵雜物。每歲色目頗殊。唯計求得之利宜。靡論供辦之難易。所徵非所業。所業非所徵。遂成增價以買其所無。減價以買其所有一。增一減耗。損已多。且有。營惟在耕織。人力之作為有限。物價之貴賤無常。而乃定稅計錢。折錢納物。是將有限之產。以奉無常之輸。納物賤則供稅之所出漸多。多則人力不給。納物貴則收稅之所入漸少。少則國用不克。公私二途。常不兼濟。以此為法。未之前聞。注者初定兩稅之時。百姓納稅一疋。折錢二千二百文。

大率萬錢為絹三疋。價雖稍貴。數則不多。及乎頒給軍裝。計數而不計價。此所謂稅入少而國用不充者也。近者百姓納絹一疋。折錢一千五百百文。大率萬錢為絹六疋。價既轉賤。數則漸加。向之蠶織不殊。而所輸尚欲過倍。此所謂供給多而人力不給者也。今欲不甚改法而粗救灾患者。在乎納循典制。而以時變損益之。臣謂宜令所司勘會諸州府。初兩稅年。絹布定估。比類當今時價。加賤減貴。酌取其中。總計合稅之錢。折為布帛之數。仍依庸調舊制。各隨鄉土所宜。其州其年。定出稅布若干端。其州其年。定出稅絹若干疋。其有純綿雜貨。亦隨所出定名。勿更計錢。以為稅數。如此則土有常制。人有常輸。衆皆知上令之不遷於是一。其心而專其業。應出布麻者。則務於紡績。供綿絹者。則事於蠶桑。

日作月營自然便習各修家技皆足供官無求人假手之勞無賤鬻貴買之費無暴徵急辦之弊無易常改求之煩物甚賤而人之所出不加物甚貴而官之所入不減是以家給而國足事均而法行此直稍循令與之舊規固非創制之可疑者也然蚩蚩之俗罕究事情好騁異端妄行沮議臣請假為問答以備討論陛下誠有意乎憐愍蒼生將務救恤但垂聽覽必有可行議者若曰每歲經費所資大抵皆約錢數若今以布帛為額是令支計無憑答曰國初約法已來常賦率絳布帛絹二甲子制用不愆何獨當今則難支計且經費之大其派有三軍食一也軍不二也內外官月俸及諸色資課三也軍衣固在於布帛軍食又取於祖其錢為數者獨月俸資課而已制祿惟不計錢故三代以食人衆寡為差兩漢以後數多少為秩蓋以錢者官府之權貨祿者吏屬之常資以常狗權則豐約之度不得恒於家以權為常則輕重之柄不得專於國故先王制祿以食而平貨以錢然後國有權而家有節矣况今餽餉方廣倉儲未豐盡復古規或慮不足若但據羣官月俸之等隨白役資課之資各依錢數少多折為布帛定數其官月給俸絹若干疋其役月給資布若干端所給色日精粗有司明立條例便為恆制更不計錢物甚賤而官之所給不加物甚貴而私之所稟不減官私有准何利如之生人大端衣食為切有職田以供食有俸絹以供衣從事之家固足自給以茲制事誰曰不然夫然則國之用財多是布帛定以為賦復何所傷議者若曰吏祿軍裝雖頒布粟至於以時歛糶用權物價重輕是

陸宣公奏議

必須錢於何取給。答曰：古之聖人，所以取山澤之蘊材，作泉布之寶貨，國專其利而不與人共之者，蓋為此也。物賤繇乎錢少，少則重，重則加鑄而散之，使輕。物貴繇乎錢多，多則輕，輕則作法而斂之，使重。是乃物之貴賤，係於錢之多少。錢之多少，在於官之盈縮。官失其守，反求於人，人不得鑄錢而限令供稅，是使貧者破產而假資於富有之室。富有者蓄貨而竊行於輕重之權，下困齊人，上虧利柄，今之所病，諒在於斯。誠宜廣即山道貨之功，峻用銅為器之禁，苟制持得所，則錢不乏矣。有糶鹽以入其直，有榷酒以納其資，苟消息合宜，則不可收矣。錢可收，固可以歛，輕為重，錢不乏，固可以散，重為輕，弛張在官，何所不可。慮無所給，是未知方議者，若曰：自定兩稅以來，恒使計錢納物，物價漸賤，所納漸

出給之時，又增虛估，廣求羨利，以贍庫錢。歲計月支，猶患不足。今若定供布帛出納，以平軍國之資，無乃有關。答曰：自天寶以後，師旅數起，法度消亡，肅宗撥滔天之災，而急於功賞，先帝邁含垢之德，而緩於糾繩。繇是用頗殷繁，俗亦靡弊，公賦已重，別獻總興，別獻既行，私賂競長，誅求刻剝，日長月滋，積累以至於大曆之間，所謂取之極甚者也。今既總收極盛之數，定為兩稅矣，所是別獻之類，復在數外矣。開緣軍用不給，已嘗加徵矣，近屬折納價錢，則又多獲矣。比於大曆極甚之數，殆將再益其倍焉。復幸年穀屢豐，兵車少息，而用常不足，其故何哉。蓋以事逐情生，費從事，廣物有剩，而用無節，夫安得不乏乎。苟能黜其情，約其用，非但可以布帛為稅，雖更減其稅，亦可也。苟務逞其情，侈其用，非但行

今重稅之不足。雖更如其稅亦不足也。夫地力之生物有大數。人力之成物有大限。取之有度。用之有節。則常足。取之無度。用之無節。則常不足。生物之豐。敗繇天。用物之多少。繇人。是以先王立程。量入為出。雖遇災難。下無困窮。理化既衰。則乃反是。量出為入。不恤所無。故魯哀公問年饑。用不足。如之何。有若對以盍徹。桀用天下而不足。湯用七十里而有餘。是乃用之盈虛。在於節與不節耳。不節則雖盈必竭。能節則雖虛必盈。衛文公承滅國之餘。建新徙之業。革車不過三十乘。豈不甚殆哉。而能衣大布冠大帛。約已率下。通商務農。卒以富強。凡稱載籍。漢文帝接秦項積久傷夷之弊。繼高呂革創多事之時。家國虛殘。日不暇給。而能躬儉節用。靜事息人。服七綈履。革烏却駿馬。而不御。罷露臺而不修。

屢賜田租。以厚蒸庶。遂使戶口蕃息。百物阜殷。乃至鄉曲宴遊。乘牝犗者。不得到會。子孫生長。或有積數十歲。不識市鄽。御府之錢。貫朽而不可較。太倉之粟。紅腐而不可食。國富於上。人安於下。生享遐福。沒垂令名。人到於今。稱其仁賢。可謂盛矣。太宗文皇帝收合叛蕩。再造寰區。武德年中。革車屢動。繼以災歎。人多流離。貞觀之初。薦厲霜旱。自關輔綿及三河之地。米價騰貴。斗易一縑。道路之間。餓殍相藉。太宗行儉約。撫養困窮。視人如傷。勞徠不倦。百姓有鬻男女者。出御府金帛贖還。其家嚴禁貪殘。慎節徭賦。弛不急之用。省無事之官。黜損乘輿。斥出宮女。太宗嘗有氣疾。百官以大內卑濕。請營一閣。以居。尚憚煩勞。竟不之許。是以至誠上感。淳化下敷。四方太和。百穀連稔。貞觀八年以後。斗米四

五錢俗阜化行人知義遜行旅萬里或不齎糧故人到於今談帝王之盛則必先太宗之聖功論理道之崇則必慕貞觀之故事此三君者其經始豈不艱窘哉皆以畜用愛人竟獲豐福是所謂能節雖虛必盈之效也秦始皇據嶠函之固藉雄富之業專力農戰廣收材豪故能芟滅暴强宰制天下功成志滿自謂有泰山之安貪欲熾然以為六合莫予違也於是發閭左之戍徵太半之賦進諫者謂之宣謫恤隱者謂之收恩故徵發未終而宗社已泯漢武帝遇時運理平之會承文景勤儉之積內廣興作外張甲兵侈汰無窮遂至殫竭大搜財貨莫及舟車遠近騷然幾至顛覆賴武帝英姿大度付任以能納諫無疑改過不吝下哀痛之詔罷征伐之勞封丞相為富民侯以示休息邦本搖而復定帝祚

危而再安隋氏因周室平齊之資府庫充實開皇之際理尚廉平是時公私豐饒議者以比漢之文景煬帝嗣位肆行驕奢竭耗生靈不知止息海內怨叛以至於此三君者其所蘊藉豈不豐厚哉此皆以縱欲殘人竟致感喪是所謂不節則雖盈必竭之劫也秦隋不悟而遂滅漢武中悔而獲存乃知懲與不懲覺與不覺其於得失相遠復有存滅之殊安可不思安可不懼今人窮日甚國用歲加不時節量其勢必感而議者但憂財利之不足固慮安危之不持若然者則太宗漢文之德曷見稱秦皇隋煬之敗靡足戒惟欲是逞復何規哉幸屬休明將期致理急聚歛而忽於勤恤固非聖代之所宜言也

唐初取民之制最簡尚有三代遺意故此篇只以略循故例為言

○條論長吏以增戶加稅闢田為課績

陸贄

夫欲施教化立度程必先域人使之地著古之王者設井田之法以安其業立五宗之制以綴其恩猶懼其末也又教之族墳墓敬桑梓將以固人之志定人之居俾皆重遷然可為理厥後又督之以出鄉遊墮之禁糾之以版圖比閭之方雖訓導漸微而簡制猶密歷代因襲以為彝章其理也必謹於隄防其亂也必慢於經界斯道崇替與時興衰人主失之則不可御寰區守長失之則不可釐羣邑理人之要莫急於茲頃因兵興典制弛廢戶版之紀綱罔緝土斷之條約不明恣人浮沉莫克禁止縱之則湊集愁之則驚離恒懷倖心靡固本業是以賦稅不一教令不行長人者又罕能推忠恕易地之情體至公徇國之意迭行小惠

競誘姦以傾奪鄰境為智能以招萃逋逃為理化捨彼適此者既謂
新收而獲有條忽往來者又以復業而見優惟懷土安居者未不遷者
則使之日重歛之日加是令地著之人恒代墮游服役則何異驅之轉
徙教之澆訛此繇牧宰不克弘通各私所部之過也及夫廉使奏課會
府考功但守常規不稽時變其所以為長吏之能者大約在於四科一
曰戶口增加二曰田野墾闢三曰稅錢長數四曰徵辦先期此四者誠
史職之所崇然立法齊人久無不弊法之所沮則人飾巧而苟避其網
法之所勸則人興偽以曲附其文理之者若不知維御損益之宜則巧
偽萌生恒因沮勸而滋矣夫課吏之法所貴戶口增加者豈不以撫字
得所人益阜藩乎今或詭情以誘其姦浮苛法以析其親族苟益戶數

務登賞條所誘者將議薄征已遽驚散所析者不勝重稅又漸流亡州
縣破傷多起於此長吏相効以為績安忍莫懲齊人相扇以成風規避
轉甚不究實而務增戶口有如是之病焉所貴田野墾闢者豈不以訓
導有術人皆樂業乎今或牽率黎烝播植荒廢約以年限免其地租苟
農夫不增而墾田欲廣新畝雖闢舊畝反蕪人利免租頗亦從令年限
纔滿復為污萊有益煩勞無增稼穡不度力而務闢田野有如是之病
焉所貴稅錢長數者豈不以既庶而富人可加賦乎今或重困疲羸力
求附益捶骨懸髓隳家取材苟媚聚歛之司以為仕進之路不恤人而
務長稅務有如是之病焉所貴徵辦先期者豈不以物力優贍人皆樂
輸乎今或肆毒作威殘人逞欲事有常限因而促之不量時宜惟尚強

濟絲不容織粟不暇舂矧伊貧虛能不奔逆不怒物而務先徵辦有如
是之病焉然則引人遁逃感人艱窘惟茲四病亦有助焉此絲考核不
切事情而之循舊轍之過也且夫戶口增加田野墾闢稅錢長數徵辦
先期若不以實事驗之則真偽莫得而辨將驗之以實則租賦須加所
加既出於人固有受其損者此州若增客戶彼郡必減居人增處邀賞
而稅數有加減處懼罷而稅數不降倘國家所設考課之法必欲崇於
聚歛則如斯可矣將有意乎富俗而務理豈不刺謬歟當今之要在於
厚人而薄財損上以益下下苟利矣上必安焉則少損者所以招大益
也厚財必贍焉則整薄者所以成永厚也臣愚謂宜中命有司
考績往貴於加者今務於減焉假如一州之中所稅舊有定額凡

管幾許百姓復作幾等差科每等有若干戶人每戶出若干稅物各令
條舉都數年別一申使司使司詳覆有憑然後錄報戶部若當管之內
人益阜殷所定稅額有餘任其據戶均減率計減數多少以為考課等
差其當管稅物通比較每戶十分減三分者為上課十分減二分者次
焉十分減一分者又次焉如或人多派止加稅見戶比較殿罰法亦如
之其百姓所出田租額納則各以去年應輸之數便為定額每歲據額
徵納更不勘責簡巡增闢者勿益其租廢耕者不降其數足以誘導墾
植且免妨奪農功事簡體弘人必悅勸每至定戶之際但據雜產較量
田既自有恒租不宜更入兩稅如此則吏無苟且俗變澆淳不苛課而
人自樂耕不防閑而眾皆安土斯亦當今富人固本之要術在陛下舉



而行之

若心經畫惻怛溢於言外。葛端調

○○條論徵稅期限迫促

陸贄

建○立○國○所○以○養○人○也○賦○人○取○財○所○以○資○國○也○明○君○不○厚○其○所○資○而○害
 其○所○養○故○必○先○人○事○而○借○其○暇○力○先○家○給○而○歛○其○餘○財○遂○人○所○營○卹○人
 所○乏○借○必○以○度○歛○必○以○時○有○度○則○忘○勞○得○時○則○易○給○是○以○官○事○無○闕○人
 力○不○殫○公○私○相○全○上○下○交○慶○古○之○得○衆○者○其○率○用○此○歟○法○制○或○虧○本○末
 倒○置○但○務○取○人○以○資○國○不○思○立○國○以○養○人○非○獨○徭○賦○繁○多○費○無○蠲○貸○至
 於○徵○收○迫○促○亦○不○矜○量○蠶○事○方○興○已○輸○緇○稅○農○功○未○艾○遽○歛○穀○租○上○司
 之○繩○責○既○嚴○下○吏○之○威○暴○愈○促○有○者○急○賣○而○耗○其○半○直○無○者○求○假○而○費
 其○倍○酬○所○繫○遲○速○之○間○不○過○月○旬○之○異○一○寬○稅○限○歲○歲○相○承○遲○無○所○妨
 速○不○為○益○何○急○故○逼○重○傷○疲○人○頃○緣○定○稅○之○初○期○約○未○甚○詳○衷○旋○屬○征

條論徵稅期限迫促一

後多故。復令先限量徵。近雖優延。尚未均濟。望委轉運使與諸道觀察。使商議更詳定徵稅期限。聞奏各隨當土風俗所便。時候所宜。務於行人。俾得辦集。所謂惠而不費者。則此類也。
收民者不可不知。葛端調

○○條請以稅茶錢置義倉以備水旱

陸贄

臣聞仁君在上。則海內無餓殍之人。豈必耕而食之。饗而食之哉。蓋以慮得其宜。制得其道。致人於歎乏之外。設備於灾沴之前。是以年雖大殺。衆不懼。夫水旱為敗。堯湯被之矣。陰陽相寇。聖何禦哉。所貴堯湯之盛者。在於遭患能濟耳。凡厥哲后。皆謹循之。故王制記虞夏殷周四代之法。乃云國無九年之蓄。曰不足。無六年之蓄。曰急。無三年之蓄。曰國非其國也。周官司徒之屬。亦云掌鄉里之委。積以恤艱阨。縣鄙之委。積以待凶荒。王制既衰。雜以權術。魏用平糴之法。漢置常平之倉。利兼公私。頗亦為便。隋氏立制。始創社倉。然於開皇。人不饑饉。貞觀初。戴胄建積穀備灾之議。太宗悅焉。因命有司詳立條制。所在貯粟。號為義倉。

此輩良制

豐則欽藏歎則散給。歷高宗之代。五六十載。人賴其資。國步中艱。斯制亦弛。開元之際。漸復修崇。是知儲積備災。聖王之急務也。語曰。百姓足。君孰與不足。百姓不足。君孰與足。此言君養人以成國。人戴君以成生。上下相成。事如一體。然則古稱九年六年之蓄者。蓋率土臣庶通為之計耳。固非獨豐公庫。不及編。此記所謂雖有凶旱水溢。人無菜色。良以此也。後代失典籍。備慮之旨。忘先王子愛之心。所蓄糧儲。惟計廩積。犬彘厭人之食。而不知歛。溝壑委人之骨。而不能恤。亂興於下。禍延於上。雖有公粟。豈得而食。諸故立國而不先養人。國固不立矣。養人而不先足。食人固不養矣。足食而不先備。食固不足矣。為官而備者。人必不贍。為人而備者。官必不窮。是故論德昏明在乎所務。本末務本則其壽

自遂。務末則其本兼。國本於人。安得不務。頃以寇戎為梗。師旅亟興。惠恤之方。多所未暇。每遇陰陽愆候。年不順成。官司所儲。祇給軍食。支計苟有所闕。猶須更取於人。人之凶荒。豈遑賑救。人小乏則求取息利。入大乏則賣鬻田廬。幸逢有年。纔償逋債。歛獲始畢。糶糧已空。執契擔囊。行復貸假。重計息食。每不充倘。遇薦饑。遂至顛沛。室家相棄。骨肉分離。乞為奴僕。猶莫之售。或行丐。鄜里或縊。死道塗。天灾流行。四方代有。率計被其害者。每歲常不下二十州。以陛下為人父母之心。若垂省憂。固足傷惻。幸有可救之道。焉可捨而不念哉。今賦役已繁。人力已竭。窮歲汲汲。永無贏餘。課之聚糧。終不能致。將樹儲蓄。根本必藉官司。助成陛下。誠能為人備灾。過聽愚計。不害經費。可垂永圖。近者有司奏

陳請以既茶錢置義倉以備水旱二

請稅茶歲得五十萬貫元敕令貯戶部用救百姓凶饑今以儲糧適副
前旨望令轉運使總計諸道戶口多少每年所得稅茶錢使均融分配
各令當道巡院主掌每至穀麥熟時即與觀察使計會散就管內州縣
和糴便於當處置倉收納每州今錄事參軍專知仍定觀察判官一人
與和糴巡院官同管當亦以義倉為名除賑給百姓已外一切不得貸
便支用如時當大稔事至傷農則優與價錢廣其糴數穀若稍貴糴亦
便停所糴少多與年上下准平穀價恒使得中每遇灾荒即以賑給心
歛則隨事并貸大饑則錄奏分頒許從便宜務使周濟循環歛散遂以
為常如此則蓄財息債者不能耗吾人聚穀幸灾者無以俸大利富不
至侈貧不至饑農不至傷糴不至貴一舉事而眾美具可不務乎俟人

示休漸勸私積平糴之法斯在社倉之制兼行不出十年之中必盈三
歲之蓄弘長不已升平可期使聖代黎人永無饑乏此堯湯所以見稱
於千古也願陛下遵之慕之總之齊之苟能存誠蔑有不至
義倉之法誠萬世良策也嗚呼法則良矣安得良吏盡心無私以充
行之乎故曰富國在於足民足民在乎良吏葛端調


蘇詩以稅茶錢置義倉以備水旱三

得不乏。富一家而傾千家之產，則千家之業，不得不空。舉類推之，則海內空乏之流，亦已多矣。故前代致有風俗訛靡，黽田窮繇，此弊也。今茲之弊，則不甚焉。夫物之不可以掩蔽而易以聞視者，莫著乎田宅。臣請又措其宅而勿議，且舉占田一事以言之。古先哲王疆理天下，百畝之地，謂曰一夫。蓋以一夫受田，不得過於百畝也。欲使人無廢業，田無曠耕，人力田疇二者適足，是以貧弱不至竭涸，富厚不至奢淫。法立事均，斯謂制度。今制度紊弛，疆理壞隳，恣人貪噬，無復畔限。富者兼地，窮者萬畝，貧者無容足之地。依託強豪，以為私屬，貸其種食，貨其田廬。終年服勞，無日休息，罄輸所假，常慮不充。有田之家，坐食租稅，貧富懸絕，乃至於斯。厚歛促徵，皆甚公賦。今京畿之內，每田一畝，官稅五升，而私家

收租殆有畝至一石者，是二十倍於官稅也。降及中等，租籍半之，是十倍於官稅也。夫以土田王者之所有，耕稼農夫之所為，而兼并之徒，居然受私官取其一，私取其十，穡人安得足食，公廩安得廣儲。風俗安得不貪，財貨安得不壅。昔之為理者，所以明制度而謹經界，豈虛設哉。其道浸亡，為日已久，頓欲修整，行之實難。革弊化人事，當有漸，望令百官集議，參酌古今之宜，凡所占田，約為條限，裁減租價，務利貧人。法貴必行，不能深刻，裕其制，以便俗，嚴其令，以懲違。微損有餘，稍優不足，損不失，富優可，賤窮此，乃古者安富恤窮之善經，不可舍也。

快論六公論 葛端調

Faint vertical text columns, likely bleed-through from the reverse side of the page.



陸奥公考証
陸奥公考証
陸奥公考証
陸奥公考証
陸奥公考証

